

NAQQIUT

Siunnersuut 4. august 2017-imeersoq taarserpaa

Tunngavigisaq

Tusarniaanermi akissutit inatsisiliornermut tunngasut kingusissukkut takkuttut tunngavigalugit, siunnersuummut naqqiummik suliaqartoqarpoq. Allanguutit annerpaartaat teknikkikkut allanguinerupput.

Siunnersuummut nassuiaatit

Nalinginnaasumik nassuiaatit

1. Aallaqqaasiut

Kalaallit Nunaanni isertitanik akileraarusersueriaatsimi sulinermit isertitanik akileraarusersuineq qitiuvoq. Sulinermit isertitanit timalimmik akileraarusersuineq qaffasippoq. Akerlianik innuttaasut aningaasaliiffigisimasaminnit pissarsiaat akileraaruserneqarneq ajorput, iluanaarniarneq pineqanngikkaangat.

Isertitat assigiinngitsut akileraarusersorneqarneranni nalingiinnerulersitsinermik siunnersuut tapeeqataassaaq. Isertitat assigiinngitsut naligiinngitsumik akileraarusersorneqartarnerat akileraartarnikkut iluanaarniarnermik pilersitsisinnaavoq. Tamanna pingaartumik akileraartartunut, pisuussuterpasuaqareersunut, matuma ataani aningaasaaterpasuaqareersunut atuulluni.

2012-imi Danmark aamma Kalaallit Nunaat isumaqatigiissuteqarput danskit-kalaallit marloqiusamik akileraartannginnissamik isumaqatigiissutaata allanngortinneqarnissaanik. 2013-ip tungaanut suliaqarfinni aalajangersimasuni akileraarusiisanninnissamut taarsiissutitut Kalaallit Nunaat Danmarkimit ukiumut aningaasanik 25 mio. kr.-it missaanniittunik pissarsisarpoq. 2012-imi isumaqatigiissutikkut aningaasanit taarsiissutigineqartartunit tamarmiusunit 20 mio. kr.-it missaat peerupput. Tamatumunnga pissutaavoq pissutsit 1990-imi taarsiissuteqartarnermik isumaqatigiissuummut tunngaviusut taakkuujunnaarsimmata. Ilaatigut piffissap ingerlanerani nunani pineqartuni marlunni akileraarusiisarnermut malittarissat annertuumik allanngortinneqarsimapput, soorlu aamma Kalaallit Nunaanni Namminersorluni Oqartussaaneq eqqunneqarsimasoq.

Aningaasat taarsiissutigineqartartut ilarujussuisa peerunnerat taarserneqarpoq, inuk nunami allani akileraarutitigut oqilisaaffigineqarsimasumik soraarnerussutisiaqarnissamut

aaqqissuussinnermut peqataasimatillugu taakkunanga pissarsiat nunami tassani akileraaruserneqartarnissaannik nunamullu pineqartup najugaqarfigisaanut nuunneqartarnissaannik isumaqatigiissummik. Isumaqatigiissutip maannamut inernerisimavaa ukiut tamaasa Kalaallit Nunaannut Danmarkimit aningaasat 20 mio. kr.-it missingi nuunneqartarmata. Isumaqatigiissuteqarnermi naatsorsuutigineqartut soraarnerussutisiaqalernissamut aningaasaatinit pissarsiat Kalaallit Nunaanni suli akileraaruserneqarneq ajormata aningaasanik Danmarkimut nuussisoqarsimannngilaq. Inatsissatut siunnersuutikkut matumuuna Kalaallit Nunaata Danmarkimik isumaqatigiissut naammassisinnaalissavaa. Naatsorsuutigineqarpoq, ukiumoortumik Danmarkimut nuuttagassat 500.000 kr.-it ataattassagaat.

Akileraartartunut ataasiakkaanut akilersinnaaneruvoq ass. aningaasaliissuteqartarnermut peqatigiiffinni pissarsianik agguaaviusartuni pinnani, pissarsianik agguaaviuneq ajortumi aktianik obligationinillu pisigaanni. Aningaasaliissuteqartarnermut peqatigiiffimmi pissarsianik agguaaviuneq ajortumi aningaasaliissuteqarnikkut akileraartartup aningaasaliissuteqarsimanerminut uppersarsaatimi nalingata qaffanneratigut iluanaarutiniq akileraarutaasussaannngitsumik akileraartartoq pissarsisinnaavoq, akerlianilli aningaasaliissuteqartarnermut peqatigiiffimmit pissarsianik agguaaviusartumit ingerlaavartumik akiliutigineqartartut iluanaarutitut 36 aamma 44 pct. akornanni akileraaruserneqassallutik.

Isertitaqariaatsit assigiinnngitsut ullumikkut assigiinnngitsorujussuarmik pineqartarnerat akileraartarnikkut iluanaarniarnermik pilersitsisinnaavoq. Akileraartartunut ataasiakkaanut aningaasartuutit allat assigalugit akileraarut aningaasartuutaavoq. Taamaattumik pissusissamisoorpoq akileraartarnermut malittarisassat ilanngunneqarpata, nammineq akileraartartut akileraareernermi annertunerpaamik pissarsiaqarnissap qanoq qularnaarneqarsinnaanerata naliliiniarnerani.

Allatut oqaatigalugu akileraariaatsip ullumikkut aaqqissuussaanaera immiini annertuumik equsoortitsisinnaanermik imaqarpoq. Pissutsit pitsaanerpaassappata akileraariaaseq ima aaqqissuunneqartariaqarpoq, akileraartartut ataasiakkaat aningaasaliissuteqarnissamik aalajangiinerinut sapinngisamik annikinnerpaamik sunniuteqarluni. Taamaaliornikkut anguneqassaaq niuernikkut isumaliutiviit tunngavigalugit akileraartartut aningaasaliissuteqarnissamik aalajangiisarnissaat, tamanna nalinginnaasumik aamma inuiaqatigiit aningaasaqarniarnerat eqqarsaatigalugu pissusissamisoortutut isigineqarpoq.

Taamaattorli akileraartarnermi malittarisassat innuttaasut suliffeqarfiillu aningaasaliissuteqarnissamik aalajangertarnerinut sunniuteqartarnissaat ulluinnarni pinngitsoortissallugu ajornakusoortassaaq. Taamaakkaluatorli erseqqilluinnartumik equsoortitsisinnaanerit pinngitsoortinniarlugit akileraariaatsip aaqqissorneqarnissaa anguniakkatut kinguneqarluartussatut isigineqartariaqarpoq.

Naalakkersuisut taamaattumik aalajangersimavaat inatsisissatut siunnersuutini pingasunik ataatsimoortunik saqqummiussaqaarniarlutik, ataatsimut aningaasanik nalilinnik akileraarusersueriaatsip atuuttup ajornartorsiutitaasa iluarsiniarnissaannik siunertaqartunik. Inatsisissatut siunnersuutini ataatsimoortunut ilaapput inatsisissatut siunnersuut manna, aningaasanik nalilinnit pissarsiat akileraaruserneqartarnerat pillugu siunnersuut aamma pappiaqqanit nalilinnit pissarsiat akileraaruserneqartarnerat pillugu inatsisissatut siunnersuut.

Inatsisissatut siunnersuummi kingullertut taaneqartumi aallaaviuvoq, aningaasanik nalilinniit pissarsiat sulinermit isertitat, erniat iluanaarutillu annertoqataannik akileraaruserneqartalissammata, tassa 36 aamma 44 procentit akornanni akileraaruserneqartarlutik. Tamannali atuutissanngilaq aalajangiisuusumik aktianik amerlanernik pigisaqartup Kalaallit Nunaanni ingerlatseqatigiiffinni aningaasaliissutaanut, tamatumanimi akileraarutissat immikkoortunit assigiinngitsunit katitigaanerat isiginiarneqarsimammat (ingerlatseqatigiiffiit akileraarutaat aamma nalitigut iluanaarutitut akileraarut).

Equsoortitsinerit annertuut pinngitsoorniarlugit soraarnerussutisiaqalernissamut aaqqissuussinermit katersanit aningaasanik nalilinnit pissarsiat aningaasanik nalilinnik pissarsiat allat assigalugit akileraarusersorneqartariaqarput. Tamanna qularnaarniarneqarpoq aningaasanik nalilinnit pissarsiat akileraaruserneqartarnerat pillugu siunnersuutikkut inatsisissatullu siunnersuutikkut matumuuna. Inatsisissatullu siunnersuutini tamani annikinnerungaartumik akileraarusiisoqartarnissaa siunnersuutigineqarpoq, 15,3 procentimik akileraarnissaq siunnersuutigineqarmat. Taama appasitsigisumik akileraarusiinnikkut qularnaarniarneqarpoq aktiatigut obligationitigullu katersaqarnermut taarsiullugu akileraartarnermikkut nammineq soraarnerussutisiaqalernissamut katersaqartarnerup orniginartuarnissaa.

Inatsisissatut siunnersuutip suliarineqarnera sioqqullugu soraarnerussutisiaqalernissamut aningaasaateqarfik SISA oqaloqatigineqartarsimavoq. SISA-p tamatumunnga atatillugu erseqqissarpaa soraarnerussutisiassanut aningaasaatinit pissarsianut akileraaruteqalissappat pingaaruteqartoq tamatuma sapinngisamik allaffissornikkut aqukkuminarnerpaatinneqarnissaa. Minnerunngitsumik pingaaruteqarpoq malittarisassat soraarnerussutisiaqalernissamut aningaasaateqarfimmut taamalu soraarnerussutisiaqalernissamut katersisunut qarasaasiaqarnikkut nammineq programmit assigisaasalu ineriartortinneqarnerinut annertuunik aningaasartuuteqartinneqarnerannik malitseqannginnissaat.

SISA Danmarkimi AP Pensionimik allaffissornikkut aqutsinissamut isumaqatigiissuteqareermat SISA-p siunnersuutigisimavaa soraarnerussutisiaqalernissamut aningaasaatinit pissarsianut akileraarut Danmarkimi taamaaqataanik akileraarusiisarnertulli aaqqissuunneqartariaqartoq. Taamaaliornikkut AP Pensionimik isumaqatigiissuteqartoqarsinnaassaaq allaffissornikkut aqutsinissamik isumaqatigiissutip

annertusineqarsinnaanissaannut soraarnerussutisiaqalernissanut aningaasaatinut pissarsianut akileraarut nutaaq ilaasussanngorlugu.

Naalakkersuisut assut pingaartippaat soraarnerussutisiaqarnissamut katersanit pissarsianut akileraartalernerup sapinngisamik akikinnerpaanissaa, taamaattumillu akuerisimallugu Kalaallit Nunaanni soraarnerussutisiaqarnissamut katersanit pissarsianit akileraarutip sapinngisamik danskit soraarnerussutisiaqarnissamut katersanit pissarsianit akileraartarnermik aaqqissuussisimanerannut assingusuunissaa. Tamatuma ilaatigut malitsigaa danskit inatsisaanni aalajangersakkat tamarmik ilanngunneqartariaqartutut isigineqartut tamarmik inatsisissatut siunnersuummut ilanngunneqarsimammata, taamaattumillu aamma pissusissamisussalluni danskit soraarnerussutisiaqarnissamut katersanit pissarsianit akileraartarnermik aaqqissuussineranni siunnessami allannguutaajunnartut ingerlaavartumik soraarnerussutisiassanut katersanit pissarsiat akileraaruserneqartarnerat pillugu Kalaallit Nunaanni inatsimmut nutaamut ilanngunneqartarpata. Tamatumunnga atatillugu mattunneqarsinnaanngilaq ajornerpaamik ima pisoqarsinnaassammat pisariaqalerluni siunnersuummik Inatsisartunut saqqummiisoqarnissaa Inatsisartut inatsisaata, ullormut danskit inatsisiliornerata taamaaqataanik allanngortinneqarnerata atuutilerneranut, kingumut atuuttumik allanngortinneqarnissaa. Tamanna ilaatigut pissuteqarnermik Danmarkimi nunatsinnilu inatsisiliornerup ingerlasarnerisa annertuunik assigiinnngissuteqarnerannik.

Inatsisissatut siunnersuutip matuma piareersarneqarnerani isumaliutigineqarsimavoq, danskit malittarisassaasa Kalaallit Nunaanni atuutilersinneqarnissaannut inatsisilerinermi teknikikkut aaqqiissuteqartoqarsinnaanersoq pisariinnerusunik pissusissamisoornerusunillu. Ajoraluartumillu tamanna ajornartutut isikkoqarpoq. Assersuutigalugu Tunngaviummik inatsimmi § 43 ("Akileraarusiineqassanngilaq akileraarutillu allanngortinneqarsinnaanatik soraarsinneqarsinnaanatililu tamanna inatsisiliuunneqarsimanngippat; ...") malittarisassat ilaasa pingaarutillit nalunaarutikkut atuutilersinneqarsinnaanerannut aporfiliivoq.

2. Siunnersuummi immikkoortut pingaarnertit

Siunnersuutigineqarpoq soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1 aamma 2, malillugit nunatsinnut tamakkiisumik akileraartussaataasut, marloqiusamillu akileraartannginnissamik isumaqatigiissut malillugu nunani allani angerlarsimaffeqartutut isigineqanngitsut, soraarnerussutisiaqalernissamut aningaasaatinit pissarsiat akileraaruserneqartarnerat pillugu inatsit malillugu akileraartussaataaasut. Akileraartussaataaneq atorunnaarpat soraarnerussutisiaqalernissamik aaqqiissuussinermik neqerooruteqartup akileraarnermi tunngavigisassat taakkulu ilaat akileraaruteqaataasussat inaarutaasumik naatsorsuusiussavai.

Soraarnerussutisiaqarnissamut aningaasaateqarfiit Kalaallit Nunaanni angerlarsimaffillit, kiisalu inuunermik soraarnertussutisiaqalernissamullu sillimmasiisarnermik

ingerlatseqatigiiffiit Kalaallit Nunaanni angerlarsimaffillit taamatutaaq inatsit manna malillugu akileraartussaataalissapput.

Soraarnerussutisiaqalernissamut aningaasaatinit pissarsianit akileraarut 15,3 procentimut aalajangersarneqarpoq, taamaalilluni akileraarut soraarnerussutisiaqalernissamut aaqqissuussinerit danskit aaqqissuussineriniittut akileraaruserneqartarnerannut naapertuutissalluni.

Inuunermik sillimmasiisarnermik ingerlatseqatigiiffinni soraarnerussutisiaqalernissamullu aningaasaateqarfinni soraarnerussutisiaqalernissamut aaqqissuussinerit amerlanersaat soraarnerussutisiaqalernermi tunniuttakkanik qularnaakkanik imalinnik sillimmasiisarnermik teknikikkut periaatsimik tunngaveqarput. Soraarnerussutisiaqalernissamut neriorsuutip soraarnerussutisiaqalernissamullu akiliutaasartup immikkut ataqatigiinnerat erniat, toqusoqarneq, innarluuteqalertarneq aningaasartuutillugu pillugu naatsorsuutigisanik aalajangersimasunik tunngaveqarpoq; ataqatigiinneq inuunermik sillimmasiisarneq ingerlatseqatigiiffiit soraarnerussutisiaqalernissamullu aningaasaateqarfiit teknikikkut tunngavigisaanni takuneqarsinnaapput. Naatsumik oqaatigalugu ingerlatseqatigiiffiup il.il. naatsorsorsinnaavaa utoqqalinermi soraarnerussutisiatut aningaasat qanoq amerlatigisut tunniunneqarsinnaanersut, siunissami erniarititassaq (erniaq tunngaviusoq) naatsorsuutigigaanni, taamatullu aamma isiginiaraanni sillimmasersimanerup allaffissornikkut aqunneqarneranut aningaasartuutitut innarluuteqalersunullu soraarnerussutisiassanut ingerlaavartumik ilanngaatigineqartartussat kiisalu aamma inuit ilaasa ukiut soraarnerussutisiaqalerfiussat suli angunagit toqusarnerannut iluarsigaanni.

Sillimmasiisarnermi suugaluartumilluunniit siunertarineqartarpoq ajutooriataarsinnaanerit sillimmasersimanermit peqataasut akornanni agguataarneqarnissaat. Tamanna aamma inuunermik soraarnerussutisiaqalernissamullu sillimmasiissutitut atuuppoq. Taamaattumik ataatsimoorfinni ajutooriataarfiussinnaasumi peqataasut akornanni agguataareqqittoqartarpoq. Innarluuteqalernermit toqusoqarneranullu atatillugu agguataareqqinnissaq pinngitsoorneqarsinnaangilaq. Peqqissisut akiliuteqartarnermikkut sulisinnaajunnaartunut taarsiissutit akilertarpaat. Toqusoqartillugu ataatsimoorfiup pilersuisumik annaasaqarnermit qimagaasunut taarsiissuteqartarput. Utoqqalinermit matussusiinermi taamatutaaq agguataareqqittoqartarpoq. Utoqqalinermi soraarnerussutisiat sillimmasersimanermit katersanit matussuserneqartarput, inuilli agguaqatigiissillugu nalinginnaasumit siusinnerusukkut toqusut, akiliuteqartarlutik akiliuteqaqqinninnermikkut inunnut sivisunerusumik inuusunut iluaqutaasumik.

Sillimmasersimasup ajutoortoqartillugu ajutooriataarsinnaanerup ingerlatseqatigiiffimmit tiguneqarneranut akiliuteqartarput sillimmasiisarfiimmu akiliummut ilanngaateqarnikkut, ajutooriataarsinnaanermit akiliummik taaneqartartumik. Akerlianik aamma imaattoqarsinnaavoq ajutooriataarsinnaaneq atorneqanngisaannarluni, taamatullu pisoqartillugu sillimmasersimasup katersai sillimmasersimasunut allanut agguaneqartarlutik.

Soraarnerussutisiaqalernissamut neriorsuutit tunniunneqarsimasut naammassiniarlugit taamanikkussamut ingerlatseqatigiiffiup naammattunik aningaasassaqaarnissaa qularnaarniarlugu, erniat, ajutooriataarsinnaaneq aningaasartuutillu eqqarsaatigalugit aallaaviit mianersortumik aalajangersarneqarsimapput.

Erniat, ajutooriataarsinnaaneq aningaasartuutillu il.il. eqqarsaatigalugit aallaavigisat – mianersortut -akiliutissap imaluunniit soraarnerussutisiaqalernermi tunniuttagassap naatsorsorneqarneranut tunngaviusimasut, ingerlatseqatigiiffiit il.il. soraarnerussutisiaqarnissamut isumaqatigiissuteqarsimasunit iluanaaruteqarnissaat. Iluanaarut taakku pissutissaqalersitsisarput ingerlatseqatigiiffiup il.il. immikkut tapisianik tunniussaqaarsinnaaneranut.

Immikkut tapisianut immikkoortunut tamanut immikkut tapisianut akiliuteqaqataasoqaarsinnaavoq:

- Ernianut immikkut tapiissuteqartoqartarpoq, ingerlatseqatigiiffik akiliutaasartussap naatsorsorneqarnerani naatsorsuutigineqarsimasumit erniatigut annerusumik pissarsiaqarpat.
- Ajutooriataarsinnaanermut immikkut tapiissuteqartoqartarpoq toqusarnerinit innarluuteqalernerillu teknikikkut tunngavigisani naatsorsuutigineqarsimasut pissusiviusullu assigiinngissutaat pissutigalugit.
- Aningaasartuuteqarnermut immikkut tapiissuteqartoqartarpoq teknikikkut tunngavigisani naatsorsuutigisanit aningaasartuuteqarnerit appasinnerugaangata.

Taamaalilluni immikkut tapisiat pilersarput ernianut, ajutooriataarsinnaanermut aningaasartuutinullu immikkoortunit sinneqartoortunit.

Ingerlatseqatigiiffiup il.il. ingerlaavartuik isummerfigisassavaa, angusat pissarsiarineqartut ilaat qanoq annertutigisut, soraarnerussutisiaqalernissamut katersaqartunut immikkut pissarsiatut tutsinneqassanersut. Allatut isumaqatigiissuteqartoqarsimanngippat, sillimmasersimanernut immikkut tapisiaqarfusinnaatitaasunut, tunniussaqaartarnermut nalunaarut malillugu, kingullermik nalunaarut nr. 1643, 14. December 2016-imeersoq angusanit timalerneqartunit nammineq aningaasaatinut ilanngunneqartussat qanoq annertutiginiissaannut aalajangersakkat atuutissapput. Nalunaarut aningaasanut ingerlataqarneq pillugu inatsimmi tunngaveqarpoq, kiisalu inuunermut sillimmasiisarfiit soraarnerussutisiaqalernissamullu aningaasaateqarfiit inuunermut sillimmasiisarfiittut atornermut atatillugu nalunaarutigisassagaannut, naatsorsuinermit kiisalu angusarisanik agguaanernut malittarisassaannut atuulluni.

Katersanut erniat qaammatisiutit ukiuat tulliuuttoq sioqqullugu decembarip qaammataani aalajangersarneqartarnerat ileqquuvoq, taamaattumik toqqortanut erniaritinneqartoq tunngaveqartariaqarluni ukiunut tulliuuttunut kiisalu ukiup ingerlasup sinneranut

anigaasaliissuteqarnermit pissarsiassat missingerneqarnerinik. Katersanut erniaq tassaavoq erniaq inuunermik sillimmasiissummi sillimmatinut kontumik ernialiissutaasartoq, tassa isumaqatigiissut + ernianut immikkut tapisiat naapertorlugit erniaq.

Ileqquusumik aaqqissuussinerni ernialersuisarneq agguaqatigiissillugu erniamik najoqqutaqarnermik tunngaveqarpoq. Taamatut najoqqutaqarnerup malitsigaa aaqqissuussinermut ilaasortat tamarmik ukiuni ataasiakkaani ernialerneqartarmata assigiimmik, soraarnerussutisiaqalernissamut isumaqatigiissuteqarnermi erniaq tunngaviusooq atorneqarsimasooq apeqqutaatinnagu.

Soraarnerussutisiaqalernissamut aningaasaateqarfinni il.il. nalinginnaasumik imminnut pissarsiat atorneqartarput sillimmasiissutit taakku annertoqataannik naleqarnerulersinneqarnerinut (ilassutitut sillimmatinik pisinerit). Taamaattorli immikkullu pissarsiat aamma immikkut kontumi sillimmasersimasut ataasiakkaat ”pigisaanni” katersorneqarsinnaapput, sillimmasersimaneq ataatsimut sillimmasiissutinut ilaajunnaarpat, sillimmasersimanerup atorneqartussanngornerani imaluunniit sillimmasersimanerup naanerani (immikkut tapisianik katersineq), ernialerlugit tunniunneqartussanik.

Aaqqissuussinerit imminnut ataqatigiissut, Unit-linked
Soraarnerussutisiaqalernissamut katersaqartutut soraarnerussutisiaqalernissamut nammineq aningaasaatit sumut aningaasaliissutigineqartarnerat toqqaannartumik sunniuteqarfiginiaraanni, allatut periarfissaqarpoq soraarnerussutisiaqalernissamut periarfissanik allanik sillimmasiisarnermi klasse III-mut ilaatinneqartunik – aaqqissuussinernik imminnut ataqatigiissunik, unit-linked, taaneqartartunik.

Soraarnerussutisiaqalernissamut aaqqissuussinerni imminnut ataqatigiissuni soraarnerussutisiaqalernissamut katersaqartup pissarsiaasa timalimmik aningaasaliisimanermit pissarsiat malittuaannarpaat (niuerutiginninnermit pissarsiat). Aaqqissuussinernullu imminnut ataqatigiissunut atatillugu assigiinngitsunik qularnaveeqqusiisoqarsinnaavoq – assersuutigalugu 0 procentimik qularnaveeqqut – taamaattorli nalinginnaasumik immikkut akiliuteqarnikkut suullu aningaasaliiffigineqarsinnaanersut killilerneqarnerisigut. Aaqqissuussinerni immikkut ataqatigiissuni qularnaveeqqutitaqanngitsuni, soraarnerussutisiaqalernissamut katersaqartumut ukiut tamaasa pissarsiaviit, sinneqartoorutaappata amigartoorutaappataluunniit, tutsinneqartassapput. Ukiunili kingullerni aaqqissuussinernik aamma takkuttoqartalerpoq, piffissap ingerlanerani pissarsianik nalimmassaaviusartunik.

Soraarnerussutisiaqalernissamut aaqqissuussinerit imminnut ataqatigiissut katersaqartunut periarfiissiipput pappiaqqanik nalilinnik assigiinngitsunik pigisaqarsinnaanermut.

Soraarnerussutisiaqalernissamut aaqqissuussinerni imminnut ataqatigiissuni akiliuteqarnermi katersaqartoq immikkut akiliuteqartarpoq, taamatullu aamma akiliutit utertinneqassappata

immikkut akiliuteqartoqartarluni. Taakkununga ilanngunneqassapput ingerlaavartumik ukiumut immikkut akiliut, kiisalu katersaqartup pappiaraataa nalillit allanngortinneqarnerisigut tamakkununga nioqquteqartartunut akiliut. Aaqqissuussinermut atatillugu qularnaveeqqusiisoqarsimappat, tamanna immikkut akilerneqartussaagajuttarpoq.

Akilerartussaataitaasup katersaasa tamarmiusumik ernialersorneqarnera akileraaruteqaataasassaaq.

Inatsisissatut siunnersuut malillugu soraarnerussutisiaqalernissamut aningaasaateqarfiit il.il. namminneq aningaasaataannit pissarsianik aamma pissarsianik, ataatsimut aningaasaatinit agguataarneqanngitsunit soraarnerussutisiaqalernissamut aningaasaateqarfimmut ilaasortanut nakkartinneqartunik, akileraarusersuisoqalissaaq. Taamatuttaaq aningaasat inuunermik sillimmasiisarnermik ingerlatseqatigiiffiit sillimmasersimasunut agguataarnagit immikkoortissimasat akileraaruserneqartalissapput.

Akileraarnermi tunngavigisassat amigartoorfiugaangata akileraarutissamik amigartoorfiusumik naatsorsuisoqarsinnaavoq. Akileraarutissat amigartoorfiusut Inatsisartut inatsisaat manna malillugu ukiumi isertitaqarfiusumi tulliuuttumi soraarnerussutisiaqalernissamut aningaasaatinit pissarsianit akileraarutissanit ilanngaatigineqarsinnaapput. Akileraarusigassat marluk akornanni akileraarutissanik amigartoorfiusunik ilanngaassisoqarsinnaanngilaq. § 4 malillugu akileraarnermi tunngavigisassat naatsorsorneqarsimasut eqqarsaatigalugit akileraarutissat amigartoorfiusut taamaalilluni taamaallaat ilanngaatigineqarsinnaapput § 4 malillugu ukiumut isertitaqarfiusumut tulliuuttumut akileraarutissani naatsorsorneqarsimasuni. § 5 malillugu akileraarnermi tunngavigisassat naatsorsorneqarsimasut eqqarsaatigalugit akileraarutissat amigartoorfiusut taamatuttaaq taamaallaat ilanngaatigineqarsinnaapput § 5 malillugu ukiumut isertitaqarfiusumut tulliuuttumut akileraarutissani naatsorsorneqarsimasuni. § 3 malillugu akileraarnermi tunngavigisassat naatsorsorneqarsimasut eqqarsaatigalugit akileraarutissat amigartoorfiusut taamatuttaaq taamaallaat ilanngaatigineqarsinnaapput § 3 malillugu ukiumut isertitaqarfiusumut tulliuuttumut soraarnerussutisiaqarsinnaasumut tassunga tunngatillugu akileraarutissani naatsorsorneqarsimasuni.

Siunnersuutigineqarpoq akileraarutissat amigartoorfiusut soraarnerussutisiaqalernissamut aningaasaateqarfinnut inuunermillu sillimmasiisarnermik ingerlatseqatigiiffinnut tunniunneqarsinnaassasut, ukiup isertitaqarfiusup akileraarutissap amigartoorfiusup naatsorsorneqarfiata kingorna ukiuni isertitaqarfiusuni tallimani siullerni ilanngaatigineqarsimannngikkunik. Malittarisassakkut ilaatigut isiginiarneqarpoq soraarnerussutisiaqalernissamut aningaasaateqarfiit il.il. ilaat atorunnaarsikkiartuarneqarsinnaammata.

Aningaasarsianit akileraarutit pillugit inatsimmi § 69 malillugu soraarnerussutisiaqalernissamut aningaasaatinit pissarsianut nunani allani akileraarusiussanut

oqilisaassisoqarnissaa siunnersuutigineqarpoq. Aningaasarsianit akileraarutit pillugit inatsimmi § 69 malillugu akileraarutit naalagaaffimmut allamut, Danmarkimut Savalimmiunulluunniit akilerneqarsimasut akilerneqarsimasut aammalu aningaasarsianit taakkunannga aallaaveqartunit toqqaannartumik akileraarusiinikkut unerartitsinikkulluunniit tiguniarneqarsimasut aningaasarsianit taakkunannga Kalaallit Nunaannut aningaasarsianit akileraarutinit akilerneqartussanit ilanngaatigineqarsinnaapput. Taamaattorli ilanngaatigineqartut akimorsinnaangilaat Kalaallit Nunaanni akileraarutigineqartut tamarmiusut ilaat aningaasarsiat ilaasa naalagaaffimmi allami, Danmarkimi Savalimmiuniluunniit akileraaruserneqarsimasut aammalu aningaasarsiat Kalaallit Nunaanni akileraaruteqaataasut tamarmiusut imminnut sanilliullugit qanoq amerlatiginerat malillugu aningaasarsianut siulliullugit taaneqartunut tuttussaasut.

Soraarnerussutisiaqalernissamut aningaasaateqarfiup il.il. soraarnerussutisiaqalernissamut aaqjissuussinernit pineqartunit soraarnerussutisiaqarsinnaatitaasut ataasiakkaat akileraarutissaat unerartillugu akileraartarnermik ingerlatsivimmut akilertassavaat. Soraarnerussutisiaqalernissamut aningaasaateqarfiup il.il. soraarnerussutisiaqalernissamut aaqjissuussinernut ataasiakkaanut akileraarnermi tunngavigisassat, taakku ilaat akileraaruteqaataasussat ukiumullu isertitaqarfiusumut akileraarutissat pillugit inaarutaasumik naatsorsuusiat ukiup isertitaqarfiusup naanerata kingorna ukiumi ulloq 31. maj nassutereersimassavaat. Siunnersuutigineqarpoq soraarnerussutisiaqalernissamut aningaasaatinit pissarsianut akileraarut naatsorsorneqarsimasoq ernialerneqartassasoq februaarip ulluisa 20-anniit akiliinissap tungaanut, tassa kingusinnerpaamik maajip ulluisa 31-annut, atuuttumik.

Siunnersuutigineqarpoq akileraartarnermik ingerlatsivik piginnaatinneqassasoq soraarnerussutisiaqalernissamut suliffeqarfinit naatsorsuusiat akileraarutissanillu naatsorsuinerit nakkutigisarnissaannut pissutsillu apequtaatillugit taakkunani allanngortitsisarnissaminnut.

Naggataatigut siunnersuutigineqarpoq Inatsisartut inatsit ulloq 1. januar 2018 atuutilissasoq. Taamaalilluni 2018-imut soraarnerussutisiaqalernissamut aningaasaatinut pissarsianit akileraarutit kingusinnerpaamik ulloq 31. maj 2019 akilerneqareersimasussaapput.

Siunnersuut akileraarusiinermik ingerlatsineq pillugu Inatsisartut inatsisaannut atatillugu isigineqassaaq. Akileraarusiinermik ingerlatsineq pillugu Inatsisartut inatsisaat ilaatigut, akileraaruserinermik ingerlatsiviup siunnersuummut atatillugu nakkutilliinermik, kingusissukkut akiliinermut atatillugu ernianik isumakkeerinninnernut il.il. sulianik naammagittaalliutinillu suliaqarneranut sunniuteqartunik malittarisassanik imaqarpoq. Akileraartarnermut akitsuusiisarnermullu inatsisit allat assigalugit Inatsisartut inatsisaannik matuminnga aqutsineq akileraarusiinermik ingerlatsineq pillugu Inatsisartut inatsisaanni malittarisassat ataanni pissaaq, tamatumani Inatsisartut inatsisaanni ingerlatsinermut sunniuteqartunik aalajangersakkamik immikkut ittunik aalajangersaasoqarsimangippat.

3. Pisortanut aningaasatigut allaffissornikkullu kingunerisassai

Soraarnerussutisiaqalernissamut aningaasaateqarfimmi SISA-mi ukiuni kingullerni pissarsiat tunngavigalugit nalilerneqarpoq pissarsiat ukiumut agguaqatigiissillugu 20 mio. kr.-it missaanniissasut. Katersat amerliartornerat ilutigalugu pissarsiarineqartartut amerliartussapput. Ilaatigut akileraarusiisarnermik siuartitsineq matumani pineqassaaq. Ilanngaateqareerlunili iluanaarutit katillugit sinneqartoorfiussapput.

Taamaaqataanik danskit aaqqissuussinerannik danskit misilittagaasa takutippaat aningaasanik nalilinnik nioqquteqartarfinni ineriartornerit qaammatinik 18-inik siumut tutsuiginartumik eqqoriarneqarsinnaanngitsut. Aningaasanut inatsimmut missingersuutit ilanngussat suliarineqarnerini mianersortumik missingiisoqarniarumaarpoq. Taamaattoqaraluartorli annertuunik nikingasoortoqartarsinnaassaaq ammut noqitsisunik. Taamaattorli aamma annertuunik nikingasoortoqartarsinnaassaaq qummut noqitsisunik.

Suliassanik, siunnersuummut matumunnga atassuteqartunik tigusinermut ilaatigut atatillugu akileraaruserinermik ingerlatsivimmuut aningaasartuutit ukiut sisamat aggersut ingerlanerini katillugit 8 mio. kr.-inik qaffanneqarnissat naatsorsuutigineqarpoq.

Nalunaarutininik qallunaat akileraartarnermik oqartussaasuinit tiguneqartunik Namminersorlutik Oqartussanut ingerlateqqiisoqarsinnaaneramik isumaqatigiissuteqartoqarsinnaappat, Inatsisartut inatsisaata allaffissornertaanut aningaasartuutit ataavartut annikitsuinnaanissaat nalilerneqarpoq. Killormuanik pisoqassappat IT-kkut inerisaanermut il.il. aningaasartuuteqarnissaq naatsorsuutigineqassaaq. Inatsisartut inatsisaata kingunerisaanik akileraaruserinermik ingerlatsivik nakkutilliinermut siunnersuinernullu aningaasanik illuartitsisariaqarpoq. Eqqaaneqareersutut danskit akileraartarnermut oqartussaasuininik isumaqatigiissuteqartoqassappat, tunngaviusut pigineqartut naapertorlugit akileraaruserinermik ingerlatsivimmuut aningaasartuutaanerusut ukiumut 100.000 kr.-iusassanngitsut missingersorneqarpoq.

4. Inuussutissarsiortunut aningaasatigut allaffissornikkullu kingunerisassai

Inatsisissatut siunnersuut soraarnerussutisiaqarnissamut aningaasaateqarfimmut SISA-mut killilimmik allaffissornikkut kinguneqartussatut nalilerneqarpoq, soorlu aamma soraarnerussutisiaqarnissamut aningaasaateqarfimmi aningaasaqarnikkut pissutsit taamaallaat killilimmik attorneqassasut.

5. Avatangiisinut, pinngortitamut innuttaasullu peqqissusiannut kingunerisassai

Inatsisissatut siunnersuut avatangiisinut, pinngortitamut innuttaasullu peqqissusiannut kinguneqassanngilaq.

6. Innuttaasunut kingunerisassai

Soraarnerussutisiaqarnissamut aningaasaatinit pissarsianit akileraarut ukioq isertitaqarfiusoq iluanaarutininik pissarsiffiusoq aallaavigalugu akilersinniarneqartassaaq. Akileraarutip malitsigisaanik soraarninngornermut il.il. atatillugu aningaasat katersaqarsimasunut tunniunneqartartut ikinnerulissapput.

Soraarnerussutisiaqarnissamut aningaasaatinit pissarsianit akileraarut tamatumunnga atatillugu aningaasaliissutinit pissarsiat allat ingerlaavartumik akileraaruserneqartarnerannut, assersuutigalugu erniat piginneqataassutinillu pissarsiat akileraaruserneqartarnerannut, sanilliunneqarsinnaavoq.

7. Kingunerisassat pingaarutillit allat

Inatsisissatut siunnersuut allanik pingaarutilinnik kinguneqassanngilaq

8. Oqartussanik suliniaqatigiiffinnillu il.il. tusarniaaneq

Siunnersuut piffissami 11. juli 2017-imiit 26. juli 2017-imut ukununnga tusarniaatigineqarpoq: SISA, PFA Soraarnerq, Sulisitsisut (GE), NUSUKA, KNAPK, SIK, IMAK, ASG, PPK, AK, NPK, KANUKOKA, Kommune Kujalleq, Kommuneqarfik Sermersooq, Qeqqata Kommunian, Qaasuitsup Kommunian, Grønlandsbanken, Bank Nordik, Deloitte, Grønlands Revisionskontor, BK Revision, EY Grønland, Nunatsinni Advokatit, Naalakkersuisut Siulittaasuata Naalakkersuisoqarfia, Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfik, Ilaqtariinnermut, Naligiissitaanermut Isumaginninnermullu Naalakkersuisoqarfik.

Tusarniaanermi akissutit ukuninngaanneersut pissarsiarineqarput: KANUKOKA, Sulisitsisut (GE) Grønlands Revisionskontor, SISA, PFA Soraarnerq/PFA Pension, Grønlandsbanken, Akademikernes Sammenslutning i Grønland (ASG), Moderniseringsstyrelsi kiisalu Naalakkersuisut Siulittaasuata Naalakkersuisoqarfia

Ataani Naalakkersuisut siunnersuutaannut allanut aamma innersuussisoqarpoq. Tamatumani pingaarnertut pineqarput pigisanit pissarsiat ilaasa akileraarusersorneqartarnerat pillugu Inatsisartut inatsisissaattut siunnersuut aamma ingerlatsivinni pigisanit aamma pappiaqqat nalillit ilaannit inuit iluanaaruteqartarnerannit aamma annaasaqartarnerannit akileraartarnermit suliassat pillugit Inatsisartut inatsisissaattut siunnersuut. Siunnersuutit taakku pingasut ataatsimoorlutik pigisanit pissarsiat akileraarusersorneqartarnerat pillugu ullumikkut unammillernartut ilaannik isumaginnissapput.

Ataani tusarniaavigineqartut oqaaseqaataanni immikkoortut pingaarnerit naqinnerit nalinginnaasut atorlugit ilanngunneqarput, Naalakkersuisut oqaaseqaataat *uingasunik* allallugit ilanngunneqarlutik.

KANUKOKA

KANUKOKA-p aallaqqaasiullugu tusarniaanermut sivikitsumut naapertuuttunik tunngavilersuutissanik takusinnaanani oqaatigaa.

Siunnersuut siunnersuutit marluusut soraarnerussutisianik katersat akileraarusersorneqartarnerannut tunngasuni imminnut attuumasut aapparaat. Soraarnerussutisiat ilaasa iluanaarutaasa akileraarusersorneqartarnerat pillugu Inatsisartut inatsisaannut siunnersuut qarasaasiatigut atortorissaarutit qallunaat taakkununnga inatsisaannut naapertuuttunut ineriartortitsinissamut aningaasartuutinik annikilliliiniarneruvoq. Tamanna kalaallit soraarnerussutisianik katersiviisa qarasaasianut atortorissaarutitut qallunaat malittarisassaannut il.il. ineriartortitanik toqqammaveqarluni ingerlanneqarnerannik patsiseqarpoq . Qallunaat inatsisaat amerlanertigut sukumiinerujussuusarput kalaallilu inatsisaannut sanilliullutik oqaatsit sammisanut tunngasut amerlanerusut atortarpaat. Tamanna annertuumik unammilligassiivoq tamatumalu nassatarisaanik soraarnerussutisiat ilaasa iluanaarutaasa akileraarusersorneqartarnerat pillugu Inatsisartut inatsisaata nutserneqarnerata kinguaartorneranik nassataqarpoq.

Inatsisissatut siunnersuutip uuma soraarnerussutisiat ilaasa iluanaarutaasa akileraarusersorneqartarnerat pillugu Inatsisartut inatsisaata ataqatigiinnerisa siunnersuutip kingullertut taaneqartup nutsernerata kinguaattoornera nassataraa, taamaalillunilu taanna kingusissukut sivikitsumillu tusarniaassutaavoq siunnersuummullu uunga aamma sunniuteqarluni.

Siunnersuutit taakku marluk AIS2018-imi 25 mio. kr-inik iluanaarutaassasut, 2019-imillu 2021-imut taakku 30 mio. kr-inut qaffassasut naatsorsuutigineqarpoq. Siunnersuutit 2018-imi upernaakkut ataatsimiinnermut kinguarternerata isertitassat siuliani taaneqartut ukiumik ataatsimik kinguaattoornerat nassatarissavaa. Siunnersuutillu taamaalillutik aningaasaqarnikkut tulleriarinnermut ilaammata, isumaqatigiissutaasut, malittarisassat atuuttut il.il. pillugit isumaqatigiissutaasut piugaluartut, siunnersuutit sivikitsuararsuarmik akissuteqarnissamut killiliussilluni juulimi tusarniaassutigalugit nassiunneqarput.

Tusarniaanermut atatillugu tusarniaanermi akissutit piffissaliussap qaangiunnerani takkuttut, naqqiutinik allannguutissatulluunniit siunnersuutini isummersornermut ilanngunekarumaarnerat oqaatigineqarpoq. Taamattaarlu sivikitsumik periarfissiilluni tusarniaaneq utoqqatsitsissutigineqarpoq, UKA 2017-imulli inatsisissatut siunnersuutit tunniunneqarnissaannut killigitat kingunerisaannik siviisunerusumik tusarniaanermik periarfissiinissamut aalajangiussaqaarnissaq ajornarpoq.

KANUKOKA-p inatsisissatut siunnersuutit marluk soraarnerussutisiat akileraaruserneqartarnerat pillugu suliniutitut kingullertut suliarineqartut, akileraarusigassat assigiit maleruagassiuinerannik naammattumik nassuiaat amigaatigaa, ingammik Soraarnerussutisiaqarnissamut aqqissuussinermut pinngitsoorani ilaanissaq pillugu

Inatsisartut inatsisaat nr. 21, 28. november 2016-imeersumi kiisalu Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 7, 6. juni 2016-imeersoq.

Siunnersuutit taakku marluk soraarnerussutisianut aaqqissuussinerit amerlanerit kalaallinut akileraartartunut pilersinneqarlutilluunniit pilersinneqalersunut attuumassutqarput, matumani aaqqissuussinerit Kalaallit Nunaanni, Kalaallilluunniit Nunaata avataani pilersinneqarsimanerat apeqqutaatinnagu. Soraarnerussutisianik aaqqissuussinerit siunnersuutit arlaannut attuumassuteqannginneranni, iluanaarutisiat aningaasarsianit akileraarutit pillugit inatsimmi § 44, imm. 1 aamma 3 naapertorlugit akileraaruserneqassapput, tamatumalu 36 aamma 44 procentit akornanni akileraarusiineq nassatarissavaa.

Soraarnerussutisianik katersinernik aaqqissuussanik nunanut allanut sanilliullugu pilerinannginnerusunik pilersitsisoqannginnissaa KANUKOKA-mut pingaaruteqarpoq.

Aallaavittut Kalaallit Nunaanni akileraartarnerup qanoq ilusilersorneqarnissaa kalaallit susassaraat. Malittarisassatulli siunnersuutigineqartut qallunaat malittarisassaannut assingusunut naleqqersuullutilluunniit pitsaanerunerat oqaatigineqassaaq.

Peqatigisaanillu Inatsisissatut siunnersuut aningaasaatinik akileraarusersuisarnermut, manna tikillugu Kalaallit Nunaanni atorineqanngitsumut assingusoq KANUKOKA-p naliliutigaa.

Siunnersuut manna ataatsimut siunnersuutininut pingasunut ilaavoq, taakkulu ataatsimoorlutik aningaasaatinik maannamut akileraarusiisarnermi unammillernartitat iliuuseqarfigissavaat. Manna tikillugu isertitat taakku ilaat akileraartartunut akileraarusigaanngillat. Tamanna ilaatigut pappiaqqat nalillit nalinginik iluanaarutinut kiisalu soraarnerussutisianik katersivinni soraarnerussutisianit katersanit iluanaarutisianut atuuppoq. Aningaasaatinut iluanaarutit allat, soorlu erniat iluanaarutisiallu tamakkiisumik akileraaruserssugaapput. Isertitat assigiinngitsut akileraarusersorneqartarnerisa naligiinnerulernerannut siunnersuut iluaqutsiissaaq.

KANUKOKA-p tungaviumik soraarnerussutisianik katersat naleqarnerulissutaannik, katersaqartup piffissaanngitsukkut atorunnaarsitsinerani annertuumik akitsuummik akiliilluni atorunnaarsinngikkunigit atorsinnaanngisaanik akileraarusiisalernissaq ajuusaarnartuutippaa.

Aaqqissuussamut akileraarusiinerit soraarnerussutisianik aaqqissuussinernut akiliinerni pissarsinerniluunniit akileraarusiisut KANUKOKA-p naapertuunnerutippai.

Siunnersuummi § 16, imm. 1 naapertorlugu PAL-imik akileraarummut akiliutissat soraarnerussutisianik katersivimmit ilanngaatigineqarlutillu akilerneqartassapput.

Siunnersuummut atatillugu iluanaarutit ullumikkut iluanaarutaasut aamma ullumikkut annikinnerusumik akileraaruserneqartarnissaat naapertuuttutut isigineqarpoq. Akissarsiatigut isertitat, erniatigut isertitat il.il. pissarsiarineqarnerminni aamma akileraaruserneqartarput.

KANUKOKA-p akileraarusiinermut aalajangersakkat teknikimut tunnganerusut, siunnersuutip annersaani pineqartut oqaaseqarfigissanngilai, matumanimi qallunaat maleruagassaat annertunertigut assilillugit maleruagassiortoqarpoq. KANUKOKA-ili inatsisissatut siunnersuummi oqaaseqaatit immikkuualuttortai oqaaseqarfigissavai:

Inatsisissatut siunnersuummi Qallunaat Nunaannik marloqiusamik akileraarusiisarneq pillugu isumaqatigiissutip naammassinissaa inatsisissatut siunnersuummi siunertaasoq, kiisalu Kalaallit Nunaata soraarnerussutisianik iluanaarutisiat akileraarusissagai tunngavissaatinneqartoq aallaqqaasiummi atuarneqarsinnaavoq. Taamattaq inatsisissatut siunnersuutip Kalaallit Nununaannit Qallunaat Nunaannut 500.000 kr-inik annikinnerusut nuunneqartarnissaat nassatarissagunaraa aamma allassimavoq. Soorlu nassuiaatit naapertorlugit malunnartoq, Naalakkersuisut inatsisissatut siunnersuutip teknikikkut allaffissornikkullu pisariusup, nunatsinni pissutsinut naapertuutinngitsup, massakkullu ataasiinnarmik soraarnerussutisianik katersiveqartup, tassalu SISA, pineqarnera ilisimarpassipaat. SISAP qallunaat aaqqissuussinerat naapertorlugu aaqqissuussisoqarnissaa kaammattuutigisimavaa, SISA-mi AP Pensionimik suleqatigiinnissamik isumaqatigiissuteqareerpoq. Tamanna inatsisinut tunngatillugu uungaannaq ukkissinertut isigisariaqarpoq, inatsisimmi ilusaata Kalaallit Nunaanni soraarnerussutisianik katersivinnik nutaanik pilersitsisoqarnissaanik aporfiusinnaanera ernumassutigineqartariaqarmat. Taamaammat inatsisissatut siunnersuummut periusissatut allatut Qallunaat Nunaannik marloqiusamik akileraarusersuineq pillugu isumaqatigiissutip isumaqatiginninniutigeqqinnissaa KANUKOKA-p kaammattuutigaa, taamaalilluni Kalaallit Nunaanni soraarnerussutisianik katersanit iluanaarutisianik akileraarusiisannginneq Qallunaat Naalagaaffiannit Kalaallit Nunaannut ajunngitsorsititsinermut ilanngunneqarluni.

Siunnersuutip aningaasatigut kinguneqaatissai siuliani immikkoortoq 3-mi nassuiarneqarput. Tassani agguaqatigiissillugu iluanaarutissat 20 mio. kr-it missaanniittussatut missingerneqarnerat atuarneqarsinnaavoq. Taakkunanga 500.000 kr-it missaat naalagaaffimmut nuunneqassapput. Marloqiusamik akileraartarneq pillugu isumaqatigiissutip siunnersuutigineqartutut isumaqatiginninniutigeqqineqarnera nunatta karsianut annertuumik isertitassatigut pisariaqartitsineranik nassataqassaaq.

Aallaqqaasiummi ilanngullugu siunissami Qallunaat Nunaanni inatsisit allanngorneri assigalugit Kalaallit Nunaanni allannguisarnissaq, taamattaarlu tamatuma kingumoortumik atuutilersunik inatsisiliortarnernik nassataqarsinnaanera erseqqissaatigineqarpoq. Akileraartarnikkut inatsisiliornikkut innuttaasut suliffeqarfiillu kingumoortumik atuutilersunik inatsisiliornikkut pisarissersuisumik eqqarsaatit KANUKOKA-p

tunngaviusumik akerlerai. Tamanna naatsumik oqaatigalugu Naalagaaffeqatigiinni ileqqorineqanngilaq. KANUKOKA-llu matumunnga atatillugu assersuutigalugu Højesteretimi eqqartuussissut UfR 1983.8, tassani periutsumik allannortitsineq pisariusoq naammattumik inatsisitigut tunngavissaqartup kingumoortumik atuutilersinneqartariaqannginnera pineqarpoq. Taassumalu saniatigut Europami Inuit Pisinnaatitaaffii pillugit Eqqartuussivimmi periutsit naapertorlugit nunat akileraarutinik akiliisitsisarnermut inatsisitigut tunngavii akileraartartunut ataasiakkaanut pissarsiarineqarsinnaasuussapput siumullu eqqoriaruminartuussallutik. Taamaalilluni kalaallit akileraartarnermut inatsisaannut tunngasunik kingumoortumik atortussannortitsisarnissaq tunngaviusumik eqqarsarnartoqarpoq, tamannaluunniit qallunaat kalaallillu inatsisaasa assigiinnissaannik toqqammaveqarluni pigaluarpat.

Naalackersuisut tunngaviusumik tamakkuninnga eqqarsarnartoqartitsineq isumaqatigaat, Inatsisartulli inatsisaata kingumoortumik atuutilernissaanik siunnersuuteqarnissaq ilungersorlutik pinaveersaartikkusullugu. Siunnersuummulli atatillugu aarlerinaatip eqqaanissaata pisariaqarnera, kalaallit soraarnerussutisianik katersiviisa taamaalillutillu taakku ilaasortaasa qarasaasianik atortorissaarutinik, taakku Qallunaat Nunaanni suleqataasa qallunaat inatsisaannik allannnguinerit malitsigisaannik allanngorteriigaasa ingerlateqqinnerannut annertuumik aningaasartuuteqarnissaata pisinnaanera oqaatigisariaqarpoq. Taamaalilluni kalaallinut soraarnerussutisiaqartunut malittarisassat kingumut atuuttumik allanngortinnerat, malittarisassat ukiup nutaap aallartinnissaannut kinguartinneranit pitsaanerusarsinnaavoq.

Inatsisissatut siunnersuutip eqqarsaatigeqqinneqarnissaa, qanorluunniillu pisoqassagaluarpat inatsisissamik piareersaalluni sulinerit, ajornartorsiutinut siunnersuutinut tunuliaqutaasunut aaqqiissutissanik aallartinneqassasut sulinermilu tassani pisortat namminersortullu attuumassuteqartut piffissaqarluartillugit sulinermut peqataatinneqassasut, siuliani oqaatigisat aallaavigalugit KANUKOKA-p kaammattuutigaaq.

Siunnersuut naapertuuttumik maanna aningaasaatit akileraaruserneqartarnerat pillugu malittarisassani unammillernartunik aaqqeeqataasoq naliliutaavoq, soorluttaaq siunnersuut pitsaasutut nalilerneqartoq.

Sulisitsisut (GE)

Siunnersuutit marluk annertunertigut qallunaat inatsisaannut assingupput. Siunnersuummut nassuiaatini ilaatigut ”assigiinnngissitaarpallaarnissat annertuut pinngitsoortinnissaat” siunertarineqartoq allassimavoq, taamaammallu soraarnerussutisianik katersat, aningaasanik katersat allat, soorlu soraarnerussutisianut tunnganngitsunik aningaasaliinernit erniat iluanaarutillu assigalugit akileraaruserneqartassasut.

Oqaatsimi assigiinngippallaami suna pineqarnersoq erseqqinngilaq, nunatsinniittummi tamarmik suliuunaarnerminni naapertuuttumik isertitaqarnissaannik Naalakkersuisut anguniagaqarput.

Soraarnerussutissianut aaqqissuussinernut atatillugu aningaasaliissutinit iluanaarutisiat inuiaqatigiinnut iluaqutaasarput, soraarnerussutisianummi aaqqissuussat inunnik soraarninngornissamut aningaasanik aalajangersimasunik immikkoortitsinermikkut imminnut iluaqusersinnaanerannik qulakeerisuupput. Iluanaarutisianik aningaasaliinerni allani ernianik iluanaarutisianilla sanillersuussineq taamaammat naapertuutinngilaq.

Tamakkua annertunerusumik Qallunaat Nunaannut sanilliullugu Kalaallit Nunaanni allaannerunngilaq. Soraarnerussutisialli qissimikkaanni, taamaalillunilu siunnersuutit maanga Kalaallit Nunaannut attuumalerlutik, siunnersuutit soraarnerussutisiassanik katersinerit inuiaqatigiit innuttaasunut kaammattuutigisaannut inunnullu isumaqatigiissutini soraarnerussutisiamik aaqqissuussinernik ilaqartinneqartuni pisussaaffiusunut isiginerlutsitsilersinnaapput.

Inuit pisissutissanik akissarsiallit pineqarput, taakkulu inuuniarnikkut pisariaqarnerpaanut, soorlu inuussutissanut imeruersaatinullu aalakoornartortaqaangitsunut atatillugu Qallunaat Nunaannit nalikinnerupput. Qallunaat aaqqissuussaanerannik assiliineq pisariaqaqngitsumik akissarsiat ineriartornerannik tatisissasoq naatsorsuutigineqarpoq.

Tamatumalu iluanaarutit ilaannik, siunnersuutit taakku pisortanut isertitsissutaasussatut toqqammavigineqartunik ”neriliinissaat” naatsorsuutigineqartariaqarpoq.

Oqaaseq ”innarliineq” matumani ullumikkut aningaasanit isertitat ilaasa akissarsiatut isertitatut akileraaruserneqartarnerannik, aningaasanilla isertitat allat akileraaruserneqartannginnerannut atatillugu atorneqarpoq. Tamanna soorunami innutaasut aningaasaliinissamut sipaagaqarnissamullu atatillugu aalajangertarnerannut sunniuteqarpoq. Akileraartarnermut maleruagassat aningaasaliinernut sipaarutinullu akileraarutitaqanngitsut tungaannut aalajangertarnernik sangutitsisarput. Akileraartarnermut aaqqissuussineq massakkut aaqqissuussinertut annertutigisumik aningaasaliinernik aalajangersimasunik allanut sanilliullugu pitsaanerutitsigaangat, tamanna inuiaqatigiit aningaasaqarnerannut pitsaasuuneq ajorpoq.

Inuit toqqissisimanartumik soraarninngornissaminnut sipaagaqartinnissaannik anguniagaqarneq, taakkulu sipaagaannit iluanaarutisiat annikitsumik ataavartumik akileraarusernissaat immiinnut assortuussorinannngilaq.

Ullumikkut nunani allani soraarnerussutisianik katersinerit akiliinermi akileraarusiivigineqartarput. Akerlianilli taakkununnga akiliutit akileraaruserneqarneq

ajorput. Siunnersuut aqputigalugu aaqqissuussinernit taakkuninnga iluanaarutisia akileraaruserneqassapput.

Kalaallit Nunaanni soraarnerussutisianut akiliutit ilanngaataasinnaallutilluunniit isiginiarneqartussaasannqillat. Taamaalilluni akileraarusiisussaataaneq ullumikkut akileraartartunit siunissami akileraartartunut kinguartinneqartarpoq. Tamannaliuna toqqammavigalugu soraarnerussutisianik aaqqissuussinernut taakkununnga ullumikkut iluanaarutigineqartunut aamma ullumikkut annikinnerusumik akileraarusiisarnissaq naapertuuttut isigineqartoq. Aaqqissuussinernut taakkununnga annikinnerusumik akileraarusiisarnissaq siunnersuutigineqartoq, siunissami kinguaariit aamma akileraarusigassanik peqarnissaannut ilapittuisuuvoq.

Soraarnerussutisianit iluanaarutisianit akileraarusiinerit, akileraarusiinerit allat assigalugit innuttaasut ataasiakkaat akileraarutinit akileereerlutik aningaasanik tigusaannik anikinnerulersitsisarpoq. Ullumikkut aammalu immaqa siunissami soraarnerussutisiallit aningaasatigut toqqammavissaat nammineerluni soraarnerussutisianik aaqqissuussinernik, utoqqalinermi soraarnerussutisianik, ineqarnermut tapiissutinik il.il. qulakkeerneqartassaaq. Isertitakinnerusunut soraarnerussutisianik aaqqissuussaminnit iluanaarutisianik akileraarusiinerit annikitsuinnarmik sunniuteqassapput, taakkumi aningaasaqarnikkut toqqammavii annertunerusumik isumaginninnikkut ikiorsiissutit aqputigalugit qulakkeerneqartarput.

Siunnersuummut atatillugu uninngatitanit akileraarusiinerit matumani inatsisissatut siunnersuutinit marlunnit naapertuunnerussaaq. Tamatumali Sulisitsisut aallaavittut siunnersuutaat, tassalu uninngasuuteqarnermik akileraarusiinerit soraarnerussutisianik pissarsisussanut ataasiakkaanut toqqagassannqortinneqassasoq, taamaaliornissamili siunnersuummik allannqortitsinissaq pisariaqassaaq.

Kalaallit soraarnerussutisianik sipaagaqartut annertuumik aningaasartuuteqarnerunissamik sipaaruteqartinniarlugit, Inatsisartut inatsisissaattut siunnersuutip sapinngisamik qallunaat malittarisassaanut assingusariaqarnera siunnersuummi tunngaviusumik toqqammavigineqarpoq. Qallunaat aaqqissuussaanagerat taamatut nammineq toqqarneqarsinnaasumik aaqqissuussinermik imaqqanngimmat, tamanna taamaattumik atuutilersitsinermi aningaasartuuteqarnerunermik nassataqassaaq. Taamaammat siunnersuut isiginiarneqanngilaq.

Akileraarutinit utertuugassanik ilanngaavigineqarnissamut atatillugu, akileraarutit taassuma akileraarutinit akiliutissanut, siunnersuut pillugu oqaaseqaatini qupp. 24-imi aalaajangersakkat assigalugit ilanngaataasumut, ilangaataasarnissaa toqqammavigineqarpoq. Tassungalugu atatillugu akileraarutinit utertitassat ukiuni tallimani tulluuttuni isertitaqarfiusuni nalimmassarneqanngitsut akileraartartumut utertinneqartarnissaat siunnersuutigineqarpoq. ”Akileraarusiissutit marluk akornanni utertuugassanik nalimmassaasoqarsinnaannginneranut”

toqqammaviusoq ujartorneqarpoq. Pissarsiassat marluk akornanni ataqatigiissuteqanngitsunik pisoqarsinnaanera eqqaassanngikkaanni (tamannami ilanngaasinnaanermut tunngavissaanngilaq), utertuugassanit ilanngaasinnaanermut periarfissap pissarsiassanut aalajangersagaq taannarpiaq toqqammaviginngikkaluarlugu pisunut ilanngaataasinnaanernut periarfissaaqarnissaq siunnersuutigineqarpoq.

Qallunaat inatsisaannut assingutitsinissaq eqqarsaatigalugu akileraarutinut akiliutaavallaartut siuartinnissaannut killiliisumik atulersitsisoqanngilaq, takuuk siunnersuummi § 12, imm. 1. § 12-imut nassuiaatini akileraarusigassat taakku marluk akornanni ilanngaasiisoqarsinnaannginnera allanneqarpat, tamanna aningaasaatit pillugit inatsisit nalinginnaasut aamma matumani atortinneqarneranik patsiseqarpoq. Soraarnerussutisianik katersivik assersuutigalugu akileraarutinut akiliivallaarsimappat, akiliivallaarut taanna soraarnerussutisiami katersivimmi ilaasortat akileraarutinut akiliutissaannut ilanngaataasinnaanngilaq. Akileraartarnermut inatsisit allat assigalugit soraarnerussutisianik aningaasaateqarfiit tamarmik, taakkulu ilaasortai immikkut tamarmik namminerisamik akileraarutinut immikkut akilersuisussaasuupput.

§ 1, imm. 1, immikkoortuisa sisamaanni tallimaannilu pisut assigiinngissutaasa nassuiaatissaat ujartorneqarpoq. Immikkoortut taakku marluk pisut assinginut nassuiaataasorinarput. Tamanna paatsoornermik toqqammaveqarpat assigiinngissutaasa itisilerneqarnissaat kissaatigineqarpoq.

Immikkoortut taakku marluk pisunut assigiinnut nassuiaataasorinarput, taamaammallu immikkoortut tallimaat peerneqarpoq.

Nassuiaatit § 3, imm. 3 & 4, kiisalu ataani 2, § 21, imm. 2 ("...§ 21, imm. 2 naapertorlugu ilanngaatingeqartoq) innersuussutigineqarput. Innersuussut taanna kukkusuusorinarpoq, § 21-imi akileraarusiussassanut tapiissutinut tunnganngilaq, aamma imm. 2-qanngilaq.

Nassuiaatini qupp. 17-imi § 3, imm. 7-imi aamma imm. 8 innersususutigineqarpoq. § 3, imm. 8-qanngilaq.

Siunnersuummi tusarniaassutigalugu nassiunneqartumi § 3 qallunaat PAL-imit inatsisaat § 4 aallaavigalugu suliaavoq. SISA-mit saaffiginnissut aallaavigalugu aalajangersagaq allanngortinneqarpoq, taamaalilluni siunnersuut inatsit taanna naapertorlugu § 4a-mik, soraarnerussutisianik aningaasaateqarfiit iluanaarutisianik akileraaruserneqartusamik toqqaannarnerusumik naatsorsuisinnaanermik toqqammavissiisumik aallaaveqarpoq, tassanilu aallaavittut ernianut ernianillu iluanaarutisiat isumaqatigiissutaasut kisimik akileraaruserneqartarput, tassa erniat erniaannit aallaaveqartumik.

§ 4, imm. 2, nr & 2, taakkulu nassuiaatitaat oqaasertamikkut/piffisaliussakkut assigiinngissuteqarpassipput, takukkit nassuiaatini qupp. 19, immikkoortoq 2. § 4, imm. 2, nr.

§ 2 ukiumi aalajangersimasumi akileraarusiinissamut toqqammavimmi ilanngaammut attuumassuteqarpoq. Nassuiaatinilu ”ukiut tulliuuttut” pineqarsorinarput, tassa ilanngaatit ukiumut akileraarusiiviusumut taaneqartumut sanilliullugit kingusinersumut kinguartinneqarsinnaallutik. Tamanna aalajangersakkami toqqammavissaqanngissorinarpoq.

Soraarnerussutisianik katersiviup aallaqqaammut ataatsiimoortitamik kinguartitsinerani, ukiumilu isertitaqarfiusumi allami aningaasat ilaasortat ataasiakkaat katersaannut agguaaneraniq pisoqartillugu qanoq ililluni marloriaammik akileraaruserneqarnissap pinngitsoortinnissaa nassuiaatini allaaserineqarpoq. § 4, imm. 2, nr. 1 naapertorlugu soraarnerussutisianik katersiviup aningaasat ilanngaatigisinnaavai, taakkulu ilaasortanut agguaallugit, taamaattoqarneranilu ilaasortat § 3-mi aalajangersakkat naapertorlugit akileraarusiivigineqassapput.

§ 11, imm. 4-mi aalajangersakkanut atatillugu immikkoortut siulliit marluk imminnut assortorsorinarput, tassani aalajangersakkani uniffiit pingajuanni malittarisassat ima passissagaanni, tassa uniffiit aappaanniittut aatsaat uniffiit pingajuanni pissutsit pineqartut atuutsillugit atuuttarnerannik.

Taakku toqqammavissaatillugit sooq § 11, imm. 4, nr. 1 aamma 2 immi assortuunnersut oqaatigiuminaappoq.

§ 12, imm. 1, uniffiit tallimaanni ”nuussineq” innersuussutigineqarpoq. Nuussineq suna pineqarpa, tassanilu suna toqqammavigineqarpa?

Oqaaseq ”nuussineq” § 12, imm. 1. uniffiit arfernanni atorneqartooq imm. 6-imi nuussinermut innersuussivoq, takuuk aamma § 12, imm. 1, uniffiit sisamaat.

§ 12, imm. 3-p allartinnerani imm. 4-mi ”inuunermik- soraarnerussutisianillu sillimmasiisarfiit” immikkoortikkaanni, oqaaseq ”akileraartussaataasooq” oqaatsimik ”soraarnerussutisianik aningaasaateqarfiit”-nik taarserneqartariaqarpoq. Immikkoortitsineq imm. 4-mi pereerpat taava imm. 3 naapertorlugu soraarnerussutisianik aningaasaateqarfiit ”kiserngorutissapput”.

Siunnersuut ilanngunneqarpoq.

12, imm 6-imi (takivallaarujussuartumi) uniffiit tallimaanni § 5, imm. 4 uniffik siulleg akileraarusiisarnermik toqqammaviit annikillinerannut atatillugu innersuussutigineqarpoq. § 5, imm. 4 uniffiit siulliat akileraarusiineramik toqqammaviit annikillisinneqarnissaannik imaqqanngilaq, taamaammallu tassunga innersuussineq kukkusuusorinarpoq.

§ 5, imm. 4, uniffik siulleg akileraarusiinissamut toqqammaviit naatsorsorneqarnerannik imaqqarpoq, taamaalilluni aamma aningaasanik agguaanneqanngitsunik ilanngaasiinerit.

Ukiup isertitaqarfiusup kingorna februaarip 20-iannit akileraarutit akilerneqarnissaasa tungaanut akileraarusiissutigineqartut ernialersorneqartarnissaat siunnersuutigineqarpoq, tak. § 16. § 16, imm. 2-mut nassuiaatini allassimavoq ”soraarnerussutisianik aningaasaateqarfiit soraarnerussutisiaqartussaataasut katersaanni ernianik isertitsissutit akileraaruserneqarnerat ulloq akiliiffissaq sapaatip akunneranik sioqqullugu akileraarutitut ilanngaattasagaat, tassa ukiup isertitaqarfiusup qaangiunneranni ullormi 31. maajimi”. Tamanna (pinngitsoorneqarsinnaanngitsunik) soraarnerussutisiassanik pissarsisussap kingusinaartumik akiliinermi pinngitsunik ernianut akiliinissamut pinngitsaalineqarnerannik nassataqarsinnaasutut isikkoqarpoq. Matumani akiliivissap qaangerneqarnera pineqanngilaq (ulloq 31. maj sioqqullugu), taamaammatt pillaaammik ernialiineq soraarnerussutisiassamik pissaqartup iliuuseqarfigisinnaanngisaatut ippoq.

Akileraartarnermi oqartussaasut ”aamma” akileraaruserneqarpallaartunut ernianik akiliisarnissaata soraarnerussutisiassaqartup uninngasuutaanik ernialiineq naapertuunnerulersinngilaa, inatsimmi ernianik aalajangersaasuvoq, soraarnerussutisiassanillu pissaqartup ernianik akiliinngitsoornissamut periarfissaanik arsaarinnittuulluni. Akileraarutitut akiliutissanik ernialiineq taamaammatt pinngitsoorneqartariaqarpoq.

Malittarisassani pineqartumi qallunaat kalaallillu inatsisaasa assigiinnissaat siunertarineqarpoq. Malittarisassanik taarserneqarpoq, akileraarutit kingusissukkut akilerneqartarnera. Malittarisassat ilaatigut aningaasarsianit akileraarutit pillugit inatsimmi akileraarutissat sinneritut akileraarutillu sippuutaannut atatillugu ilassutit pillugit malittarisassanut assingupput.

Grønlands Revisionskontor

Matumani aatsaat taamak pisariutigisumik Kalaallit Nunaanni akileraarusersuinermit siunnersuusiortoqarpoq, taamaanneralu eqqarsaatigalugu sulinngiffeqarnerup nalaani ullunik 14-inik periarfissiilluni tusarniaaneq naapertuussorinannilaq.

Tamannalu patsisigalugu tusarniaanermi akissuterput isummiutinik qissimigaakkanillu ikittuinnarnik imaqassaaq.

KANUKOKA-p tusarniaanermut akissutaanut siuliani oqaaseqaatit innersuussutigineqarput.

Aallaqqaammatt inatsisissatut siunnersuutit kalaallisuunngortinniarnarata siviisusimanera paasilluarsinnaallugu oqaatigissavara. Uanga nammineq kapitali 2 aamma 3 paasiuminaatsippara, tassani akileraarusersuinermit toqqammavigineqartup naatsorsorneqarneranik imaqarneranik eqqoriaanera eqqaassanngikkaanni.

Naak inatsisissatut siunnersuummi soraarnerussutisianik aningaasaateqarfiit akileraarusiinissamik toqqammavimmik akileraartussat sinnerlugit akileraarutinin ilanngaassinissamik soraarnerussutisianik katersivinnik pisussaaffiliigaluartoq, aamma § 1, imm. 1-imi takuneqarsinnaasutut soraarnerussutisianik pissarsisussaataasooq akileraartussaataasuuvoq, taamaalillunilu akileraarutip eqqortumik naatsorsorneqarlunilu piffissaq eqqorlugu akilerneqarnissaanut akisussaasuulluni.

Siunnersuut Kalaallit Nunaanni nutaamik aaqqissuussinermik takutitsisuuvoq, tassani soraarnerussutisianik katersisut ataasiakkaat akileraartussaataasuuvoq, akileraarusiinissamulli toqqammaviup naatsorsornissaa, akileraarutillu akilernissaa soraarnerussutisianik katersivimmuut il.il. isumagisassannagortinneqarpoq.

Inuiaqatigiinni inatsisunik toqqammaveqartuni sumiikkaluartuniluunniit suut tamarmik minnerpaaffissaqarput, tassanilu agguaqatigiissillugu innuttaasooq akilerartussaataasooq nammineq akileraarutissami qanoq naatsorsorneqarneranik paasinnissinnaasussaavoq.

Naalackersuisut taamatut isumaqarneq isumaqatigaat. Aningaasanik ingerlatsisuni suliat pisariussusaat, tassani soraarnerussutisiaqarneq ilanngullugu, annertuujuvoq, taamaammallu agguaqatigiissillugu innuttaasup malittarisassanik il.il. aningaasanik niuernermik suliaqartunik paasinninnissamut akisussaasunnagortinnissaa piviusorsiortuunani.

§ 26, imm. 2-mi unioqqutsitsinermi aalajangersakkat soraarnerussutisianut katersivinnut tunnganatik, inatsisit isaanni inunnut tunngatinneqartariaqarpoq, qanorlu ililluni inatsisip inuinnarmit paasineqarsinnaannaginnerani pineqartup aalajaalluni akileraarutinit akiligassaminik akiliinissaa qularnaarneqassava.

Siunnersuummi § 26, imm. 2 naapertorlugu pineqaatissiiissummik aalajangiisoqarnissanut piaaraluni iliuuseqarneq tunngaviusussaavoq. Massakkutut pissutsit inneranni aalajangersakkap inunnut ataasiakkaanut atorneqarnissaa ilimanaateqanngilaq.

Soraarnerussutisianik katersat aningaasanik pituttugaanngitsunit iluanaarutisiat akileraaruserneqartarnerannit appasinnersumik akileraaruserneqartarnissaanik nassuiaatini oqaatigineqartut eqqortuuppat? Aallaqqaammuk sinneqartoorutisiat 15,3 procentimik akileraaruserneqassapput, tunniunneqarnerisalu nalaani, ingerlaavartumik tunniussinerni akileraarusiinermik aaqqissuussinerit pineqarpata minnerpaamik massakkut akileraarutaasumik sinneri 42 procentimik akileraaruserneqassapput, imaluunniit katillugu 51 procentimik.

Soraarnerussutisianit katersat assersuutigalugu aktiaatit nalingisa qaffannerinit, ernianit isertitanit iluanaarutisianillu appasinnerungaartumik akileraaruserneqarnissaat siunnersuutigineqarpoq. Akileraarusiisarnermi nalinginnaasumik isertitanit akileraarutit kiisalu aningaasanik iluanaarutinit akileraarutit immikkoortinneqartarput. Kalaallit

soraarnerussutisianik katersaannit iluanaarutinit akileraarusiussat 51 procentit missaaniissanersut appasinnerussanerannulluunniit pissutsit assignngitsut apeqqutaassapput, tassani assersuutigalugu siunissami soraarnerussutisiallit isertitaanni pissutsit, siunissami ilanngaasersueriaatsit, siunissami akileraarutinit akiliutit annertussusaat il.il. apeqqutaassapput.

Tamatuma saniatigut aqqissuussinerit allaffissornikkut aqunneqarnerannut annertuunut naatsorsuinermit ilanngaasiisoqarneq ajorpoq. Nalinginnaasumik sipaarutini appasinnerusumik ernialiinerit aqutigalugit aningaasartuutit taamaattut ilanngaaserneqartarput.

Siunnersuummi § 3, imm. 2 ilaatigut qularnaveeqqutinut nalillu nikissinnaanerinit illersuutinut il.il. akiliutit ilanngaatigisinnaanerannik imaqarpoq.

Pisortanut allaffissornikkut aningaasatigullu kinguneqaatissanut immikkoortortami akileraaruserinermik ingerlatsivinnut ukiumut aningaasartuutaanerusussat 100.000 kr-inik amerlanerussanngitsut allassimavoq, tamannalu inuup ataatsip ukioq naallugu atorfeqartinneqarnerata $\frac{3}{4}$ -nik naleqartoq. Aningaasartuutit taakku tupinnaannartumik annikipput, tamannalu akileraarusiinermit toqqammavigineqartut eqqortumik nalunaarsorneqarnerannik nakkutilliinissamik siunertaqarnani, qallunaat suliffeqarfiinit paasissutissanik toqqammaveqarnissatut paasineqassaaq.

Qanittumi pinngitsoornani soraarnerussutisianik katersisalernissamik aqqissuussinermik akuersissuteqartoqarneratigut kalaallit sulisinnaassusillit tamangajalluinnarmik soraarnerussutisianik katersivinni sipaarnissaannik pinngitsaaliineq eqqaassagaanni, qitiusumik allaffeqarfiup soraarnerussutisianit iluanaarutisianik akileraarusiisarneq pillugu inatsisip inunntut ataasiakkaanut eqqortumik naatsorsorneqarneranut eqqortumillu akileraarusiisoqarneranut nakkutilliinissamik aningaasaliinani akueritinniarmagu tupinnarpoq, ilami pingaakujunnertulluunniit isigineqarsinnaalluni.

Akileraartarnermut Aqutsisoqarfimmut aningaasaliissutit ukiuni aggersuni sisamani katillugit 8 mio. kr-inik qaffanniarneqarput, ilaatigullu taakku siunnersuummut matumunnga tunngasunik suliassanik isumaginninnermut matussutaassapput.

Soraarnerussutisiat ilaannik akileraarusiinermit inatsisissatut siunnersuutip teknikikkut pisariusuunera eqqaassanngikkaanni, tulliuutuni oqaatigineqartunit allaanerusunik aalajangersakkanut ataasiakkaanut oqaaseqaatissaqanngilanga.

Akileraarusiinermit naatsorsukkat kingusinnerpaamik ulloq 31. maj piareereersimassat § 16, imm. 1-imi takuneqarsinnaavoq, taamaattoq akileraarutissatut naatsorsugaq ulloq 20. februaarimiit ilanngaatigineqarsinnaanngitsumik ernialersorneqalereertarpoq. Soraarnerussutisiamik katersaqartup pinngitsoorsinnaanngisaminik ernianut ilanngaataasinnaanngitsunik aningaasartuuteqartinneqarnera tamatuma nassataraa.

Eqqumiiginartumut naapertuutinngitsumulluunniit tassunga suna patsisaanersoq tusassallugu iluassagalarpoq.

Malittarisassani pineqartumi qallunaat kalaallillu inatsisaasa assigiinnissaat siunertarinearpoq. Malittarisassanik taarserneqarpoq, akileraarutip kingusissukkut akilerneqartarnera. Malittarisassat ilaatigut aningaasarsianit akileraarutit pillugit inatsimmi akileraarutissat sinnerinut akileraarutillu sippuutaannut atatillugu ilassutit pillugit malittarisassanut assingupput

§ 16, imm. 2-mi soraarnerussutisialik uninngasuutimini akileraarutinit akiliinissamut aningaasaateqartinnagu, katersivik akileraarummut akiliigallarnissamik pisussaaffilerneqartoq, pineqartullu akileraarutinit akiliunneqarallarnerninik nalunaarutisineranit akiliutaagallartut ernialerneqassasut kiisalu erniat pineqartup akileraaruserneqartussaataasunik isertitaanit ilanngaatigineqarsinnaannginnerat allassimavoq. Ilanngaatiginnissinnaannginneq naapertuuttuosorinangilaq, matumanimi aningaaserivimmit taarsigassarsiatut ittut pineqarput.

Aalajangersakkami pillaatitut erniatut ittut pineqarput. Pillaatitut ernialiussat nalinginnaasumik ilanngaataaneq ajorput.

Naatsorsuinerup katersiviup akiliussigallarnermik nalunaarneranik pisarnissaanik peqqusineq, akileraartussaataasup piffissami aalajangersimasumi nammineq aningaasaatiminik atugassianik akileraarutinit akiliisinnaannginneratut paasineqassaaq. Akiliissagaannimi akiligassaqarneq paasineqaaqqaartariaqarpoq. Soormi katersiviup soraarnerussutisiassanillu katersaqartup akiliussigallarnermut ernialiinissaq namminneq aalajangerunikku?

Matumani soraarnerussutisianik katersallit, akiliussigallarnermik aningaasalersuisussat eqqarsaatigineqarput, taamaalilluni soraarnerussutisianik katersivik ernialiinissamik peqquneqarpoq.

Pineqaatissiissutit: Soraarnerussutisianik katersallit akileraarusigassatut toqqammaviit eqqortuunerannik paasisaqarnissamut periarfissaqannginneri patsisigalugit, pineqaatissiisarnermi soraarnerussutisiallit tassunga ilaatinneqartariaqanngillat.

Pineqaatissiinermi piaaraluni iliuuseqarsimanissaq tunngavissaatinneqarpoq. Massakkuugallartoq inuit ataasiakkaat Inatsisartut inatsisaata malittarisassaanik piaaralutik unioqutitsisarnissaat, taamaalillutillu akiliisussanngortinneqartarnissaat ilimanaateqanngilaq. Siumoortumilli inuit ataasiakkaat piaaralutik Inatsisartut inatsisaat naapertorlugit akileraarutinit akiliutissaminnik unioqutitsillutik akiliinaveersaarsinnaanerat pissanngitsoq oqaatigineqarsinnaanngilaq.

Oqaaseq “soraarnerussutisiassaartoq” eqqortuua, aatsaammi soraarnerussutisiassanik pisinnaanermut tunngavigitinneqartut naammassigaanni, soorlu ukiut, soraarnerussutisiassanik pissarsisinnaasunngortoqartarpoq. Oqaaseq “akileraartussaataaasoq” atuinartariaqanngila?

Pineqartumi qallunaat inatsisaanni oqaatsit atorineqartut aalajangiusimallugit atorineqarnissaat Naalakkersuisut toqqarpaat. Innuttaasut soraarnerussutisiassaminnut ileqqaartut ”soraarnerussutisiassaartutut” inatsimmi matumani aamma ilanngunneqarput.

SISA

Nassuerutigissavara sulinnigiffeqarnerup nalaani piffissamik sivikitsumik periarfissiilluni tusarniaasoqarnera ungerartorujussuutikkakku.

Siuliani taaneqartut pillugit KANUKOKA-mut tunngatillugu allatat innersuussutigineqarput.

PwC aqqutigalugu oqaaseqaatit saniatigut, maannalu tusarniaanermi akissutitsitut isigisatta saniatigut, tusarniaanermut imaa oqaatigisassaqpunga:

- Nassuiaatini ”Isertitanit akileraarusersuinerup naligiinnginnerat akileraarusersuinermit eqqarsapilunermik kaammattuivoq. Tamanna ingammik akileraartartunut isumalluuterpassuaqartunut atuuppoq, tassunga ilanngullugit aningaasatigut isumalluutit.” Tassunga atatillugu SISA-p akileraarusersueriaatsimi naligiinnginnerit akileraarutinit akilersuinermit eqqarsapilunernik pilersitsisarnera eqqortuutippaa, peqatigisaanilli SISA-p ilaasortai akileraartartunut aningaasaatilippassuarlutit ilaanngillat. siunnersuut naapertorlugu akileraarusersuineq taamaammat inuit sipaaruteqarpallaanngereersut sipaagaannik annikillisisissaaq.
- PAL-ip passunneqarneranut atatillugu siusinnerusukkut allanneqareersut siunnersuummi § 3-p qallunaat PAL-ianni § 4-mit assinguneranit qallunaat PAL-ianni § 4a-mut assingusunngortinneqarnissaa SISA-p kissaatigaa. Tamanna inatsisissatut siunnersuummi kinguneqaatit aqqiivigineqarnerannik kinguneqassagunarpooq.
- Inatsisissatut siunnersuutit allat marluk (ISL aningaasanik iluanarutit kiisalu INL aktiaatinit il.il. iluanaarutit akileraarusersorneqartarnerat) tamarmik 1. januar 2019 atuutilissapput, PAL-illi ulloq 1. januar 2018-imi atuutilernissaa siunnersuutigineqarpoq. Assigiinngisitsinerup taassuma SISA nunani allani (qallunaat) soraarnerussutisianut katersiviinut aningaaserivinnillu soraarnerussutisiaqalernissamut katersinernik neqerooruteqartunut sanilliullugu unammillernermi akornusissavaa. Akileraarusiisarnermilu naligiinnginneq taamaattoq akileraarnaveersarluni eqqarsapilunermik pilersitsisarpoq. Inatsisissat ataatsimoortut pingasut tamarmik ataatsikkut atuutilissannginnerat SISA-p naapertuutinngitsusooraa. Taamattaq ullut atuutilerfissatut siunnersuutigineqartut inuuniarnikkut kinguneqarnerlussapput, SISA-mmi ilaasortai amerlanerit killilimmik katersaqartuupput annikitsuinnarmillu soraarnerussutisianut akiliisarlutik. Minnerpaamik aningaasaatinit iluanaarutisianit akileraarusiisarneq ISL ISL PAL-llu ataatsikkut atuutilissapput.

- Oqaatigineqareersutut PwC-mit allakkani ilanngussani uagut aamma tusarniaanermut akissutigut ilaapput.

Soraarnerussutisianik aaqqissuussanit iluanaarutisiat akileraaruserneqarnerat, akileraarusiinerit allat tamaasa assigalugit akileraarutitut akileereernermit innuttaasunut ataasiakkaanut aningaasanik ikinnerusunik atugassaqalersitsissaaq. Ullumikkut aammalumi immaqa aamma siunissami soraarnerussutisi allit aningaasatigut toqqammaviat aamma nammineq soraarninngornissamut katersanik, utoqqalinermit pensionisianik, ineqarnermut tapiissutinik il.il. qulakkeerneqartarpoq. Isertitakinneerusut soraarnerussutisiaminni ataavartumik iluanaarutisianit annikinnerusumik akileraarusiivigineqarnissaat naatsorsuutigineqarpoq, tamannalu annikitsuinnarmik sunniuteqassaaq, taakkumi aningaasatigut toqqammaviat annertunertigut isumaginninnikkut ikiorsiissutitigut annertunertigut qulakkeerneqartarpoq.

§ 3-p qallunaat PAL § 4-nit assilisaanerani qallunaat PAL 4a-vannik assilinqarnissaa suliarineqarpoq.

Atuutilernissamut atatillugu apeqqutip itisilernerat. Kalaallit Nunaanni soraarnerussutisianik niuerfik allanngoriartorpoq. Ukioq manna aallarnerfigalugu nunani allani soraarnerussutisiassanut katersanut akiliutit ilanngaataasinnaajunnaarput. Kalaallit Nunaanni angingaaseriviit 1. januar 2017 aallarnerfigalugu soraarnerussutisianut katersanut, akiliutinik ilanngaataasinnaasunik/isiginiarneqartussaangitsunik imaqartunik neqerooruteqalerput. Kalaallit Nunaanni ulloq 1. januar 2018 aallarnerfigalugu pinngitsoornani soraarninngornissamut katersisussaataaneq atuutilerpoq. PFA Soraarnerup sullitani Qallunaat Nunaanni PFA-mut nuuppai, taamaalillunilu SISA nunatsinni soraarnerussutisianik katersivinni sillimmasiinermit toqqammaveqartumik soraarnerussutisianik aaqqissuussinermik ingerlataqartunngorpoq. Taamatut inissippugut Kalaallillu Nunaata tamarmi soraarnerussutisianut katersiviatut aamma sulisartunut SIK naapertorlugu isumaqatigiissutinut ilaangitsunut soraarnerussutisianik katersivittut inissikiartuleruttorpugut. Tamanna tusagassiuutini allaaserineqarpoq.

Taamaalilluni SISA unammillerfiusumi inissisimalerpoq, assigiinngitsumillu akileraarusiineq akileraarnaveersaarluni eqqarsapilunnermit, soraarnerussutisianik niuerfimmi, maanna allanngoriartortumi, equngasumik unammillernermit kinguneqassaaq.

2016-imut naatsorsuutit naapertorlugit PFA Soraarnerup 109,8 mio. kr-inik akiliutinik tigusaqarpoq, taakkulu ilaasortaasa katersivimmi katillugit 1.154,4 mio. kr-it katersaraat. PFA Soraarnerup 6.500-nik ilaasortaqrarnerani ilaasortaqaq ataaseq ukiumut agguaqatigiissillugu 16.900 kr-inik katersisarpoq, ilaasortarlutaq ataaseq agguaqatigiissillugu 171.600 kr-inik katersaqarluni. Kisitsisini SISA-mut tunngasuni akiliutit 200,8 mio. kr-iupput katersallu katillutik 2.719,8 mio. kr-iullutik ilaasortanut 34.370-inut agguarsimasut. Taakku agguaqatigiissillugu ilaasortapaq ataatsip 5.850 kr-inik akiliuteqarneranik 79.140 kr-inillu

katersaqarneranik naleqarput. SISA-p ilaasortai tassaapput sulisartut ilinniarsimasut ilinniarsimannigitsullu SIK-p isumaqatigiissutai naapertorlugit atorineqartut, kisitsisillu ilaasortaqtigiiat taakku aningaasaqarnikkut nukittunerpaannginnerannik erseqqissumik oqaluttuurtuupput. Soraarnerussutisianik katersisunut allanut sanilliullutik SISA-mi ilaasortat soraarnerussutisianik katersanik ilunaarutisiaasa immikkut akileraarusiivigineqarnerat, taamaalilluni innuttaqatigiinnut aningaasaqarnikkut sanngiitsumik inissisimasunut sakkortuumik eqquissaaq.

Ungasinnerusoq isigalugu PAL-ip ukiumik ataatsimik kinguartinnera, Namminersorlutik Oqartussat ataatsimut isertitassannik annertuumik appariartitsissanngilaq. PAL-illi ukiumi ataatsimi atuutinnginnera soraarnerussutisianik katersat pitsaasumik iluanaarutisiffiunissaannut iluaqutaassaaq, taamaalillunilu ukiuni tulluittuni tamani iluanaarutisiassanut annertusaataassalluni. Taamaalilluni ukiumi siullermi iluanaarutisinnginneq ukiut arlallit isigalugit soraarnerussutisiassatut katersaat annertunerunerisigut taamaalillunilu iluanaarutisiffiuneruneratigut akileraarutitigut isertitaqarnerunermik matussuserneqassaaq.

Aningaasanik iluanaarutisiat ilaasa akileraaruserneqartarnerat pillugu siunnersuutip atuutilerfissaa 1. januar 2018-imit pisussanngorlugu allanngortinneqarpoq. Taamaalilluni soraarnerussutisianik aaqqissuussinernit iluanaarutisiat tamarmik assigiimmik akileraaruserneqartassapput. Pappiaqqat nalillit akileraaruserneqartarnerat pillugu siunnersuutip ulloq 1. januar 2019-imiit atuutilernissaata siunnersuutigineqarneratut, suliffeqarfinni nalunaarsugaanngitsuni tamani aktiat nalingisa nalilersornissaasa piffissamik atuiffiunissaanik tamanna patsiseqarpoq. SISA-mut il.il. akiliutit annertunersaat isumaqatigiissutinut allanullu tutsinneqarsinnaammata, assigiinngissut taanna SISA-p unammillerneranut akornusiisumik inerneqassanngitsoq naatsorsuutigineqarpoq.

Price Waterhouse Coopers (PWC)

Søren Schock Petersen, Soraarnerussutisianik katersivimmi SISA-mi pisortaaneq isumaqatigiissuteqarfigalugu PWC-p soraarnerussutisianik katersat ilaannit iluanaarutisiat akileraaruserneqartarnerat pillugu inatsisissatut siunnersuut oqaaseqarfigaa (tulluittuni PAL-imik inatsimmik taaneqartoq).

PWC-p immikkoortut marluk oqaaseqarfigiumavai:

A) Marloraammik akileraarutininik akiliinissap pinngitsoortinnera

Aningaasarsiat akileraaruserneqartarnerat pillugu inatsimmi § 1, imm. 1, nr. 9 naapertorlugu SISA soraarnerussutisiamik katersivittut suliffeqarfiit akileraartussaataitanerannut ilaatinneqarpoq.

Akerlianik Qallunaat Nunaanni soraarnerussutisianik aningaasaateqarfiit suliffeqarfiit akileraaruserneqartarnerat pillugu inatsimmi § 3, imm. 1, nr. 9 naapertorlugu suliffeqarfiit akileraaruserneqartarnerannut ilaatinneqanngillat.

PAL-imik inatsimmi § 4-mi soraarnerussutisianik aningaasaateqarfiit, taamaalillunilu aamma SISA akileraaruserneqartussatut toqqammavimmi iluanaarutisianik suugaluanersunik tamanik ilanngussisussaataavoq. SISA-li siuliani taaneqartut naapertorlugit aamma suliffeqarfinnik akileraarusiisarnermut ilaavoq.

PAL-imik akileraarummik suliffeqarfinnullu akileraarummik siunertarineqanngitsumik marloriaammik akileraarusiinissaq pinngitsoortinniarlugu periarfissat marluk takusinnaavavut:

- 1) SISA Kalaallit Nunaanni suliffeqarfiit akileraaruserneqartarnerannut ilaatinneqarunnaassaaq
- 2) SISA inuunermik sillimmasiisarfiit suliffeqarfimmut akileraartussaataasut assigalugit PAL-imik akileraaruserneqartassaaq, tak. PAL-imi inatsimmi § 5

1-mut)

SISA suliffeqarfiit akileraartussaataanerannut ilaatinneqarunnaarpat isumannaallisaanermut aningaasaateqarfiup akileraarusigaanngitsut isummerfigineqarnissaa pisariaqassaaq, tassunga ilanngullugu akileraarusiineq.

SISA-p aningaasaatitut akornuserneqarnissaa pinngitsoortinniarlugu isumannaallisaanermut aningaasaateqarfiup akileraruserneqanngitsup akileraaruteqanngitsiinnarneqarnissaa naapertuuttuussaaq, taannalu taamaallaat utertitsinermi atorunnaarsitsinermiluunniit taamaallaat akileraaruserneqassaaq.

Isumannaallisaanermut aningaasaateqarfiup akileraaruserneqarnerata siuartinneqarnera naapertuuttumik tunngavissaqanngitsoq SISA isumaqarpoq – tassa manna PAL-imik akileraarusiineq Kalaallit Nunaanni atortinneqalersoq.

2-mut)

Periarfissat aappaat tassaavoq SISA-p PAL-imi inatsimmi § 5-imut ilaaninneqalernera. Aalajangersagaq taanna qallunaat akileraartussaataasutut inuunermik-soraarnerussutisiassanillu sillimmasiisarfiit atuuppoq. Tamannalu SISA-p suli suliffeqarfiit akileraaruserneqartussaataasut assigalugit akilerartussaananeramik nassataqassaaq. § 5-imi inuunermik-soraarnerussutisianillu sillimmasiisarfiit innersuussutigineqarput, SISA-li soraarnerussutisianik katersiviuvoq, taamaalillunilu inatsimmi allassimasut naapertorlugit § 5 naapertorlugu akileraarusiinermut ilaanani.

Soraarnerussutisianik aningaasaateqarfiit aamma ilaatinneqartussanngorlugit § 5-ip oqaasertaanik allannguinerup, SISA-p § 5-imut ilaatinneqalernera nassatarissavaa. PAL-imik

akileraarusiinermit aningaasat SISA-p sillimmasersimasunut immikkoortitai akileraaruserneqassapput. Aningaasaatit nammineq aningaasaatinut attuumasut suli suliffeqarfiit akileraaruserneqartarnerat naapertorlugu akileraarusersorneqassapput. Ataasiakkaanut tunngatitanik akileraarusiineq tassannga sunnerneqassanngilaq, qallunaallu soraarnerussutisianik katersanit iluanaarutisianik akileraarsusersuisarneranni § 4a-mi oqaasertat naapertorlugit pissalluni.

Taamattaq PAL-imik inatsimmi § 15, imm. 4-p taamaallaat inuunermiksillimmasiisarfinnut atuukkunnaarsillugu, aamma soraarnerussutisianik katersivinnut akileraartussaataasunut atortinneqalernissaa maluginiarneqarpoq.

Naggataagullu aningaasarsiat akileraaruserneqartarnerat pillugu inatsimmi § 28 naapertorlugu ilaasortanut pisussaaffiit matussuserneqarnissaannut illikartitanut ilanngaaticip annertusineqarnissaa maluginiarneqarpoq, taamaalilluni qallunaat tassunga maleruagassaat assigalugit PAL-imik akileraarutit suliffeqarfiit akileraaruserneqartussatut isertitaannut ilanngaataasinnaaneranunut inatsisitigut toqqammaveqalerluni.

A pillugu inerniliussaq

Marloriaammik akileraarusiinissaq pinngitsoortinniarlugu, PAL-imik inatsisip soraarnerussutisianut aningaasaateqarfiit § 5-imut ilaatinneqalersillugit allanngortinneqarnissaa SISA-p iluarunarnerutippaa, Kalaallit Nunaannimi aningaasarsianit akileraarusiisarneq pillugu inatsit naapertorlugu soraarnerussutisiamik aningaasaateqarfiit aamma suliffeqarfiit akileraarutaannut akileraartussaataapput.

Siunnersuut ilanngunneqarpoq.

Aningasarsiat akileraaruserneqartarnerat pillugu inatsisimmi § 28, imm. 3-p, PAL-imut akileraarutit ilanngaataasinnaaneranik nassataqartussap, allanngortinneqarnissaa pillugu inatsisissatut siunnersuummik saqqummiussinissaq naatsorsuutigineqarpoq.

B) Nunani allani ataasiakkaarlugit PAL-imik akileraarussiisarnermik oqilisaaneq

Aningasanik iluanaarutit ilaasa akileraaruserneqartarnerat pillugu inatsisissamut missingiummi § 3, imm. 2-mi (Soraarnerussutisianik aaqqissuussinerni aningaaserivinni Kalaallit Nunaanni angerlarsaimaffeqartuni aalajangersimasumilluunniit ingerlatsisuni soraarnerussutisianit iluanaarutit akileraaruserneqartarnerat kiisalu inuunermik sillimmasiinernik soraarnerussutisianillu aaqqissuussinernik aningaasarsiat akileraaruserneqartarnerat pillugu inatsimmi § 39 a, imm. 1 aamma 2-mi kiisalu soraarnerussutisiat akileraaruserneqartarnerat pillugu inatsimmi § 53 a-mi aalajangersakkanik naammassinnittunik) inuit Kalaallit Nunaanni akileraartussaataasut nunani allani PAL-imik akileraarutininut akiutinik inatsit taanna naapertorlugu ilanngaasiisinaanerat allassimavoq.

Periarfissaq taanna inunnut akileraartussaataitaasunut Kalaallit Nunaanni soraarnerussusianik aaqqissuussinernik Kalaallit Nunaanni angerlarsimaffeqartuni soraarnerussusianik katersivinni katersaqartunut periarfissaatinneqanngilaq. PAL-imik inatsisip § 15-ia tassungalu nassuiaatit naapertorlugit soraarnerussutisianik katersivik kisimi nunani allani akileraarutinut akiliutinut oqilisaavigineqarsinnaavoq.

Tamanna assersuutigalugu aningaaserivinni soraarnerussutisianik katersaqartunut atatillugu assigiinngisitsineruvoq, takkunaniami inuit oqilisaavigineqarnissaminik periarfissaqarput.

Taamaammat soraarnerussutisianik katersivinni soraarnerussutisiassanik katersaqartut ataasiakkaat PAL-imik akileraarutiminni nunani allani akileraarutinut akiliutinik oqilisaavigineqarsinnaaneratt SISA-p siunnersuutigaa.

B-mi inerniliusaaq

Soraarnerussutisiani katersivinni PAL-mi ataasiakkaat nunani allani akileraarutinik akiliutinik, inuit assersuutigalugu aningaaserivinni soraarnerussutisianik katersaqartut assigalugit oqilisaavigineqarsinnaanngippata, tamanna assigiinngisitsinerussasoq isumaqarpugut.

Matumani paatsoorneq piugunarpoq. Siunnersuummi § 15, imm. 1-imi oqilisaassinermik malueruagassaq, aalajangersakkamut nassuiaatini allassimasutulli ataasiakkaat PAL-iannut kiisalu suliffeqarfitt PAL-iannut atuutsinneqarpoq.

PFA Soraarneruq

1. Iluanaarutisiat akileraarutinut akiliuteqartussat naatsorsorneqarnerannut periuseq Qallunaat soraarnerussutisianiit iluanaarutisiat pillugit akileraarusersorneqartarneranni aalajangersakkat §§ 3-5 assigalugit, iluanaarutisiat akileraaruserneqartussaataitaasut naatsorsorneranni periutsit marluk toqqarneqarsinnaanerannut inatsisissatut siunnersuummi periarfissiisoqarnissaa siunnersuutigarpugut. Tamanna tulliuuttuni itisilerneqarpoq.

Soraarnerussutisianik aaqqissuussani akilerarusiinissamut toqqammavissap naatsorsorneqarnera inatsisissatut siunnersuutip § 3-ani maleruagassiorneqarpoq, taannalu qallunaat soraarnerussutisianik katersanit iluanaarutisianiit akileraarusersuinerannut inatsisip § 4-nut assinguvoq. Aalajangersagaq taanna naapertorlugit naatsorsuinermi periutsit pisariusorujussuupput. Qallunaat soraarnerussutisianik katersanit iluanaarutisianiit akileraarusersuinerannut inatsisaanni aamma § 4a-mik aalajangersagaqarpoq, taannalu toqqaannarnerujussuarmik toqqarneqarsinnaasumik naatsorsueriaaseqarpoq, PFA Pensionillu kiisalu qallunaat soraarnerussutisianik katersiviisa allat atugaannik.

Inatsisissatut siunnersuummi qallunaat soraarnerussutisianik katersanit iluanaarutisianiit akileraarusersuinerannut inatsisaattulli toqqaasinnaanermik pisariaqartitsivugut, taamaalilluni qallunaat soraarnerussutisianik katersanit iluanaarutisianiit akileraarusersuinerannut

inatsisaanni § 4a-mi naatsorsueriaaseq kalaallit aaqqissuussaannut atorpeqarsinnaanngorlugu. Taamaasiortoqanngippat qarasaasiatigut atortorissaarutit allanngortinnerannut aningaasartuuteqarnermik tamanna pisariaqartitsissaaq.

Nassuiaatini nalinginnaasuni qupperneq 3, immikkoortut aappaanni allassimasutut kalaallit soraarnerussutisianik aaqqissuussaasa sapinngisamik annertunerpaamik qallunaat aaqqissuinerannut assingunissaannik Naalakkersuisut pingaartitsinerat iluarisimaarparput.

Siunnersuut ilaatigut akuerineqarpoq, siunnersuummimi § 3 qallunaat PAL-inik inatsisaanni § 4-mut assingusooq, qallunaat PAL-ianni § 4a-mut assingusunngorlugu allanngortinneqarpoq.

2. Inatsisissatut siunnersuummi § 1, imm. 3-p pingaarnertut immikkoortuani ”Aalajangersakkanut aataasiakkaanut nassuiaatini” § 1, imm. 3-mut nassuiaatinik ilanngussisoqassasoq siunnersuutigaarput. Taamaallaat § 1, imm. 1 aamma 2 nassuiarneqarput. § 1, imm. 3 (soraarnerussutisianik pisassaqtartut Qallunaat Nunaanni nunaqtartut) aalajangersagaq taanna § 1, imm. 1-imut, soraarnerussutisiassaqtartunut ilaatigut Qallunaat Nunaanni najugaqtartunut sanilliukkaanni qanoq paasineqassanersoq nalornivarput.

Siunnersuut ilanngunneqarpoq.

3. Piffissaq atuutilerfissaq

Inatsisissatut siunnersuutip aatsaat ulloq 1. januar 2019-imi atuutilersinneqarnissaa siunnersuutigaarput. Inatsisissattut siunnersuummi taassuma ulloq 1. januar 2018-imi atuutilernissaa allassimavoq. PFA Soraarnerup soraarnerussutisianik aaqqissuussinerani soraarnerussutisianik katersanit iluanaarutisianit akileraarusiisalernermik atuutilersitsineq qarasaasiat ineriartortinneqarnerani suliassaavoq annertoq, naak naatsorsueriaatsimut periutsip qallunaat katersivianni PFA Pensionimi atorpeqartup assingugaluaara. Qarasaasiatigut ineriartortitsinermi suliassamut malittarisassat inaarutaasumik qanoq ilusilerneqarnerannik ilisimasaqarnissarput pisariaqartippaa.

Malittarisassanik inaarutaasunik 2017-ip naalerneranit inatsisip ulloq 1. januar 2018-imi atuutilernissaannut piffissaq ima sivikitsigissaaq, allaat qarasaasianik ineriartortitsinissamik suliassap naammasineqarsinnaanera piviusorsiortuunani.

Taamaammat atuutilerfissaata ulloq 1. januar 2019-imut kinguartinneqarnissaa innersuussutigaarput.

Siunnersuut ilanngunneqanngilaq, siunnersuummi qarasaasiatigut atortorissaarutininik ilisimaneqareersut aallaavigalugit suliaavoq.

Grønlandsbanki

Inatsisissatut siunnersuutit qallunaat inatsisaannut taamaattunut assingusorujussuunerat aningaaseriviup aallaqqaasiullugu oqaatigiumavaa. Tamannalu aningaaseriviup iluarisimaarpaa, soraarnerussutisiammi akileraaruserneqartarnerat qallunaat aningaaseriviinut atuuttunut assingunera pingaaruteqarmat. Matumani aningaaseriviup Kalaallit Nunaanni soraarnerussutisianik katersinermik suliaqartut tamangajalluinnaasa assigalugit qallunaat qitiusumik qarasaasiaannut nalunaarsuisarmat. Naatsorsuutit, nalunaarsuinerit naatsorsuinermillu piumasaqaatit assigiinngippata, tamanna suliat taamaattut assaannarnik suliarineqarnissaannik pisariaqartitsissaaq. Tamanna aningaaserivimmut Akileraartarnermullu Aqutsisoqarfimmut suliakkersuisorujussuusussaassaaq.

TAamaammallu GrønlandsBANKEN-ip qarasaasianut qitiusoqarfiata oqaaseqarnissaa aningaaseriviup qinnutigaa. Oqaaseqaallu taanna aggustip qaammataata ingerlanerani aatsaat tiguneqassasoq naatsorsuutigineqarpoq. GrønlandsBANKEN taamaammat Qarasaasianit qitiusoqarfimmit inatsisissatut siunnersuummut oqaaseqaatit kingorna nassiunneqartussat sillimmartaarfigai.

Akademikernes Sammenslutning i Grønland (ASG)

ASG-p matumani akileraartarnermut aqutsisoqarfik naapertuuttunik amerlassusilinnik sulisut amerlineqartinnagit, suliassanik allanik suliakkersorneqarnissaa naapertuuttuosorinngilaa.

Minnerunngitsumik inatsisissatut siunnersuutip saqqummiunneqartup pisariussusaa ilusaalu, allaffissornerup nakkutilliinermillu pisariaqartumik ingerlatsinissap annertuumik isumalluutinik pisariaqartitsinissaa ilimanarsisippaa. Ukiut ataasiakkaat naatsorsuusiernerini ajornakusoorutit maannaa atuutereersut ingammik eqqarsaatigalugit, ASG-p inuiaqatigiit, taamaalillunilu innuttaasut ataasiakkaat akileraarusersuinerimi malittarisassanik pisariusunik artukkernissaat eqqarsarnartoqartippaa.

Ukiuni aggersuni sisamani aningaasaliissutit 8 mio. kr-nik qaffanneqarnissaat Akileraartarnermut Aqutsisoqarfiup naatsorsuutigaa, ilaatigut suliassanik siunnersuummut uunga attuumasunik isumaginninnissaaq eqqarsaatigalugu.

Tassungalu atatillugu nunanut tamalaanut atatillugu isertitanut aningaasartuutinullu taakkununga nakkutilliineq uppersarsaatinillu pisariaqartunut pissarsiniarnerit ajornakusoornerat, taamaalillunilu akiligassiissutit suliarineqartut ilumut eqqortuunersut qularnaaruminaammat oqaatigineqassaaq.

Siunnersuummi uani soraarnerussutisianik aaqqissuussinerit Kalaallit Nunaanni Qallunaat Nunaannilu pilersinneqartut pineqarput. Taamaammallu nakkutilliinermut atatillugu paasisutissat il.il. pisariaqartut pissarsiarineqarnissaannut atatillugu taasarialinnik ajornakusooruteqartoqarnissaa naatsorsuutigineqanngilaq.

Tamatuma saniatigut ASG-p manna aaqqissuussaanermik allanngortitsinertut soraarnerussutisiassanik katersinermik pilerinermut annertuumik sunniuteqartussatut isigaa, sipaakkammi taakku sunniutaat aaqqissuussinermut atatillugu annertuumik annikinnerulertinneqassaaq. Ingammik inuiaqatigiinni oqallisigineqartumi sipaaruteqarnissamik kissaateqarneq eqqarsaatigalugu.

Siunnersuummut atatillugu iluanaarutit ullumikkut pissarsiarineqartut annikinnerusumik akileraaruserneqartarnissaat naapertuuttutut isigineqarpoq. Tassani aningaasarsianit isertitat, ernianit isertitat il.il. pissarineqarnerminni akileraaruserneqartarnerat assersuutineqarsinnaavoq.

Siunnersuut siunnersuutininut ataatsimoortunut pingasunut ilaavoq, taakkulu ataatsimut aningaasanik pissarsiat akileraaruserneqartarnerannik ajornakusoorutit iliuuseqarfiginiassavaat. Manna tikillugu isertitat taakku ilaat akileraartussaataasunut akileraarutigitinneqarneq ajorput. Tamanna ilaatigut pappiaqqat nalillit nalinginit iluanaarutininut soraarnerussutisianillu katersivinni soraarnerussutisianit katersanit iluanaarutininut atuuppoq. Aningaasanit iluanaarutit allat, soorlu erniat, iluanaarutisiat akerlianik tamakkiisumik akileraarusigaapput. Taamaalilluni aningaasanit isertitanit assigiinngitsunit akileraarusersuinerup naligiinnerulerneranut siunnersuut ilapittuisuussaaq.

Siunnersuut una inuiaqatigiit takorluugaannut politikereqatigisaannut akerliusutut ASG-p misigaa, assersuutigalugumi pinngitsoorani soraarnerussutisianut katersinissamik aaqqissuussinerit pinissaat kissaatigineqarmat. Tamanna inuiaqatigiinni innuttaasut sipaarnissamik kissaateqarfigineqarnerannik eqqarsalersitsisoq, taamaalillunili Namminersorlutik Oqartussat sipaakkaat taakku akileraarusersinnaalissavaat.

Oqaatigineqareersutut siunnersuut una siunnersuutininut pingasunut ataatsimoortunut ilaavoq, taakkulu ataatsimoorlutik aningaasanik iluanaarutisianit akileraarusersuinermit unamillernartut ilaat iliuuseqarfigissavaat. Pinngitsoornani soraarnerussutisianik katersinissamut pisortat attanneqarsinnaasumik aningaasaqarnerata aamma siunissami atuunnissaa peqatigisaanillu siunissami soraarninngorumaartussat inuuniarnermit atugaasa pitsanngorsarnissaat siunertarineqarpoq. Pinngitsoornani soraarnerussutisianik katersisalernissamik aaqqissuussineq namminersorlutik oqartussat annertunerusumik akileraarusersuisinnaanermut toqqammavissinneqarnissaat siunertarinngilaa.

Moderniseringsstyrelsi

Moderniseringsstyrelsi inatsisissatut siunnersuummut taassuma Kalaallit Nunaanni akileraarusersuinermit tunngasuunera pillugu oqaatigisassaqaanngilaq.

Naalakkersuisut Siulittaasuata Naalakkersuisoqarfia

Naalackersuisut Siulittaasuata Naalackersuisoqarfiata atortussianut nassiussanut atatillugu tusarniaanermi sapaatit akunnerinik marlunnik periarfissiineq, taassumalu juulip qaammataani pinera naapertuuttumik sivisussuseqannginnera oqaatigaa.

Tamannalu minnerunngitsumik inatsisissatut siunnersuutitut avataaneersut tusarniaavigineqartut kiisalu atortussiat nassiunneqartut taamak sivikitsigisumik tusarniaanermi periarfissiinissamut toqqammavissiinnginnerat pissutigalugu.

Naalackersuisut siulitaasoqarfiata tassunga atatillugu inatsisinik suliaqarnermi malitassiat atuuttut innersuussutigiumavai. Taakkunani ilaatigut makku nassuiarneqarput:

- Tusarniaanermi periarfissiissutit ilaatigut siunnersuutip pisariussusaa, tusarniakkat allanik tusarniaasinnaanerat, feeriarnerit il.il eqqarsaatigalugit sivisussusilerneqartassapput. Tusarniaanerit sapaatit akunnerini sisamani pisarnissaat pingaarnertut atuutissaaq. Tusarniaavigisakkanik ataasiakkaanik sivikinnerpaamik periarfissaqartitsinissamik isumaqatigiissutit soorunami ataqqineqartariaqarput. Taamaallit Naalackersuisut KANUKOKA-mut tunngatillugu minnerpaamik sapaatit akunnerini tallimani tusarniaanerit periarfissinneqartarnissaannik isumaqatigiissuteqarput. Sulinngiffeqarnerit nalaat – aamma ilaatigut juulip qaammataa kommunini feeriarfittut isigineqartoq - tassani ilaatinneqarsinnaanngilaq. Siunnersuutit taamaallaat Namminersorlutik Oqartussat allaffissuanni pisortani namminerni tusarniutigineqartillugit sapaatit akunneri marluk (sulinngiffeqarfiit avataanni) naapertuuttut periarfissaritinneqarput. Tusarniaanerni tamani periarfissiinerit illuatungeriinnut assigiittariaqarput, taamaammallu sivisunerpaaq ”sivikinnerpaamik periarfissaatinneqarpoq”.
- Inatsisilerinermi sulinerup taamaariarluni sivikinnerusumik pisinnaasarnera avaqqunneqarsinnaaneq ajorpoq. Inatsisartut pisuni nukingiussarujussuarni piffissaliussanik atorunnaarsitsisinnaanermut periarfissaqarput, pisinilu taamaattuni tusarniaanernut atatillugu tusarniaanernut, inatsisit ilusilersorneqarnerannik ikiorserneqarnermut, nutserinernut il.il. immikkut ittunik periutsinik isumaqatigiissuteqartoqarsinnaavoq. Siunnersuutit pisariunnginnerusut pissutsit nukinginnarnerpaaffiini sapaatit akunnerisa imaluunniit ullut ikittut ingerlaneranni ilusilersorneqarsinnaapput, suliarineqarlutik akuerineqarlutillu. Periutsit taamaattut immikkorluinnaq pisoqartillugu aatsaat akuerineqarsinnaanerit erseqqissaatigineqassaaq, peruserineqartullu siunnersuutip pitsaassusaanik qulakkeeriniarnermi oqartussaaqataanermillu ingerlatsineri kissaatiginartuunngillat.

Inatsisiliornermi pinasuartumik periuseqarnissamik kissaatit, inatsisiliatut pisariaqartinneqartut siumut takorloorneqarsimasinnaatillugit, taakkullu piffissaagallartillugu pilersaarusiornissaannut periarfissaqartoqarsimatillugu, aallaavittut Naalackersuisunit Inatsisartullu Siulittaasoqarfiannit aallaavittut itigartinneqartassapput.

Tamanna tunuliaqutaralugu tusarniaavigineqartut minnerpaamik akuerisaasumik sapaatit akunnerini sisamani periarfissinneqarnissaat kaammattuutigineqarpoq. Tamatuma inatsisissatut siunnersuutip 2017-imi ukiaanerani saqqummiunneqarnissamut naammassineqarsinnaanera ajornarsisippagu, inatsisissatut siunnersuutip ataatsimiinnermi kingusinnerusumi Inatsisartunut saqqummiunneqarnissaa kaammattuutigineqarpoq.

KANUKOKA-mut siuliani oqaatigineqartut innersuussutigineqarput.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-mut

imm. 1-mut

Aalajangersagassatut siunnersuutigineqartoq naapertorlugu, soraarnerussutisiassanik pissarsisinnaatitaasut, aningaasarsianit akileraarutit pillugit inatsimmi § 1, imm. 1, nr. 1 aamma 2 aamma imm. 2 naapertorlugu marloqiusamik akileraarusiisarneq pillugu isumaqatigiissuteqarfiusuni nunani allani angerlarsimaffeqanngitsut, soraarnerussutisianik iluanaarutisianit akileraarusiisarneq pillugu inatsit naapertorlugu akileraartussaataapput.

Aningaasarsianit akileraarutit pillugit inatsimmi § 2 naapertorlugu killilimmik akileraartussaataasut taamaalillutik akileraartussaataassanngillat.

Soraarnerussutisianik aaqqissuussinerit, soraarnerussutisianik katersivinni Kalaallit Nunaanni angerlarsimaffeqartuni pilersinneqartut, sillimmasiinemillu ingerlatsineq pillugu inatsimmut ilaasut, imaluunniit inuunermik sillimmasiisarfiit soraarnerussutisiassanik sillimmasiisarfiit Kalaallit Nunaanni angerlarsimaffeqartut, Finanstilsynimillu sillimmasiinemik ingerlatsinissamik akuersissummik peqartut, akileraartussaataanermit ilaatinneqarput.

Soraarnerussutisiamik aaqqissuussinerimik pigisaqartoq toquppat, soraarnerussutisiamik aaqqissuussinerimik kina aaqqissuussinermit aningaasanik akilerneqassanersoq maleruagassani aalajangersakkanut ilaassaaq. Pissarsisinnaatitaasoq pissarsisinnaatitaasulluunniit aningaasarsianit akileraarutit pillugit inatsimmi § 1 naapertorlugu maanga nunamut tamakkiisumik akileraartussaataappata, marloqiusamillu akileraartarneq pillugu isumaqatigiissutini aalajangersakkat naapertorlugu nunani allani angerlarsimaffeqanngippata, pissarsisinnaatitaasoq pissarsisinnaatitaasulluunniit soraarnerussutisianik katersanit iluanaarutisiat pillugit akileraarusiisarnermi inatsit naapertorlugu taanna taakkuluunniit akileraartussaataanissaat siunnersuutigineqarpoq.

Tamatumalu saniatigut soraarnerussutisianik pissarsisussaataasup toquneratigut aaqqissuussinermit tigusaqarnissamut pisinnaatitaasut, aningaasarsianillu akileraarutit pillugit inatsimmi § 1 naapertorlugu tamakkiisumik nunamut maanga akileraartussaataasut, marloqiusamillu akileraartarneq pillugu isumaqatigiissummi aalajangersakkat naapertorlugit nunani allami angerlarsimaffeqanngitsut, aamma soraarnerussutisianik katersanit iluanaarutisiat pillugit akileraarusiisarnermi inatsit naapertorlugu tamakkiisumik akileraartussaataassapput.

Imm. 2-mut

Soraarnerussutisianik aningaasaateqarfiit Kalaallit Nunaanni angerlarsimaffeqartut kiisalu inuunermik soraarnerussutisianillu sillimmasiisarfiit Kalaallit Nunaanni angerlarsimaffeqartut

aamma Inatsisartut inatsisaat manna naapertorlugu akileraartussaataassapput. §§ 4 aamma 5-imi aalajangersakkat matumuuna innersuussutigineqarput.

Soraarnerussutisianik aningaasaateqarfiit kiisalu inuunermut soraarnerussutisiaqalernissamullu sillimmasiisarfiit siunnersuut manna apeqqutaatinnagu akissarsiat akileraaruserneqartarnerat pillugu inatsimmi §§ 1 aamma 2 naapertorlugu akileraaruserneqartussaataassapput. Aningaasarsianit akileraarusiisarneq pillugu inatsimmi maleruagassat naapertorlugu isertitat akileraaruserneqartussaataasut naatsorsorneqarneranni, inatsit una naapertorlugu akileraarutinut akiliutit ingerlatsinermi aningaasartuutitut ilanngaatigineqarsinnaasutut isigineqarput.

Soraarnerussutisiassanik katersivinni aningaasat uninngasuutinit iluanaarutisiat akileraaruserneqartarnerata naapertuuttuuneranut, soraarnerussutisianik katersivinni il.il. nammineerluni aningaasaatinit iluanaarutisiat, inuunermut sillimmasiisarfinniititanit annikinnerujussuarmik akileraaruserneqartarneratigut, soraarnerussutisianik katersivinnik toqqaasarnermi assigiinngissutsit pilersinnaasut annikillineqarnerat tamatumunnga tunuliaqutaavoq.

Imm. 3-mut

Kalaallit Nunaanni soraarnerussutisianut aningaasaateqarfinni soraarnerussutisianik katersat soraarnerussutisianilluunniit pissaqartoq Qallunaat Nunaanni najugaqartutut isigineqaraluarpat inatsisit naapertorlugit akileraartussaataanermt ilaasoq, aalajangersakkap nassataraa. Aalajangersagaq qallunaat kalaallillu marloqiusamik akileraarusiisarneq pillugu isumaqatigiissutaannut ilassutitut isumaqatigiissummut ulloq 20. februar 2012-imi suliarineqartumut ataqatigiissillugu isigineqassaaq.

Soraarnerussutisianik pissaqartitaasoq Qallunaat Nunaata Kalaallilluunniit Nunaata avataani najugaqartutut isigineqarpat, Kalaallit Nunaanni soraarnerussutisianik aningaasaateqarfinni soraarnerussutisiat inatsit naapertorlugu akileraartussaataanermt ilaassanngillat.

§ 2-mut

Akileraarutip 15,3 procentimut inissinneqarnissaa siunnersuutigineqarpoq, taamaalilluni akileraarusiineq qallunaat soraarnerussutisianik aaqqissuussineranni uninngasuutit akileraarutaannut naapertuuttunngorlugu.

Imm. 2-mut

Siunissami soraarnerussutisianik aaqqissuussani tamani ukioq isertitaqarfik tassaassaaq qaammatisiutit ukuiat, ukiumilu isertitaqarfiusumi iluanaarutisiat akileraarusiinermt toqqammaviussapput.

Imm. 3-mut

Ukioq isertitaqarfiusoq piffissamut ukiumut isertitaqarfiusumut akileraarutinut akiliisussaaffimmut pineqartumut sanilliullugu naatsorsorneqartarpoq. Assersuutigalugu ulloq 31. marts 2020-imi akileraarutinut akiliisussaanerup atuutilerneratigut, ukiumi isertitaqarfiusumi 2020-imi akileraaruserneqartussatut iluanaarutisiat toqqammavigalugit akileraarusiinissamut toqqammavik piffissamut 31. marts 2020-imit 31. december 2020-imut naatsorsorneqartarpoq. Qaammatisiutip ukiata ingerlanerani akileraartussaataitanerup atorunnaarnerani ukiup isertitaqarfiusumi kingullermi iluanaarutisiat, piffissamit 1. januaarimit akileraartussaataitanerup atorunnaarnerata tungaanut iluanaarutisiat akileraarusigassatut toqqammaviussapput.

§ 3-mut

§ 3-p soraarnerussutisianik aningaasaateqarfiit aallaavittut erniassatut ernianillu iluanaarutisiatut isumaqatigiissut soraarnerussutisiassanik pissaqartup uninngasuutaanut ikineqartut taamaallaat akileraaruserneqarnissaannik periarfissaqartippai, tassa aappaattut toqqammaviit ernialerneqarnerat. Taamaalilluni soraarnerussutisianik aningaasaateqarfiit iluanaarutisiat ikineqartut aningaasartuutinit aarlerinaatinilluunniit iluanaarutisiaanerat uppersarneqarsinnaatinnagu, akileraarusiivallaartoqarsinnaaneranut aarlerinaateqanngilaq.

Imm. 7-imi piumasagaat, soraarnerussutisianik aningaasaateqarfiit aningaasartuutitut-, aarlerinaatinut-, ernianillu eqimattani tamani sillimmataatiminni angusaminnik naatsorsuinermit kiisalu sillimmatini tamani immikkut eqimattat erniatigut sinneqartoorutaanik ikisinermit naatsorsuuteqartarnissaq erniatigut ernianillu iluanaarutisianik ikisisarnermik isumaqatigiissut akileraarusiinissamut toqqammavik periarfissiivoq. Piumasagaatip taassuma naammassineqarnerani soraarnerussutisianik aningaasaateqarfik eqimattani ataasiakkaani tamani sillimmatini ukiut ingerlaneranni qanoq annertutigisumik erniatigut iluanaarutininik ikisisoqarsimaneramik eqqortumik nassuiaasiorsinnaavoq.

Imm. 2, nr. 2-tut siunnersuutigineqartoq naapertorlugu, erniat ernianillu sinneqartoorutit isumaqatigiissutaasut saniatigut aningaasat allat soraarnerussutisiassaqaartitaasup uninngasuutaanut ikineqartut, aningaasaliinermillu iluanaarutisianut attuumassuteqartut akileraaruserneqartassapput. Aalajangersakkami ilaatigut nuussinermi tapit assigisaallu, nuussinermi tapit assigisaallu aningaasaliinermi iluanaarutisianeersuutillugit, soraarnerussutisiassatut aaqqissuussamit ataatsimit allamut nuunnermut atatillugu soraarnerussutisiassaqaartup uningasuutaanut ikineqartartunik imaqaqpoq.

Imm. 2, nr. 3-5-itut aamma imm. 3-tut siunnersuutigineqartup ernianit aningaasaliinermillu iluanaarutisiat, soraarnerussutisiassanik pissaqartup uninngasuutinut akiliutinit allaanerumik pissarsiarisimasaasa akileraaruserneqarnissaat qulakkeerpaa. Aalajangersagaq tulluittuni nassuiarneqarpoq.

Imm. 2, nr. 3-tut siunnersuutigineqartoq naapertorlugu ernianut iluanaarutisiat, soraarnerussutisiassaqaartitaasup uninngasuutaanut ikineqanngitsut, soraarnerussutisiali atorunnaarsinneqarneranut ilaasut, akileraarusiisarnermi toqqammavimmut ilaatinneqalerput. Tamanna ernianut iluanaarusiisarnerup atorneqarnera apeqqutaatinnagu atortinneqarpoq. Ernianut iluanaarut akileraartussaataasup atorunnaarsitsinerani nalimut ilaasoq, ernianut iluanaarutisiat immikkut sillimmasiinermit pisinermut, aningaasanik iluanaarutisinermut, sinneqartoorutininik katersanut il.il. atorneqarnera apeqqutaatinnagu taamaalilluni akileraaruserneqassaaq.

Imm. 2, nr. 4-tut siunnersuutigineqartoq naapertorlugu sillimmammut/soraarnerussutisiassatut aaqqissuussinermit tunngasunik immikkut iluanaarutisiatut illikartitatut ikisat, ernianit iluanaarutisianeersut akileraarusiinermit toqqammavimmik naatsorsuinermit ilaatinneqassapput. Immikkut iluanaarutisianiik illikartitat sillimmammut attuumassuteqartutut paasineqassapput immikkut iluanaarutisiatut illikartitat, sillimmatip atorunnaarsinneqarneranut ilaasut, tassa ataasiakkaanut immikkut iluanaarutisiat kiisalu ataatsimut immikkut iluanaarutisiatut agguassat, tak. Aningaasanik niueruteqarnermi inatsimmi §§ 134 aamma 138.

Imm. 7 naapertorlugu aningaasaateqarfiup sullitamini imm. 4-luunniit naapertorlugu eqimattanut ernianit, aarlerinaatinut aningaasartuutinillu angusat taamaallaat naatsorsortassagaat piunasaqaataavoq. Taamaammat immikkut iluanaarutisiatut illikartitatut ukiumi angusanut ernianut, aarlerinaatinut aningaasartuutinullu angusanik naatsorsuusiortoqassanngilaq.

Ernianut iluanaarutisiat sillimmammi/soraarnerussutisiatut katersami iluanaarutisianiik illikartitanut attuumasoq skema naapertorlugu naatsorsuinermit malittarisassat aallaavigalugit akileraaruserneqartarpoq.

Sillimmatinut akitsuutinik nalunaarummut ilaatinneqartunut, aningaasaliinermit iluanaarutit immikkut iluanaarutisianiik illikartitanut ikineqartut sillimmammut attuumasut ima naatsorsorneqartarput: Siullermik ukiumut nalunaarusiaq naapertorlugu aningaasaliissutinit iluanaarutit immikkut iluanaarutisiatut illikartitanut ilaatinneqartut ukiumi aningaasaliinermit iluanaarutisiatut, akitsuutinik nalunaarummi § 2 naapertorlugu sillimmatinut ikineqartut, ukiumilu ernianit angusaasut, iluanaarutisiat, sillimmatinut akitsuutinik nalunaarummut ilaatinneqanngitsut ilanngaatilugit (assersuutigalugu unit linkedimik aaqqissuussinerit, immikkut sinneqartoorutininut illikartitanit kiisalu nammineq aningaasaatit immikkullu iluanaarutisianiut katinnerininik naleqqiunnerannik gangerlugit naatsorsorneqassapput.

Immikkut iluanaarutisiat, immikkut iluanaarutisiatut sillimmammut attuumasutut (immikkut ataasiakkaanut iluanaarutisiatut illikartitat aamma ataatsimoortumik immikkut iluanaarutisiat illikartitat agguassat) kiisalu immikkut iluanaarutisiatut illikartitatut agguanneqanntitsutut

immikkoortinneqassapput. Aningaasaliinermi iluanaarutisiaq immikkut sinneqartoorutiniq iluanaarutisianeersoq sillimmammum attuumasoq nanisinnaajumallugu, aningaasaliinermi iluanaarutisiaq immikkut sinneqartoorutinit illikartitanut attuumasoq, immikkut iluanaarutisiatut illikartitat sillimmatinut immikkullu sinneqartoorutisiat illikartinneqartut naleqqiunnerannik gangerneqassaaq. Aningaasaliinermi iluanaarutisiat ilaat ataasiakkaat sillimmataanneersutut inissinneqarsinnaasoq, aningaasaliinermut iluanaarutisiat sillimmatinut attuumasut immikkut sinneqartoorutitut illikartitaneersutut inissinneqarsinnaasut, immikkut iluanaarutisiat sillimmatinut attuumasut kiisalu immikkut sinneqartoorutitut illikartitat sillimmatinut illikartinneqartut katinerisa naleqqiunnerannik gangernerisigut nassaarineqassapput.

Takussutissiami ataaniittumi skema atorlugu naatsorsuineri malittarisassami periuseq takutinniarlugu pisariillisakkamik assersuusiortoqarpoq. Assersuummi ernianik iluanaarutisiaq 1,25-iusoq akileraarutiniq akiliinnginnermi sillimmammum/soraarnerussutisiassatut katersanik naatsorsuinerimut ilanngunneqassaaq.

Ernianik iluanaarutisianik, sillimmammum attuumasumik immikkut iluanaarutisianut ikineqartunut assersuusiat

Ukiuumoortumik nalunaarusiat naapertorlugu ukiumi aningaasaliinermi iluanaarutisiat, akileraarutinit akiliinissaq sioqqullugu	150
Ernianit angusanit iluanaarutit (sullitanut akitsuutiniq nalunaarummum ilaasunut)	- 80
Aningaasaliinermi iluanaarutisiaq (sullitanut akitsuutiniq nalunaarummum ilaanngitsunut)	- 20
Namineq aningaasaatit immikkullu sinneqartoorutisiatut illikartitanit iluanaarutisiat	50
Taakkunanga immikkut sinneqartoorutinit illikartitaneersut (ass. 50 pct.)	25
1. Immikkut sinneqartoorutinit iluanaarutisiat ataasiakkaanut taakkunangaattuumasut aamma ataatsimut immikkut sinneqartoorutitut illikartitat agguanneqartut (ass. 50 pct.)	12,5
2. Ataatsimut immikkut sinneqartoorutitut illikartinneqartut agguanneqanngitsut (ass. 50 pct.)	12,5
Taakkunanga immikkut sinneqartoorutisiatut illikartitanit 1-imit sillimmatinit pissarsiat (ass. 10 pct.)	1,25

Sillimmatinut sillimmammum immikkut sinneqartoorutisianik attuumasunut, akitsuutinit nalunaarummum ilaanngitsunut aningaasaliinermi iluanaarutisiat, immikkut sinneqartoorutisianit illikartitanik sillimmammum atasunut ikisiffigineqartuni, aningaasaliinermi iluanaarutisiat siuliani nassuiarneqartut assigalugit naatsorsorneqartassapput, tassani taamaallaat ilaatinngit ukiumoortumik nalunaarusiat

naapertorlugu ukiumi aningasaliinermi iluanaarutisiat, immikkut iluanaarutisiatut illikartinneqartunut attuumassuserneqarsinnaasut, ukiumoortumik nalunaarusiaq naapertorlugu aningaasaliinermi iluanaarusianit, ukiumut sillimmasikkanut erniatigut angusat ilanngaatilugit naatsorsorneqarneri.

Imm. 2, nr. 5-imi siunnersuutigineqartutut, ukiumi tunniunneqartut PAL-imik akileraarutit ilanngullugit, soraarnerussutisiamik aaqqissuussineq naapertorlugu soraarnerussutisiassaqtumut toqqaannartumik soraarnerussutisianik aningaasaateqarfiup aningaasaliinermi iluanaarutisiaanit akilerneqartassapput. Aalajangersagaq ilaatigut soraarnerussutisialinnut tapitut taaneqartunut attuumassuteqarpoq. Soraarnerussutisialinnut tapi nalinginnaasumik ukiumi aningaasaliinermi sinneqartoorutinit ingerlaannaq toqqaannartumik tunniunneqartarpoq. Aningaasat taamaalillutik uninngasuutinut ilineqartariaqarneq ajorput.

Imm. 2, nr. 6-itut siunnersuutigineqartutut, iluanaarutisiat akileraaruserneqartussaataasut, imm. 2, nr. 1, 3 aamma 4 naapertorlugu naatsorsorneqartut, § 16, imm. 2, uniffiit aappaat naapertorlugu akileraarutissat naatsorsorneqarnissaat sioqqullugu akileraaruserneqassapput. § 16, imm. 2, uniffiit aappaat naapertorlugu soraarnerussutisianik aningaasaateqarfik agguaqatigiissillugu ernialiussanut uninngasuutinut, immikkut sinneqartoorutitut illikartitanut imaluunniit soraarnerussutisiatut tapinik tunniussinnginnermi ikisinnginnermilu akileraarutinit akiliissaaq. Nioqqutinit niuerfimmi ernianit aallaaveqartuni akileraartutit aatsaat ulloq akiliiffissaq kingulleq sapaatip akunneranik sioqqullugu akileraaruserneqartassapput. Sillimmatinut taakkununga akileraarusiinissamut toqqammavissap naatsorsorneqarnissaa sioqqullugu akileraarutininik ilasinissaq pisariaqanngilaq.

Immikkoortoq 3 akileraarutinit akiliisussaataasup sillimmammik atorunnaarsitsineranut atatillugu ernianik iluanaarutisianeersunit sinneqartoorutisiatut sillimmatinik agguanneqanngitsunit, sillimmatip atuunnerata nalaani agguanneqartut amerlaqqataanik pissaqartitaaneranut attuumassuteqarpoq. Taamak pisoqartillugu aningaasat sillimmatip atuunnerata nalaani sillimmammut ilanngunneqartut annertoqqataannik akileraarusigassatut toqqammavigineqassasut siunnersuutigineqarpoq. Sinneqartoorutitut sillimmatit tassaapput aningaasat agguanneqanngitsut tamarmik, tassunga ilanngullugit ataatsimoorussamik iluanaarutisiatut periarfissat kiisalu immikkut sinneqartoorutitut illikartitat ataatsimoorussat. Tassani »ilutsinit imarisat pingaarnertullugit« malittarisassaq pineqarpoq, tassuuna ernianit iluanaarutisiat ataavartumik uninngasuutinut ikineqartarnerannik, imaluunniit akileraartussaataasooq allatigut sillimmammik atorunnaarsitsinermut atatillugu ernianit iluanaarutininik qulakkeersimanera apeqqutaatinnagu ataavartumik akileraarusiineq qulakkeerneqarpoq.

Inuunermik sillimmasiisarfiit soraarnerussutisianillu aningaasaateqarfiit akimuisut, akitsuusiisarnermik periutsip malitsigisaanik, Kalaallit Nunaanni (Qallunaat Nunaannilu)

iluanaarutininik ataavartumik agguaassisarnissamut pisussaataapput. Savalimmiuni nunaniluunniit allani inatsisit aamma taamaannersut qularnarpoq. Taamaalilluni kalaallit qallunaallu soraarnerussutisiatut aningaasaateqarfiini akitsuusiisarnermik nalunaarummi atuuttumit allaanerusumik iluanaarutissiisarnermik isumaqatigiissuteqartuni, kiisalu nunani allani soraarnerussutisianik aningaasaateqarfinni soraarnerussutisianik aqqissuussinerni aallaavittut aalajangersakkat attuumassuteqarput.

Imm. 4 naapertorlugu soraarnerussutisianik aningaasaateqarfiit sillimmatit eqimattamut ataatsimut eqimattanulluunniit arlalinnut agguassavaat. Imm. 7 naapertorlugu ernianik-, aarlerinaatinik- aningasartuutinillu angusanik naatsorsuinerni aammalu aningaasartuutinik, imaluunniit imm. 5 aamma 6 naapertorlugu aarlerinaatinik amigartoorutininik agguaassinermi eqimattat atorineqartarput. Aalajangersakkat eqimattat nassuiarneqarnerannik imaqaanngilaq, tamannami soraarnerussutisianik aningaasaateqarfinni assigiinngitsuni eqimattat qanoq naapertuunnerusumik agguarneqarnerat assigiinneq ajorpoq, tassunga ilanngullugit eqimattani ataasiakkaani tamatuma naapertuunnerpaaffiani. Aalajangersagarli naapertorlugu sillimmat sunaluunniit eqimattamut aalajangersimasumut inissinneqarsimasussaassaaq. Taamaalilluni soraarnerussutisiamik aningaasaateqarfik sillimmatinik eqimattamut aalajangersimasumut attuumannngitsumik nioqquteqarsinnaanngilaq.

Imm. 5 aamma 6 illersuutaapput ukiumi aarlerinaatinut aningaasartuutinilluunniit tunngasunik eqimattanut aappaasaaneerlugit naatsorsukkanik kiisalu aarlerinaatinut sinneqartoorutinillu aappasaaneerlugit naatsorsukkanik akileraarusiinani aningaasartuutinik aarlerinaatinillu iluanaarutisianik eqimattanut ilisisoqarsinnaannginneranik qulakkeerisut. Ukiup sinneqartoorutaaneersunit annertunerusumi iluanaarusiisoqartillugu kiisalu ukiut siuliini aningaasartuutinut aarlerinaatinullu tunngasunik sipaakkat ilineqartillugit, sinneqartoorutisianut aningaasartuutit ernianit iluanaarutisiatut isigineqartarput, taamaammallu sinneqartoorutaavallaartut ernianit iluanaarutisiatut akileraaruserneqassallutik.

Imm. 5 naapertorlugu aningaasartuutinut amigartoorutit aappasaaniikkamik eqimattani ataasiakkaani eqimattami sillimmaeqartunut ataasiakkaanut akileraaruserneqartussanngorlugu, aningaasartuutinut angusat amigartoorfiusut illuatungaani inuup ukiumi aningaasartuutinut akiliutaasa imaluunniit aningaasartuutinut tapiissutaata assigisaataluunniit illuatungaani eqimattap ukumi ataatsimoortumik aningaasartuutinut akiliutaasa aningaasartuutinulluunniit tapiliutaasa gangerneratigut nassarineqarnerisigut agguarneqassapput. Soraarnerussutisianik sipaaruteqartuni ataasiakkaani akileraaruserneqartussatut toqqammaviit taamaalillutik tassaapput soraarnerussutisianik katersaqartup ukiumut amigartoorutininik angusanik agguagarsiaasa ukumi akileraarutininik ilaqtartut, tassa 0,85-imik agguarlugit.

Soraarnerussutisiaqartup aningaasartuutinut akiliutai tassaapput aningaasat sullitap piffissami aningaasartuutinut matussutissatut akilertarpai, taamaalillutillu eqimattap piffissami aningaasartuutinut amigartoorutitut ataatsimut angusaanut agguassassat.

Soraarnerussutisiassanik katersat ilaat, assersuutigalugu soraarnerussutisianik pisartagaqartut aningaasartuutitut akiliisanngillat, akerlianilli aningaasartuutitut tapiissuteqartarlutik aningaasartuutitnulluunniit matussusiisarlutik. Siunnersuut naapertorlugu aningaasartuutitut tapiliutit tapiliutillu/akiliutillu assigisaat agguaasseriaatsimi piffissami aningaasartuutitut angusanut amigartoorutaasunut aningaasartuutitut ilaassapput. Taamaalillutik aningaasat atornerqarfissaasa taaguutaat apeqqutaassanngilaq, aningaasalli akilerneqarnerannut siunertaasoq aningaasat naatsorsuinermit ilaatinneqarnissaannut apeqqutaassaaq.

Imm. 6 naapertorlugu ukiumi eqimattamut aarlerinaatitut angusaq eqimattami soraarnerussutisianik sipaagaqartunut ataasiakkaanut aarlerinaatitut amigartoorutitut angusat, inuup toqunermigut aarlerinaatitut akiliutaata aningaasannorlugu inerneranik kiisalu inuussutissarsiorsinnaanermik annaasaqarnermigut aarlerinaatitut akiliutaata aningaasannorneranik, eqimattallu toqunermikkut inuussutissarsionermikkulluunniit annaasaasa aarlerinaatitut akiliutissaata aningasartaasa inernerinik gangernerisigut nassaarineqassaaq. Taamaalilluni soraarnerussutisianik katersaqartumut akileraarusiinissamut toqqammavik tassaavoq soraarnerussutisianik katersaqartup amigartoorutitit ataatsimoortunik akileraarutitut akiliutit ilanngullugit agguagarsiaa, tassa 0,847-imik agguarlugu.

Aarlerinaatitut akiliutip annertussusaa tassaavoq aarlerinaat eqimattami inummut aalajangersimasup aqqusaagaata annertussusaanut uuttuut, taamaalillunilu eqimattap ataatsimut piffissami aarlerinaatitut angusaanik amigartoorumut agguaassinissamut naapertuuttumik toqqammavik. Eqimattani inuup kialuunniit inuup sinneqartoortumik amigartoorumilluunniit aarlerinaammik aarlerinaammik akiliutigineqartumut aqqusaagaqarsimanera ilisimasinnaanngilaa, aarlerinaatimmi taamaallaat eqimattaq ataatsimut isigalugu aalajangersagaallutillu naatsorsugaapput.

Imm. 7 naapertorlugu § 3-mi siunnersuutaasoq naapertorlugu naatsorsuinermit, soraarnerussutisianik aningaasaateqarfiup imm. 4 naapertorlugu ernianut, aarlerinaatitut aningaasartuutitnullu angusanut naatsorsuusiortarnissaa toqqammavissaavoq. Aningaasartuutitut angusat, eqimattamut aningaasartuutitut akiliutit eqimattamut aningaasartuutaarpiartunik ilanngarlugit nassaarineqassapput. Aarlerinaatitut angusat, eqimattap aarlerinaatitut akiliutaasa eqimattamut aarlerinaatitut aningaasartuutaarpiartunik ilanngarneratigut nassaarineqassaaq. Ernianit angusat, eqimattamut aningaasaliinermi iluanaaruterpiaat ernianik ikisanik (erniassatut isumaqatigiissutit) ilanngarlugit nassaarineqassapput. Soraarnerussutisianik katersiviup naatsorsuusiortartup nassuiaataata ilaatut eqimattakuutaanut ernianut-, aarlerinaatitut- kiisalu aningaasartuutitut naatsorsuutit suliarereersimasassavai.

Soraarnerussutisiassatut aningaasaateqarfik ukiumi eqimattanut kiisalu sillimmatitut ataasiakkaanut ernianut-, aarlerinaatitut- kiisalu aningaasartuutitut naatsorsorneqarneranni ikisanik naatsorsuusiortassaaq, taakkulu piumaneqartillugit saqqummiunneqartassapput.

Taamaaliornikkut ernianik angusanit sinneqartoorutinit qanoq annertutigisut uninngasuutitut ikineqarsimanerat aammalu iluanaarutisiatut sillimmatinut agguarneqanngitsunut nuunneqarsimanerat nakkutigineqarsinnaassaaq, soorluttaaq eqimattanut aningaasartuutitut-aarlerinaatinullu inernermi amigartoortoqarsimanersoq sinneqartoortoqarsimanersorluunniit nakkutigineqarsinnaassalluni, taakkulu imm. 5-p, 6-illu naatsorsorneqarnerani ilaapput.

Imm. 8 naapertorlugu sillimmasikkat teknikikkut illikartitanik ilaqartinneqartunik sillimmaserneqarnerat, aningaasanik agguarneqanngitsunik imaluunniit sillimmasikkat uninngasuutaannik ilaqartinneqanngitsut, pigisatut nalilittut teknikikkut illikartitanut atuuttutut sinneqartoorutit annertussusaat aallaavigalugit akileraaruserneqassanngillat. Sinneqartoorutisiat teknikikkut illikartitaneersut akerlianik aningaasaateqarfimmut akileraaruserneqartassapput. Tassungaa atatillugu siunnersuummi § 5, imm. 4-p nassuiaataa innersuussutigineqarpoq.

§ 4-mut

Soraarnerussutisiaqalernissamut aningaasaateqarfiit taaneqartut pigisanit nalilinnit pissarsiaat suugaluartulluunniit akileraarnermi tunngavigisassanut toqqammaveqarnissaat siunnersuummi eqqunniarneqarpoq, tamatumani soraarnerussutisiaqalernissamut aningaasaateqarfimmi ilaasortat pissaat suli tunniunneqanngitsut tamakkiisumik ataatsimut isigineqartut. Siunnersuutip ilanngullugit tulluuttut atuuttussanngortissavai:

- 1) nunami pineqartumi maani soraarnerussutisiaqalernissamut aningaasaateqarfiit akimortumik attuumassuteqarfiusut aammalu suliffeqarfiit soraarnerussutisiaqalernissamut aningaasaateqarfii ilanngullugit,
- 2) §§ 253-258-mut tunngasut isertitaqaataasumik suliffeqarfiutillit akisussaasuilu pineqarput kap. 8-miittorlu suliffeqarfiit soraarnerussutisiaqalernissamut aningaasaqarfinnut tunngasut, immikkut iluarsillutik matoqqasunik katersaatillit inuunermulluunniit sillimasuussat suliffik aqputigalugu tiguneqarsinnaasussanut tunngassuteqarpoq § 307-mi inatsit tunngaviulluni.

Siunnersuut tunngavigalugu soraarnerussutisianik aningaasaateqarfiit il.il. aningaasaatinik aktiaatinillu iluanaarutisianit tamanit akileraarutitut akiliisussaataapput, tak. § 4 imm. 1. Peqatigisaanik soraarnerussutisianik aningaasaateqarfiit aningaasaliinermi iluanaarutisiaat, soraarnerussutisianik aningaasaateqarfimmi ilaasortanut ataasiakkaanut nuunneqartut, ilaasortat akileraarutitut akiliissutigisassavaat, tak. Siunnersuummi § 1, imm. 1 aamma § 3.

Iluanaarutininik pissarsianit ilaasortanut ataasiakkaanit pissarsiassani marloqiusamik akileraartannginnissat anguniarlugit imm. 2-mi siunnersuutigineqarpoq soraarnerussutisiaqarnissamut aningaasaateqarfiit assigisaallu aningaasat immikkoortitat ataasiakkaat ilanngaaserneqarnissaat siunnersuutigineqarpoq. Aalajangersagaq

tunnjavigalugu taamaasilluni aningaasat annertussutsit tamarmik ilanngaaserneqartalissapput aningaasani immikkoortinneqartuni erniat il.il. pineqartillugit.

Pissarsiassanit piunasaqaatinit annaasat ilanngaatigineqarsinnaanngillat pissarsiassanit piunasaqaatinit erniatigut isertitat iluanaarutilluunniit inatsimmut matumunnga ilaatinneqartut marloqiusamik akileraartannginnissamik isumaqatigiissut malillugu isertitat akileraarutaasussat naatsorsorneqarneranni ilaatinneqartussaanngippata.

Ilanngaatit soraarnerussutisiat akileraaruserneqartarnerat pillugu inatsimmi ilaanngitsut ilanngullugit ilanngaaserneqartassapputtaaq, taamaallaallu tunniunneqarsinnaasut piffissaq sillimmaasersimanerup atorunnaarfissaatut isumaqatigiissutigineqarsimasoq sioqqullugu sillimasersimasoq napparsimalerpat, innarluuteqalerpat toquppalluunniit, piffissaq atorunnaarfissatut isumaqatigiissutaasoq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermit kingusinnerunnigipat. Taamaannigipat ernialersuinerit il.il aaqquissuussinernut pineqartuni – siunnerfik uniorlugu – toqqaannanngitsumik erniatigut isertitat akileraarusersorneqalissammata § 4 aqutugalugu.

Imm. 2, nr. 1 najoqqutaralugu ilanngaateqartitsisoqassaaq aningaasat illikartinneqartuni tamani tamatumani erniat ataasiakkaanut tunngasut il.il., apeqqutaatinnagu ataatsimut immikkut pissarsiarineqarsinnaasunut immikkoortitat, ataatsimoorluni immikkut ittumik immikkut pissarsiarineqarsinnaasuni immikkoortitat agguanneqarsimannigitsut aamma assersuutigalugu nalinik iluarsiiisutit katersat pissarsissutaasinnaasut pineqartillugit.

Ukiup isertitaqarfiusup aallartinnerani aningaasaatit agguanneqanngitsut ataatsimoorlumik soraarnerussutisiaqartut iluanaarutaat ukiup isertitaqarfiusup iluani akileraaruserneqassapput § 4 najoqqutaralugu. Ukiup isertitaqarfiup iluani kingusinnerusukkut aningaasanik illikartitsinerit ingerlanneqarpata aningaasaatit erniat assigisaallu, § 4, imm. 2, nr. 1 aamma 2 najoqqutaralugu aningaasat pineqartunut ilanngaateqartoqarnissaa anguneqartassaaq. Ukiumi isertitaqarfiusumi ataasiakkaanut akileraarusersuinerit § 3 najoqqutaralugu ingerlanneqartassaaq. Ataatsimut isigalugu marloqiusamik akileraaruteqartoqannginnissaa pineqartumi anguniarneqarpoq.

Soraarnerussutisiaqarfinnik aningaasaateqarfiit aningaasaliissutinit iluanaarutinit toqqaannartumik tunniunneqartunit soraarnerussutissiaqarsinnaatitaasunut aningaasat tunniunneqartullu assigiisillugit isigineqassapput, tamatumani ataasiakkaanut pituttorsimaffiit soraarnerussutisiaqarsinnaatitaasut tigusassai tunniunneqarneri pineqartillugit akileraaruserneqartarneri illuatungilerneqartassapput § 3 najoqqutaralugu.

Siunnersuummi § 4-p siunnerfigaa ataatsimut immikkut pissarsiarineqarsinnaasunut immikkoortitat, ataatsimoorluni immikkut ittumik immikkut pissarsiarineqarsinnaasunut immikkoortitat agguanneqarsimannigitsut aamma nalinik iluarsiiisutit katersat

anigaasaliissutit iluanaarutaasut annertussusaat qanorluunniit annertutigigaluarpat annikitsigigaluarpallunniit ataatsimoortumik ilaasortanut immikkoortinneqartut soraarnerussutisiaqarfinneersut ilaasortaneersullu ataatsimut isigineqassasut, taamaasillunilu ilaasortanit aatsaat tunniunneqarnerini akileraarusersorneqartassallutik.

Inuunermut sillimmasiisarfiit eqqarsaatigalugit aningaasaatit iluanaarutit malittarisassat atuuttut najoqqutaralugit paasineqassapput soraarnerussutisiaqarsinnaasup iluanaarutaasut isertitanit akileraartussaataaffiusutut isertitatut isigineqartut. Isertitat akileraarutaasussaataasut il.il. suugaluartulluunniit soraarnerussutisiaqarsinnaasumit akileraarutissatut toqqammavissani ilanngaatigineqartassapput pinngitsoortinniarlugu iluanaarutaasut ingerlatseqatigiiffimmit aammalu soraarnerussutisiat iluanaarutit akileraarusersorneqartanninnissaat. Ingerlatseqatigiiffiit soraarnerussutisiassanik iluanaarutit akileraarutaat taamaasilluni sillimmaserneqartunit akileraarutaasassapput.

Inuunermik sillimmasiisarfiit eqqarsaatigalugit aningaasaatit agguaanneqanngitsutut paasineqassapput soraarnerussutisiaqarsinnaasumut iluaqutaasussatut immikkoortitsinerit il.il. suugaluartulluunniit, § 3 malillugu soraarnerussutisiaqarsinnaatitaasup akileraarutissaanut tunngavigisassanut ilaatinneqanngitsut.

Ingerlatseqatigiiffiit pineqartuni allanngorannigsumik immikkut soraarnerussutisianit iluanaarutigisanit immikkut ittumik aningaasat iluanaarutaasunit akileraarusersuiffigineqarnissaat anguniarneqarpoq, sillimmaserneqarsimasunut tunniunneqanngitsut aningaasat pineqartillugit, tak. Siunnersuutip § 5-iani allassimasut oqaaseqaatillu pineqartumut tunngasut.

Tamatuma kingunerisaanik akileraarusersuinerit soraarnerussutisiaqarfinneersut assigisaanillu ingerlatsivinni naatsorsuusiat taamaasillutik inuunermik sillimmasiisarfinni naatsorsuusiani isertitat akileraarusersorneqartussaataasut pineqartillugit, kingulliit taaneqartut nammineq aningaasaatit minillugit, siunnersuutigineqartut malittarisassani iluanaarutit sinneqartoorutaasut katiternerini soraarnerussutisianit iluanaarutit akileraarusersorneqarsimassapput. Tunniunneqarsimannigitsut illikartinneqarnerini soraarnerussutisianit iluanaarutit pineqartut inunnut ataasiakkaanut soraarnerussutisiaqarsinnaasunut tunniunneqartartut pineqartillugit siusinnerusukkut akileraarusersuinerit atorunnaarlugit § 4 aammalu § 5 najoqqutarineqalissapput, tamatumani ataasiakkaani akileraarusersuinerit pineqartillugit § 3 taarsiullugu atuutsinneqalissalluni.

Siunnersuutigineqartoq § 4, imm. 2 najoqqutaralugit aningaasaliissutit iluanaarutaani ilanngaateqartitsinikkut qulakkeerinnineq isumannaarneqassaaq, ataasiakkaanut tunniunneqarnerinullu atatillugu akileraarusersuinerimi tunngavissat siunnersuutip § 3-a aqutigalugu soraarnerussutisiaqartitsiviit aningaasaliissutaanit iluanaarutaasut taamaasillutik marloriarlugit akileraarusersorneqannginnissaat isumannaarniarneqarpoq.

Siunnersuutigineqarpoq aningaasat atukkat annertussusaat immikkut isumaqatigiissuteqarnikkut aaqqiinermi annaasaqaataasimassagaluarpata, qallunaallu aningaasaat atorneqarsimappata, annaasaqaatit ilanngaataasinnaassanngitsut. Pingaarnernut ilaavoq erseqqissassallugu akiitsutigut annaasaqaatit suulluunniit ilanngaataasinnaassanngimmata, qallunaat aningaasaat atorneqarsimappata piumasaqaataavoq inatsimmi piumasaqaatip minnerpaaffia eqquutsinneqarsimassasoq, atukkalluunniit tamakkiisumik akileqquneqarnerini aamma piumasaqaatit taamaaginnarput. Piumasaqaateqartoqarneraniluunniit annaasaqaatit ilanngaatigineqarsinnaanngillat, marloriaammilluunniit piumasaqaat iluanaarfugaluarpat isumaqatiginnikkulluunniit akileraarusiisoqarsimagaluarpat akileraarnissamut naatsorsuutinut tunngaviliisinnaassanngilaq.

Soraarnerussutisiaqalernissamut aningaasaateqarfiit il.il. ernianut tunngatillugu ilanngaateqarsinnaapput, erniat ukiumi akileraarfiusumi qangiuttumeersuuppata kiisalu katersaatinik allaffissornikkut aningaasartuuteqarsimagunik taakkuttaaq ilanngullugit ilanngaataaqqsuapput § 8-mi allassimasoq tunngavigalugu.

§ 5-imut

Siunnersuut naapertorlugu aningaasat soraarnerussutisianik aningaasaateqarfiit inuunermullu sillimmasiisarfiit sillimmasersimasunut illikartitai agguaanneqanngitsut akileraaruserneqartarnissaat siunnersuutigineqarpoq.

Aningaasat pineqartut, immikkoortoq 2 malillugu, tassaapput inuttalernagit tamaginnut uninngatitat iluanaarutissatut siunertaligaasinnaapput, ataasiakkaalluunniit nalillit nalitigut nikeriaateqarsimappata. Ukiumoortumik ileqqaakkanut ilanngutsinneqartuusinnaapput, sipaakkanut ataasiakkaanut nakkanngikkaluarlutik, ataatsimorsuaq katersaatinut inuttaligaanngitsunut ilanngunneqartuusinnaapput.

Ukiumi akilersuiffiusumi katersanut iluanaarutisiat, toqqaannartumik nammineerluni aningaasaatinut tunngikkaluartut soraarnerussutisiaqalertussanulluunniit toqqaannaq tutsinneqanngikkaluartut, pinngitsooratik aningaasaatinut uninngasuutinut siunertaligaanngitsunut tuttussaapput. Ukiorli akileraarfiusoq annaasaqaataasimappat, annaasaqaatit allamut aaneqarlutik matussusiisussaassapput atuisunut annaasaqaatigitikkumanagit, isumaqatigiissummut maleruutsitsiniassagaanni iliuusissaq taanna malittariaqartassaaq.

Taamaattumik siunnersuutigineqarpoq immikkoortoq 4-mi allassimasoq naapertorlugu akileraarusiinissamut tunngaviliinermi ukiumi akileraarfiusumi uninngasuutit annertussusaat malinneqassasoq. Taamaalilluni akileraarnermut tunngaviliussami ukiumut allannguisoqartassaaq aningaasaqarnikkut naatsorsueqqissaarnerup ataatsimoortup iluani. Taamaasiornermi anguneqassaaq akileraarnikkut § 5-imi allassimasup malinneqalernera,

ukiup akileraarfiusup naanerani, soraarnerussutisiaqalertussat ataatsimoorlutik nammattalissavaat. Immikkoortoq 4 malillugu isertitatigut nalunaarsuinermi pisariaqartassaaq nikisitsiallattarnissaq akileraartinnani naatsorsuutitigut inerniliisoqarnissaa anguniarlugu naatsorsuusianut inerniliussami.

Siunnersuutigineqarpoq, inuunermut sillimmasiisarfiit kiisalu soraarnerussutisiaqalernissamut aningaasaateqarfiit § 5 naapertorlugu ukiumut isertitaminnik nalunaarsuinerikkut aalajangiussaq taanna tunngavigalugu ilanngaateqartalersinnaanissaat. Tamannali taamaallaat pisinnaavoq § 5 malillugu, akileraarutitigut ukiumoortumik atuisunut ileqqaakkanik akilersuutinilluunniit ingerlatsisoqarsimappat.

Maluginiarneqarpoq, aningaasat uninngasuutit nikeriarsinnaasartut qaffaasoqarnerinnaani, allannguisoqarsimaneranilluunniit aallaaveqanngitsunik allanik aamma tunngaveqarsinnaalluarluni.

Pingaarnerpaatut inissisimavoq naggataatigut soraarnerussutisiaqalersinnaasunut ileqqaakkat agguaassinnaangornissaat. Taamaattumik Immikkoortoq 5-imi siunnersuutaavoq inuunermut sillimmasiisarfiit uuma aalajangiussap malitsigisaanik ukiumoortumik allannguutinik nalunaarsuisariaarunnerat. Siunnersuummi tassani immikkoortoq 6-ip eqqunneratigut § 3-mut ilaanngitsut tamaasa ileqqaarneqarsimasut aningaasat ilanngaataasariarutsinneqarput.

§ 5 naapertorlugu akileraarusiinnissamik siunnersuut aallaaveqarpoq ukiumut akilersuutitigut allannguut uninngasuutit ileqqaakkat soraarnerussutisiaqalersinnaasunut tutsinneqartussat, naatsorsuutini uninngasuutit allattorsimasut. Taamaalineratigut aningaasat soraarnerussutisiaqalersinnaasunut tuttussat, ukiumi atuutilerfimminni akileraaruserneqarsinnaalernissaat. Imaappoq katersaatitigut iluanaarutit akileraaruserneqartut. Taamaattumik § 5-imi nunanut allanut akileraarutaasartooq annikilliliiffigineqartoq, tassunga oqaaseqaatit § 15-imiipput.

§ 6-imut

Katersaatiniik atuisunut ataasiakkaanut aningaasat tutsinneqartut ataasiakkaarlutik siunnersuummi § 3 malillugu akileraaruserneqartassapput. Siunnersuutigineqarpoq piunasaqaammi annaasaqaat ilanngaataasinnaangitsooq, piunasaqaataasimasup erniatigut iluanaarutitigulluunniit marloriaammik tassannga maleruaqqusamik aallaavilimmik isumaqatigiinnikkut akileraaruserneqarsimassappat ukiumoortumik akileraarutigisimasat katinnerini inerniliinermi ilanngunneqartassanngitsooq.

§ 7-imut

Siunnersuutigineqarpoq inatsimmi § 5-imi aalajangersagassat periusissallu §§-ini 8-12 najoqqutassat malillugit naatsorsorneqartassasut.

§ 8-mut

Imm. 1-mut

Aalajangersagaq malillugu ukiup isertitaqarfiup iluani ernianut aningaasartuutaasimasut akileraarnermut tunngavissiinermi inerniliussassami ilanngaatigitinneqassasut. Akileraarutissanulli erniat akileraarnermi tunngavissat naatsorsorneqarnerini ilanngaatigitineqarsinnaanngillat.

Imm. 2-mut

Sillimasiinerit ernianit immikkut pissarsiffiusinnaanngitsut eqqarsaatigalugit § 4 malillugu soraarnerussutisiallit akileraarnermut akiliutaanik annertusiinissamik aalajangersaanissamut immikkut tamaasa ataasiakkaarlugit pisinnaatitaaneq malillugu isummersorfigineqartassasut.

Soraarnerussutisiallit immikkut tamarmik akileraarnermut tunngatillugu pisussaataapput ileqqaakkamik toqqortanut ilanngunneqartut erniaannik akileraassallutik.

Soraarnerussutisiaqalernissamut aningaasaateqarfiit aamma inuunermut soraarnerussutisiaqalernissamulluunniit sillimasiisarfiit akileraarutaasussartaasa annertussusissaa naatsorsortassavaat taamaattoq inuunermut soraarnerussutisiassaq avinneqarnikummat toqqortanut akileraarusiinermit kiisalu nammineerluni ileqqaakkanik akileraarusiinermit.

Tunisinermit erniatigut iluanaarutaaffiusuni (siunersuummi qanga taaguutitoqqat atorneqarput, inuunermut soraarnerussutisiaq erniatigut iluanaarutitalik kiisalu soraarnerussutisiaq iluanaarutitaqanngitsoq. Inatsisivittaani atugaasut tassaapput sillimasiineq erniaqartitsisinnaasooq sillimasinnerlu erniaqartitsisinaanngitsoq) soorlu inuup nammineerluni isummani malillugu pisariaqartitsinini naapertorlugi sillimasiinerit katiterlugit pilersitai soraarnerussutisiaqalernissamut aningaasaateqarfinni sillimasiisarfinnilu piniarneqarsinnaasut. Taamaattuni sillimasiisup nammineerluni aalajangersartarpaa aningaasaatini sorpianut atussanersut qanorlu erniatigut inissisimassanersut. Toqqortat annertussusiligaaneri periarfissaallu inuup nammineq aalajangersorsinnaasarpai, taamaalillutik inummiik inummut assigiinngiaartorpassuusinnaasarlutik. Katersaqartup nammineerluni iluanaarutissaminik alloriaatini aningaasartuutigisartussaammagit ilanngaataasinnaasannngillat.

Maluginiarneqarpoq, inuunermik sillimasiisarfiit toqqortanut erniaataat aningaasarsianit ilanngaatigitineqarneq ajortut, siunnersuut malillugu katersaqartup nammineerluni akiligassarimmagit. Imaassimappalli sillimasiisarfimmit siullermik akileqqaarneqarlutik kingorna atuisumut akiligassiissutigineqassapput, taannammat nammineerluni

uninngatitaminik akilersuisusaaq, taamaattoqarsimappat sillimmasiisarfiup allaffisornikkut aningaasartuutini ilanngaatigisinnaavai aningaasarsianit akileraarutit aqputigalugit, saniatigut atuisumut utertitat isertitatut nalunaarsorneqarsinnaallutik.

§ 9-mut

Aaliangersagaq malillugu akileraarusiinikkut annertussusiinermi piginneqatigiissutut iluanaarutip annertussusaa isigineqassaaq, imaappoq erniatigut iluanaarutitut kiisalu amigartoorutitigut, pisuussutillu nalingat aallaaviusussaalluni. Pisuussutit nalinginik aallaavilerluni akileraarusiinissaq akileraartarnikkut inatsimmi § 11-imi maleruaqqusat malillugit naatsorsuisoqassaaq.

§ 10-mut

Aalajangersagaq soraarnerussutisiaqarnikkut aningaasaateqarfinnut attuumassuteqarpoq allassimalluni aningaasaqarnikkut ingerlatsinertik akileraarnikkut ilisimasalinnik inunnik pisinnaatitaasunik ikiorteqarlutik ukiumoortumik nalunaarsortarsinnaagaat. (ilanngaateqartitsereerluni naatsorsusarnermik periutsit pisartagaat atorlugu)

§ 11-mut

Akileraarusiinermi maleruaqqusat, § 5 malillugu suliarineqartartuni, piffissalikkalik erniaqartitsinerit ilanngussuunneqartarput.

Imm. 2-mut

Aaliangersagaq malillugu illuuteqarnikkut allatigulluunniit inuussutissarsiuteqarnerup iluani ingerlassaqarnermi iluanaarutit amigartoorutillu akileraartarnikkut maleruaqqusat nalinginnaasut tunngavigalugit naatsorsorneqartassapput taamaallaat sillimmasiisarnikkut soraarnerisuteqalernissamullu aningaasaateqarfikkoortut minillugit. Illuutinik atortorissaarutaannilluunniit akileraarutitaqanngitsunik ingerlassisinaanerit atuutsinneqanngillat periarfissaanatillu.

Imm. 3-5-imut

Aalajangersakkap imarai § 4-mi siunnersuut akileraarusiisarnissamik tunngaviussasoq pappiaqqanik nalilinnik, qularnaveeqqusiusaqaarluni taarsigassarsisimanermut uppernarsaatinit pissarsiassanillu piumasaqaatinit, aningaasalersuinissanit isumaqatigiissutinit, aningaasaliissuteqarsimanermut uppernarsaatinit, aktiaatinit, piginneqataassutinit, piginneqataassuteqarnermut uppernarsaatinit aamma pappiaqqanik nalilinnik aktiannortinneqarsinnaasunit kiisalu pigisanit aalaakkaasunit iluanaarutit annaasalluunniit ukiup isertitaqarfiusup naanerani nalingata pissarsiarineranilu akiata aningaasanngorlugu nalingata assigiinngissutaa atorlugu nalunaarsorneqartassasoq uninngasuutit nalunaarsorneqartariaasaat malillugu.

Nunat allat aningaasaataannik peqarsimagaanni qallunaat aningaasaannut nalilerneqassapput.

Aningaasaliissuteqartarnermut peqatigiiffiit annertussusiligaanngitsumik qaffaavigineqartarput. Aamma tamanna pisarpoq soraarnerussutisiassamaatissanut akileraarusiinermi inaarutaasumik tunngaviliiniarnermi. Tamatuma aalajangiussap marloriaammik akileraartannginnissaq pinngitsoortittarpa.

Imm. 6-imut

Ingerlatseqatigiiffik nammineq aktiaatiminik atorunnaarsitsippat ukiup isertitaqarfiusup aallartinnerani aktiat atorunnaarsinneqartut niuerutigineqarnerminni nalingat ukiup isertitaqarfiusup aallartinnerani aktiat pineqartut niuerutigineqarnerminni nalinginit peerneqassaaq. Aktiat ukiup isertitaqarfiusup ingerlanerani pissarsiarineqarsimasut atorunnaarsinneqarpata, ukiup isertitaqarfiusup ingerlanerani nammineq aktiaatinik pissarsiarineqartunik ingerlatseqatigiiffiup pigisaasa tamarmisut pissarsiarineqarnerminni aktiat aktiat atorunnaarsinneqartut aktiallu ingerlatseqatigiiffimmit pigiinnarneqartut akornanni taakku amerlassusii naapertorlugit agguataarneqassapput.

§ 12-mut

Imm. 1-imut

Aalangersagaq malillugu akileraarutissat amigartoorfiusut naatsorsorneqarsinnaapput akileraaruteqaataasussat amigaartoorfiulerpata. Aalajangersagaq aallaavimmigut ukiuni isertitaqarfiusuni tulluittuni akileraarutissanit ilanngaatigineqarsinnaapput. Una aalajangersagaq taamaallaat, sillimmasiissutinut erniartigut iluanaarfiusinnaanngitsunut qulakkeerinnissimanningsunullu, iluaqutaasussaavoq. Tassunga pequtaavoq, taakkunani taaneqartuni marluusuni tamaginni ajutoorfeqarsinnaammata, akileraarusiinermi akiligassiissutitaqarsinnaasunik.

Maluginiaqquneqarpoq, akileraarnerit marluk imminnut nalimmasaasoqarsinnaanngitsoq akiligassat akilikkallu iluini. Akileraarut akiligassaq akileraarnermut tunngaviusoq paragraf 4 naatsorsorneqarsimasoq akileraarnermi ilanngaatilerneqarsinaanngilaq paragraf 4 naatsorsorsorneqareerpat ukiumi isertitaqarfiusumi. Akileraarut akiligassaq akileraarutip tunngavia paragraf 5-imit naatsorsorneqarsimasoq akileraarummik ilanngaateqartinneqarsinnaanngilaq paragraf 5 naatsorsorneqareersimappat isertitaqarfiup aappaaguani. Akileraarut akiligassaq akileraarnermut tunngaviusoq paragraf 3-mit naatsorsorneqarsimasoq tamattutaaq akileraarnermut ilanngaateqassanngilaq paragraf 3 naatsorsorneqareerpat, tassa isertitaqarnerup aappaaguani, soorlu soraarnerusutisiaqarsinnaasumut tamanna atuuttoq.

Aalajangersakkap niuerfiup naatsorsuusiorfiunissaa aqutissiuttarpaat akileraarummut akiligassamut, kontomut immikkut ittumut akileraarummut akiligassamut nuutinneqartarpoq

siunnersuutigineqartumut paragraf 12-mut immikkoortut arferngannut. Tassunga siunnersuutigineqarpoq naatsorsuutigisat tulleriinnilersorneqassasut ima, aallaqqaammut akileraarummut akiliutaasasut tassanngaaniillu niuernerup immikkut kontomut naatsorsuusiordermut ukiumi isertitanut suliffeqarfiup isertitaanut atorineqassasut. Kontoli immikkut ittup aningaasartai akileraarummut akiliut aatsaat 0-pat, taava akileraarummut akiligassaq alla suliffeqarfiup akiligassaannut pitsaasumut naatsorneqassaaq, naak akileraarummut akiligassaq kontomut nalinginnaasunut akileraarummut akiliutissaq akileraarummut akiliutaasumut kontomut immikkut ittumut allaat pisoqaanerugalarpat.

Akileraarummut akiligassamut naatsorsuusiordernermi akileraarut akiliutissaq kontomut immikkut ittumut atuuppat, soorlu akileraarummut akiligassamut naatsorsuusiordernermi malittarisassanit nalinginnaasunit, naatsorsuusiorderup akileraarummut akiligassamut ukiumut aningaasarsiorfiusumut immikkooruteqarpat, akileraarummut akiligassaq pisoqarnerpaaq erniat attuumassuteqarfiusut atuutsinneqassapput.

Imm. 2-mut

Imm. 2-mi siunnersuutigineqarpoq, § 1, imm. 2 tunngavigalugu akiligassinneqarsimasut, ukiumu tallimani allannguutitaqanngitsumik akileraarsimasunut, ukiut taakku qaangiunnerini utertoortissat inuttaannut utertoortigitinneqassasut. Aalajangersaaneq taanna qulakkeerinnissutissatut takorluugaavoq soorlu imaassinnaasarmat soraarnerussutisiaqalernissamut aningaasaateqarfiit matuneqariataartut. Taamatut matusoqariataartillugu katersarisimasat iluanaaruteqarfigisinaanissaat killeqalertarmat unitsivinneqarluniluunniit. Soraarnerussutisiaqalernissamut aningaasaateqarfiup tassunga killiffeqalersimasup akileraarutitigut isertitarisinnaasassaraluanil il.il. isumassaarutivittussaammagit. § 12, immikkoortoq 1 naapertorlugu akileraarut akiligassiissut, siunertaq malillugu utertoortaaq nalunaarsorneqarsinnaanngimmat.

Tassunga tunngasumik assersuusiordersinnaavugut (paasiuminarsarlugu):

Aningaasarsianit akileraarutit	§ 4 naapertorlugu naatsorsukkat
2019	-15 mio. kr.
2020	- 5 mio. kr.
2021	5 mio. kr.
2022	4 mio. kr.
2023	-3 mio. kr.
2024	2 mio. kr.

Aningaasarsianit akileraarutit 2015-imut naatsorsukkani akiligassanik peqartussaavoq 4 mio. kr.-inik 2019-imi aningaasarsianit akileraarutininnaanneersussanik (15 mio kr. 11 mio kr.-inik ilanngarlugit) Tamanna peqquteqarpoq 2019-mi aningaasarsianit akileraarutinit

anigaaseriviit 11 mio kr-it taamaallaat atorsinnaasimassammatigit ukiuni akileraarfiusuni tallimani siullerni. Aalajangersakkap atuutsinneqalerneraniik taamaalilluni 2025´mi soraarnerussutisiaqalernissamut anigaaseriviit 2019-mi utertuugassarigaluit tigusinnaangussavaat 4 mio kr immikkoortoq 3-mi piunasaqaat qulakkeerneqarsimappat. 4 mio kr utertoortit ukiuni malittaanni anigaasarsianit akileraarummut taartaassapput matussusiillutik.

Inatsisiliussassap taassuma qulakkiissavaa anigaasat akileraarutigit isertitat atorneqaratik uninngaannartussaagaluit atorneqarsinnaangornissaat, erniaat aamma eqqarsaatigaluit, utertoortigineqarsinnaangortussat.

Tassunga aamma ilaavoq, kontomut tassunga erniassatut killiliussaq malillugu utertoortit amerlassusissaat nassaarineqartarmat. Ataasiaannarluni nikiallatsitsisoqarsimappat anigaasarsianit akileraarutit ukiut arfinilissaanni utertoortigineqarsinnaassapput kontomit immikkut tassunga siunertalikkamik. Arlaleriaammilli allannguisoqarsimappat, naatsorsukkanut maniguuttumik utertoorteqartoqarsaaq.

Imm. 3-mut

Siunnersuutigineqarpoq, killissarititaq tikissimagaanni immikkoortoq 2 malillugu utertoorteqartitsisoqarsinnaasassanngitsoq. Taanna killiliussaq immikkoortoq 1-mi aaliangigaq malillugu inerniliussaasussaavoq, 15 %-mik ileqqaakkat apparsimappata soraarnerussutisiaqalertussalluunniit uninngasuutaannut ataatsimoortunut nuussisoqarsimappat Januarip aallaqqaataat 2018-imi inatsisip atuutilerneraniik atuuttumik. Inatsimmik tassanga pilersitsinermut peqquataavoq, soraarnerussutisiaqalertussat anigaasaateqarfiisa utertoortalernissaat il.il. inatsisip atuutilerneraniik katersat uninngaannaratik atuisunut iluaqutaasumik kinguneqartitsinissaq, naggataatigit inuttassaminnut tuttarnissaat taakkulu akileraarutigit § 4-mi siunnersuut malillugu akileraaruserneqartarumaarmata.

Imm. 4-mut

Siunnersuummi siunertaavoq imm. 3-tuut taamaallaat uani pineqarlutik inuunermik sillimmasiisarfiit kiisalu soraarnerussutisiaqalernissamut anigaasaateqarfiit imaappoq § 5 malillugu akileraarutaasimasunik utertoorteqartarnissaq. Uani aamma siunertaavoq anigaasat uninngaannartut kimulluunniit iluaqusersuutaanngitsut erniaqartitalernissaat utertoortaaasimasunik naggataatigullu inuttassaminnut iluaqusersuutaasussanik.

Imm. 5-imut

Siunnersuutigineqarpoq Imm. 3 aamma 4 naapertorlugit ukiuni isertitaqarfiusuni siusinnerusuni anigaasat qassit katersorneqarsimanersut naatsorsornerini, akileraarutissat amigartoorfiusut siusinnerusukkut imm. 2-4 naapertorlugit tunniunneqarsimasut ilanngullugit naatsorsorneqassapput. Akileraarutissat amigartoorfiusut imm. 2-4 naapertorlugit

anigaasanut tunniunneqartunut naapertuuttut imm. 1-imi malittarisassat malillugit siuartinneqarsinnaanngillat.

Inm. 6-imut

Imm. 1-imi siunnersuutigineqarpoq aningaaseriviit akileraarutit akileraarutissallu akilerneqanngitsunut kontonut marlunnut avittalissagaat – immikkut kontomut akileraarutissat katersorlugit kontomullu allamut akileraarutissat amigartoorfiusut katersorlugit. Ukiumi isertitaqarfiusumi akileraarutissat amigartoorfiusut ilaat oqaaseqatigiit siulliit malillugit nuunneqartut, annertunerpaamik allannortitsinermut immikkut tapisiat, soraarnerussutisiaqalernissamut aningaasaateqarfiup ukiumi isertitaqarfiusumi aaqqissuussinermik ernianut immikkut tapisiaqarfiusinnaasumit aaqqissuussinermut qularnaveeqqusiinertaqanngitsumut, aaqqissuussinermut 0 procentimik qularnaveeqqusiinertalimmumut imaluunniit aaqqissuussinermut piumasaqaatitalimmik qularnaveeqqusiinertalimmik 0 procent sinnerlugu piumasaqaatitaqanngitsumik qularnaveeqqusiinertaqanngitsumut allannortitsinermut atatillugu soraarnerussutisiaqartitaasinnaasunut agguassaasa akileraartarnermut nalinganut naapertuuttumik annerpaamik annertussuseqarsinnaavoq. Aningaasaqarnermik Nakkutilliisoqarfimmiit nalunaartusioroqarpoq ukiumut tallimanut inerniliussa qularnaveeqqusiinertalimmik qularnaveeqqusiinertalimmik 0 procent sinnerlugu piumasaqaatitaqanngitsumik qularnaveeqqusiinertaqanngitsumut allannortitsinermut atatillugu soraarnerussutisiaqartitaasinnaasunut agguassaasa akileraartarnermut nalinganut naapertuuttumik annerpaamik annertussuseqarsinnaavoq. Aningaasaqarnermik Nakkutilliisoqarfimmiit nalunaartusioroqarpoq ukiumut tallimanut inerniliussa qularnaveeqqusiinertalimmik qularnaveeqqusiinertalimmik 0 procent sinnerlugu piumasaqaatitaqanngitsumik qularnaveeqqusiinertaqanngitsumut allannortitsinermut atatillugu soraarnerussutisiaqartitaasinnaasunut agguassaasa akileraartarnermut nalinganut naapertuuttumik annerpaamik annertussuseqarsinnaavoq. Aningaasaqarnermik Nakkutilliisoqarfimmiit nalunaartusioroqarpoq ukiumut tallimanut inerniliussa qularnaveeqqusiinertalimmik qularnaveeqqusiinertalimmik 0 procent sinnerlugu piumasaqaatitaqanngitsumik qularnaveeqqusiinertaqanngitsumut allannortitsinermut atatillugu soraarnerussutisiaqartitaasinnaasunut agguassaasa akileraartarnermut nalinganut naapertuuttumik annerpaamik annertussuseqarsinnaavoq. Aningaasaqarnermik Nakkutilliisoqarfimmiit nalunaartusioroqarpoq ukiumut tallimanut inerniliussa qularnaveeqqusiinertalimmik qularnaveeqqusiinertalimmik 0 procent sinnerlugu piumasaqaatitaqanngitsumik qularnaveeqqusiinertaqanngitsumut allannortitsinermut atatillugu soraarnerussutisiaqartitaasinnaasunut agguassaasa akileraartarnermut nalinganut naapertuuttumik annerpaamik annertussuseqarsinnaavoq. Aningaasaqarnermik Nakkutilliisoqarfimmiit nalunaartusioroqarpoq ukiumut tallimanut inerniliussa

Imm. 2-mi siunnersuutigineqarpoq akileraarutit akilerneqarsimannngitsut akissarsiatigut akileraarutinerisut ernialernejassanngitsut inatsimmi § 12-mi Imm. 2 malillugu utertoortaanerminni imaluunniilli siunnersuutigineqarsimasoq malillugu kontomut nalinginnaasumut § 12, Imm. 6, uniffiit arfineq aappaat. Aalajangersakkap nassatarisaanik, annerpaamik ukiumut tallimani isertitaqarfiusuni qaangiuttuni ernialersuisoqarsinnaasumik, tunniunneqarsinnaanngitsunilli.

Imm. 3-mi siunnersuutigineqarpoq annerpaaffiliisoqassasoq ukiumut isertitaqarfiusumi akileraarutaasimasunik kontomut immikkut pilersinneqarsimasunut nuunneqarsinnaasunik. Aalajangersakkat malillugit killissaa akileraarnermut nalinga bonusimut, ukiumut isertitaqarfiusumi soraarnerussutisiaqarsinnaasunut neriorsuutigineqarsimavoq tassungalu atatillugu ernianik bonuseqarsinnaaneq pisinnaatitsilluni, tamannili ima aaqqinneqarsimavoq qulakkeerneqarsinnaanani, aaqqinneqarsimavoq 0 procentimik qularnaveeqquteqarluni imaluunniit qulaveeqquteqarsinnaasumik piumasaqaateqarnermut qulakkeerilluni taannalu attuumannigilaq qulakkeerutip piumasaqaataanginnerneranut 0 procentip qaanngernissaanut, annertunerpaaffiali ukiumut isertitat akileraarummik akilinissamut.

Qularnaveeqquteqanngitsumik tunisassiaq tassaasinnaavoq niuernermit erniat tunisassianut agguaqatigiisillugulu ernianut tunisassianut, tassungalit tunisassiamut 0 procent

qularnaveeqqut imaluunniit piumasaqataasumut qulakkeerut taamaallaat allannguutiniq pineqartut agguaqatigiissillugu erniat tunisassiaannut. Tunisassiaq 0 procentimik qulakkeerteqartoq tunisassiaavoq 0 procent akiligassamik qulakkeerteqartoq, tassa tunisassiaq agguaqatigiissillugu ukiumoortumik erniaqartoq aaqqissuussinermut piffissaliussaq akiliutaasinnaanani. Tunisassiaq qulakkeerummik piumasaqaatitaqartoq aaqqissuusaavoq, suliffeqarfiup akilersuut pilersissinnaavaa, siumut inerniliussaasimasut piumasaqataasut pisimappata soorlu piviusunngunngitsoorpat imaluunniit piviusunngortumik inerreqarpat.

Immikkoortut sisamaat aamma tallimaat nassuiaassineq , akileraarnermut nalip qanoq paasineqarsinnaanera iluanaarutissap bonusia soorlu siunnersuutigineqartumit paragraf 12, immikkoortut arfernata pingajua soraarnerussutisiat ilaalu ilanngullugit inatsimmi ilaasit paragraf 4-mi inuunermullu sillimmasernermut tunngatillug usuliaqartumut paragraf 5-mit eqqartorneqartumit.

Soraarnermusutisiaqalernissamut aningaasaateqarfiit il.il. § 4-mi pineqartut Imm. 3-mi neriorsuutigineqarsimasoq aallaavigalugu naatsorsuiffigineqartarssapput, kisitsisit marluk nalingi katillugit aallaaviulluni. § 4 imm. 2 nr. 1 akileraarnikkut annertussusiliussaq aallaavigalugu kiisalu § 1, imm. 1-mi allassimasoq (soraarnermusutisiaqalertussat aningaasaateqarfiinut immikkut aaqqissuussiffiit kap. 1) saniatigut § 4, imm. 2 imm. 1-miittoq allannguinermi iluanaarutissatut neriorsuutit. Oqaaseqaasiornermi qulakkeerneqassaaq paasinarsagaalluni aningaasaateqarfinnut ernialersorlugit aaqqissuussalinnut taamaallaat tunniunneqarsinnaasassasut.

Inuunermik sillimmasiisarfiit § 5-imut tunngassutillit imm. 3 naapertorlugu akileraarnikkut iluaqutaasussami neriorsuutigineqartumit kiisalu § 5 imm. 4 pkt. 1 tunngavigalugu naatsorsukkamik annertussusiligaq tunngavigalugu iluanaaruteqarfiusinnaanngorlugu innersuussutigineqarpoq. Aalajangersakkap kingunerisaanik akileraarnikkut aningaasanik atunngitsuukkanik § 5, Imm. 2 tunngavigalugu soorlu aamma imm. 3-mi eqqaaneqarsimasoq tunngavigalugu naatsorsorneqassapput. Tamatumalu kinguneraa soraarnermusiaqalertussanut akileraarutitigut ilanngaataasinnaajunnaanera erniaqartinneqarsinnaannginneralu.

Imm. 6 naapertorlugu ukiup akileraarfiusup naanerani akileraarutissanik akilernerqarsimanngitsumi kontomiittut aningaasat annertussusaat naapertorlugu ernialerreqassasut. Inatsisip § 12 imm. 1-mi maleruaqqusat malillugit naatsorsorneqassapput erniatigut akiligassatigullu annertussusaat aallaavigalugit ukiumi akilersuiffiusimasumi akilersorsimasat tunngavigalugit tassunga sanilliullugu inatsisip § 12 imm. 2-miittumi allassimasoq malillugu erniatigut annertussusiineq malinneqassaaq akileraarutit akilinngitsoorsimasat maleruagassaat.

Tassunga ilanngullugu siunnersuutip aappaani maluginiaqquneqarpoq siullertut akileraarutit akilinngitsoorsimasat pineqarmata immikkut kontomut pilersinneqarsimasumiitinneqartut,

ukiumi akileraarfiusimasumi naatsorsuutini inerniliussamut nalimmassaatissatut atorneqartussaammata. Aammattaaq siunnersuummiippoq akileraarutit akilinngitsoorneqarsimasut ukiut arfinillit akileraarfiusut qaangiunnerini tunniunneqarsinnaasassasut. Imm. 7-mi siunnersuutigineqarpoq akileraarutit akilinngitsoorneqarsimasut kontomiittut tunniunneqarsimasullu inatsisip § 12 imm. 2-mi imm. 3-4-lu tunngavigalugit kontomut nalinginnaasumut nuunneqartassasut erniaqarsinnaatitaanngitsumut.

Ilimasuutigineqartoq unaavoq pingaarnertut maleruaqqusaassasoq, akileraarutit akilinngitsoorneqarsimasut erniaallu kontomiitinneqartut § 12, imm. 2 imm. 3-4 malillugit tunniunneqarsinnaasassasut.

Malugeqquneqarporli imaassinnaasoq suliffeqarfiit ilaasa allannguuteqartoqarsimassatillugu akileraarutit akilinngitsoorneqarsimasut tigusinnaajunnaarsimassagaat, periarfissaq taanna eqqumaffigeqquneqarpoq, ernianik atunngitsuukkanik peqquteqarsinnaasumik. Tamanna pisinnaavoq suliffeqarfik ukiumi akileraarfiusumi 2020-mi, arlaatigut ajutooruteqarnikkut aktiaatinik, nunani allani aningaasat nalinginik pigisanik ingerlatsinikkulluunniit allannguutini aallaaveqarsinnaasunik ukiut akileraarfiusimasut kingulliit tallimat iluani pisunit. Kisiannili § 12, imm. 3-4 naapertorlugit pisinnaatitaaffiit eqquutsissimagaanni utertooruteqartoqarsinnaasassaaq.

Taamaalilluni Imm. 7-mi qulakkeerneqarpoq kontomi eqqartorneqartumi killeqanngitsorsuarmik uninngatitsisoqartannginnissaa, piumasaqaatit ukiuni akilersuiffiusuni kingullerni tallimani eqquutsinneqanngitsoorsimappata ilanngaassasaqartoqarsimanngippat imaluunniit utertooruteqarsimanngippata aningaasat uninngatiinnarnagit tunniunneqarsinnaanngorlugit.

Eqqartorneqartunut ataani saqqummiussat paasiuminarsarlugit takussutissiaapput, periutsit atorneqartut takuneqarsinnaallutik.

Ass. 1 – Nalimmassaasarnermut periutsinik takussutissaaq

Oqaaseqaateqarneq pissaaq 2023-imi soraarnerussutisiaqalertussanik aningaasaateqarfiit akileraarnermikkut utertoorutissaqalersimassapput 8900-nik. Assersuut malivinneqassappat § 12, imm. 3-4-milu maleruagassat eqquutsinneqarsimassapput ukiumi 2028-mi isertitatigut qummut killissaritaq qaangerneqarsimasussaanani.

Assersuut 1. nalinginnaasumik sillimmaseeqqinnermi					
		Akileraarutinit pisassanut	Akileraarutinit pisassanut		Akileraarutinit pisassanut
Ukioq	Suliffeqarfiup	konto	konto immikkut		konto immikkut
isertitaqarfiusoq	akileraarutaa	immikkut	ittoq ukioq	Pissarsiat	ittoq ukioq

		ittoq	ernianik isertitaqarfiusoq sioqqullugu ukiup naanerani		ernianik isertitaqarfiusup kingorna ukiup naanerani (1 %)
2023	-1.000	-200 ¹	-800		-808
2024	-100	-300	-808		-816
2025	100	-300	-716		-723
2026	200	-300	-523		-528
2027	-100	-400	-528		-533
2028	100	-400	-433	433 ²	0

Note 1: Akissarsiatigut akileraarutigut 2023-mi akileraarutit akilerneqarsimangitsut 1000-upput. Taakkunanga 800 neriorsuutit tunngaviullutik ilanngaatigitinneqarsimasut kontomut nuunneqarsimassapput. 200-t sinneruttut kontomi akileraarutitut akilerneqarsimangitsunut naliginnaasumi uninngaannassapput.

Note 2: 2028-mi 433 immikkut kontomi pilersitamiittut tunniunneqarsinnaalissapput. 2028-mi kontomit naliginnaasumiit utertoortissanik tunniussisoqarsinnaassanngilaq neriorsuuteqartoqarsimanera pissutaalluni

Ukiuni kingullerni akileraarfinni tallimani uninngasimangimmata.

Ass. 2 –Akileraarutininik akiligassatigut qummut killiliussamik qaangiinnermi allannguinerit

Ukiup naanerani uninngatitat 2019 : 800

Ukiut naanerini uninngatitat 2027 og : 600

2028

Ukiuni ukunani akileraakkat 2020- : 100

2023

Qummut killigititaq, jf. PAL § 12, : $100 + (800 - 600) = 300$

im. 4

Assersuut 2. Sillimmaseeqqinnerni utertoortissat utertoortaa sinnaasutut tunniunneqarsinnaasut killingannit utertoortissat annertunerutillugit

		Akileraarutinit pisassanut konto	Akileraarutinit pisassanut konto ukiup ernianik isertitaqarfiusoq sioqqullugu		Akileraarutinit pisassanut konto ukiup ernianik isertitaqarfiusup kingorna ukiup
Ukioq isertitaqarfiusoq	Suliffeqarfiup akileraarutaa	immikkut ittoq		Pissarsiat	

			ukiup naanerani		naanerani (1 %)
2022	-200	-200			
2023	-800	-200	-800		-808
2024	-100	-300	-808		-816
2025	100	-300	-716		-723
2026	200	-300	-523		-528
2027	-100	-200 ¹	-528	200	-534
2028	100	-534 ²	-434	100	0 ³

Note 1: Aningaasat uninngasuutit amerlassusaat nalinginnaasumi akileraarnermut akiligassaasuni 300-iuppata taakkunannga 200-it, 2022-mi naatsorsuutaasut akileraarummut akiligassanut killiliussamut akiliutaasinnaapput, tassa inatsimmut 12-mut, immikkoortut sisamaannut. 100-it sinneruttut akileraarummut akiliutissaasumut 2027-mut 100-it ilanngunneqassapput. Aningaasat amerlassusaat ultimo amerlassusaat kontomi nalinginnaasumi akileraarummut akiligassamut tamatuma kingorna 200-uusalluni.

Note 2: Aningaasat uninngasuutit amerlassusaat kontomi nalinginnaasumi akileraarummut akiligassamut 200-voq. Tamatumunnga pissutaavoq akiliutaasup akileraarummut akiliutaasussaanera, tassa paragraf 12-mut, immikkoortup sisamaat, tassunga akiliutissaq taamaallaat 100-voq tassa 434-nit, konto-mit immikkut ittumit akileraarummut akiligassamut, sinneruttullu 334-it kontomut nalinginnaasumut akileraarummut akiligassamut nuunneqassapput, sinneruttullu 534-iussallutik.

Note 3: Ukiumoortumik akileraarummi isertitat naatsorsoreerneranni 100-it naatsorsorneqareerpata, aningaasat amerlassusaat kontomi immikkoortumi akileraarummut akiliutit 434-iussapput. Aningaasartuutitut killissat 2028-mi 300-it, taavalu 2027-mi akiliutit 200, 100-it akiliutit, aningaasat sinneruttut 334 konto-mut nalinginnaasumut akileraarutitut nuunneqassallutik. Ukiup akileraarfiusup naanerani naatsorsuutit kontomi immikkoortumi akileraarutit tamatuma kingorna 0-ssaaq.

Assersuutit pingajuat, allannguutit marlunnik imaqartoq.

Allannguneq 2023-mi pissaaq soraarnerussutisiaqarnermut iluanaaruteqassalluni allanngortitsinermit bonusi 800-iuusalluni aammalu 2024-mi soraarnerussutisiaqarnermi iluanaarutit allanngunerup bonusia 400 kr-niussalluni.

Assersuummi siunertaavoq, assersuutit iluani ukiumi aningaasanik isertitsiffiusumi 2028-mi aamma 2029-mi akiliutaasimasut akiliutaasimasunut qummut killiliussap akiligassiissutitut akiliutissat soraarnerussutisianut iluanaarutit akileraarutitut inatsisaa paragraf 12, immikkoortut 3 aamma immikkoortut sisamaat.

Assersuut 3. Sillimmaseqqinneq marloriarluni ingerlanneqartoq

Ukioq isertitaqarfiusoq	Suliffeqarfiup akileraarutaa	Akileraarutinit pisassanut konto immikkut ittoq	Akileraarutinit pisassanut konto immikkut ittoq ukioq ernianik isertitaqarfiusoq sioqqullugu ukiup naanerani	Pissarsiat	Akileraarutinit pisassanut konto immikkut ittoq ukioq ernianik isertitaqarfiusup kingorna ukiup naanerani (1 %)
2023	-1.000	-200	-800		-808
2024	-500	-300 ¹	-1.208 ²		-1220
2025	100	-300	-1.120 ³		-1131
2026	200	-300	-931		-940
2027	-100	-400	-940		-949
2028	100	-200	-849		-419 ⁵
2029	100	-200	-319	634 ⁴	0
2030	0	-100	0	419 ⁶	0

Note 1: $-200+(-500+400) = -300$

Note 2: $-808+(-400) = -1.208$

Note 3: $-1.220+100 = -1.120$

Note 4: $(800*1,015)-(100*1,013)-(200*1,012)-(100)+(-200) = -634$. Ukiumi isertitaqarfiusumi 2023-imi 800 akileraarutinit pisassanut konto immikkut ittumut nuunneqarput. 800-t taakku ukioq 2028-imi akilerneqarnissamik tungaanut ukiuni tallimani ernialersorneqarnerat pitsaanerpaasimassagaluarpoq. Ukiumi isertitaqarfiusumi 2025-imi 100-t suliffeqarfiup akileraarutinit akiliutissaatut ilanngaatigineqarput. Taamaammallu 100 ukiuni pingasuni ernialersorneqartoq 800-nit ukiuni tallimani ernialersorneqartunit ilanngaatigineqassaaq. Ukiumi isertitaqarfiusumi 2026-imi 200 suliffeqarfimmu akileraarutinit ilanngaatigineqassaaq. Taamaammallu 200 ukiuni marlunni ernialersorneqartut 800-nit ukiuni tallimani ernialersorneqartunit ilanngaatigineqassapput, taamaaliornermilu 100-t ukiuni pingasuni ernialersorneqartut ilanngaatigineqassapput. Aningaasat akileraarutinit pisassanut konto immikkut ittumit 2028-imi tunniunneqarsinnaasut suli 100-nik, suliffeqarfimmu akileraarutinit ilanngaataasunik annikillineqassapput. Naggataagullu aningaasanut taakkununga -200 kontomit akileraarutinit ilanngaataasussanit nalinginnaasumit, 2023-imi naatsorsorneqartumit, taamaammallu 2028-imi tunniunneqarsinnaasunut ilanngunneqassapput. Taamaammallu 2028-imi katillugit akileraarutinit ilanngaataasussat 634 tunniunneqassapput.

Note 5: $(-849+434)*1,01 = 419$

Note 6: $(-419+100) -100 = -419$. Akileraarutinit utertuugassaq 319 utertuugassanut immikkut kontomiittoq 2029-imi tunniunneqarsinnaasooq utertuugassanut kontomi ukiuni tallimani uninngasimasooq nalinginnaasumiissimasooq -100 utertitsivigineqassaaq (100 kingulliit aatsaat 2027-imi tassaniilersimapput taamaammallu suli tunniunneqarsinnaanatik). Taamaammallu 2029-imi katillugit skatimit utertuugassat 419 tunniunneqarsinnaapput.

§ 13-imut

Siunnersuut naapertorlugu katersiviup tiguisup, katersivimmit tigusaminit taassuma akileraarutitigut inissisimanagera, imm. 2-4-mi piunasaqaatit taaneqartut naammassineqarsimappata tigussavaa. Aalajangersagaq § 1, imm. 2 naapertorlugu akileraartussaataasut, tassa soraarnerussutisianik aningaasaateqarfiit inuunermik sillimmasiisarfiit il.il., kattunneranni il.il. atuuppoq.

§ 14-mut

Aalajangersagaq akileraarusigassarititaasunik tunniussinernut kattunnernullu tunngavoq. Aalajangersagaq naapertorlugu qallunaat suliffeqarfimmut akileraarternermut inatsisaanni § 4, imm. 5 aamma § 8 atortuulersinneqarpoq.

Imm. 1-mut

Suliffeqarfik § 1, nr. 2 naapertorlugu akileraartussaataasooq suliffimmik suliffeqarfimmut pigisamut pilersinneqarlaamut suliffeqarfiup aktianik tamakkiisunik piginneqataassutinilluunniit piginnittuuffianut tunniussigaangat, suliffeqarfiup tunniussinerup akileraartarnikkut toqqammavissaataasut pissutigalugit tunniussinerup ullormit aalajangersumit atuutsilerneqarsinnaanera aalajangersinnaavaa. Tassa pisumi tassani inatsimmi aalajangersakkanut atatillugu suliffeqarfiup pigisap aallartinnermini naatsorsuutitigut oqimaaqatigiissitsinera pillugu kingumoortumik atuuttussanngortinneqarsinnaapput.

Imm. 2 aamma 3-mut

Aalajangersagaq suliffeqarfimmut § 1, imm. 2 naapertorlugu akileraartussaataasunut, akileraarusugassaataasumik suliffeqarfiit kattutsinneqarnerisa atuutilerfissaannut attuumassuteqarpoq. Tassa suliffeqarfiit peqataasut pissutsini aalajangersimasuni, kattunnerup inatsisimmi aalajangersakkanut atatillugu suliffeqarfiup ingerlaqqittup aallartinnermini naatsorsuutitigut oqimaaqatigiissitsinera akileraarusiisarnikkut ullormit aalajangersimasumit atuutsilerneqarsinnaavoq.

Imm. 4

Aalajangersakkat naapertorlugit tunniussineq inatsit una kiisalu akileraarusiisarneq pillugu inatsit naapertorlugu ulloq atuutsilerfia assingiissaaq, tassa suliffeqarfik inatsisit taakku naapertorlugit akileraartussaataappat.

Imm. 5-imut

Aalajangersagaq naapertorlugu akileraarternermik ingerlatsiviup imm. 1-imi qaammammik ataatsimik piffissamik annikinnerusumik sippuineq isiginngitsuusaarsinnaavaa, soraarnerussutisiaqalernissamut aningaasaateqarfimmi imaluunniit inuunermut aamma soraarnerussutisiaqarnissamut sillimmasiisarfinni pissutsinut sippuineq tunngaveqarsimappat.

§ 15-imut

Imm. 1-mut

Akilaartaussaataasut § 1, nr. 1 imaluunniit nr. 2-mi siunnersuutigineqartut naapertorlugit akileraarusiisarnermut inatsimmi § 69-imi aalajangersakkat naapertorlugit, nunani allani soraarnerussutisiassanik iluanaarutisianik akileraarutitigut oqilisaavigineqarsinnaaner at aalajangersakkap nassataraa. Akileraarusiisarneq pillugu inatsimmi § 69 naapertorlugu akileraarutit naalagaaffimmut takornartamut, Danmarkimut Savalimmiunulluunniit akilerneqarsimasut aammalu aningaasarsianit taakkunannga aallaaveqartunit toqqaannartumik akileraarusiinikkut unerartitsinikkulluunniit tiguniarneqarsimasut aningaasarsianit taakkunannga Kalaallit Nunaannut aningaasarsianit akileraarutinit akilerneqartussanit ilanngaatigineqarsinnaapput. Taamaattorli ilanngaatigineqartut akimorsinnaanngilaat Kalaallit Nunaanni akileraarutigineqartut tamarmiusut ilaat aningaasarsiat ilaasa naalagaaffimmi takornartami, Danmarkimi Savalimmiuniluunniit akileraaruserneqarsimasut aammalu aningaasarsiat Kalaallit Nunaanni akileraaruteqaataasut tamarmiusut imminnut sanilliullugit qanoq amerlatiginerat malillugu aningaasarsianut siulliullugit taaneqartunut tuttussaasut. Nunani allani isertitanit annikillisaataasinnaasunik naatsorsuinermi, aningaasartuutit taamaallaat isertitamut tassunga attuumassuteqartut ilanngaatigineqarsinnaapput.

Akilaarusiisarnermi inatsisini malittarisassat nalinginnaasut naapertorlugit ukioq isertitaqarfiusoq sioqqullugu ukiuni tallimani amigartoorutit akileraarusigassatut isertitat naatsorsorneranni ilaapput. Tassa »Kalaallit Nunaanni isertitami akileraaruserneqartumi tamarmi« amigartoorutit ilanngaatigereerlugit ukiumi isertitaq nanineqartarpoq. Amigartoorutaasussat akileraausiussassanut siuartillugit ilanngunneqarsinnaanngillat, taamaattoq akileraarutinit ilanngaatissat siuartinneqarsinnaapput. Tassa »Kalaallit Nunaanni isertitami akileraaruserneqartumi tamarmi« akileraarusigassatut toqqammavik soraarnerussutisiatut katersanit akileraarusiisarneq pillugu inatsit naapertorlugu akileraarutinit utertoorutaajumaartut ilanngaatigereerlugit akileraarutissamut naapertuuttunngorlugu naatsorsorneqartarpoq. Imm. 4 naapertorlugu akileraarut aningaasanut annikillisaataasinnaatitaasunut, ukiut siuliini aningaasanik akileraaruserneqartussaataasunik toqqammavissaqannginneq pissutigalugu atorneqanngitsut, inatsisartut inatsisaat manna naapertorlugu kingusinnerusukkat akileraarutigisassanut ilanngaatigineqarsinnaapput.

Taamaammat aalajangersagaq manna »Kalaallit Nunaanni isertitami akileraaruserneqartumi tamarmi« akileraarusiinermi toqqammavittut naatsorsorneqartarpoq, tamana inatsit manna naapertorlugu akileraarutissatut utertoortissat § 12-imi malittarisassat naapertorlugit ilanngaatigereerlugit kiisalu akileraarutissaq annikillisaataasinnaatitaasunut tunngasoq ukiuni isertitaqarfiusuni siusinnerusuni imm. 3 naapertorlugu atorneqarsimangitsaq.

Akilararusiisarneq pillugu inatsimmi § 69, imm. 2 naapertorlugu naalagaaffik takornartaq, Qallunaat Nunaat Savalimmiulluunniit marloriaammik akilaraarteqartitaanissaq pinngitsoorniarlugu isumaqatigiissuteqarfigineqarsimappata taamaattoq naalagaaffiup taassuma, Qallunaat Nunaata Savalimmiulluunniit isumaqatigiissut malillugu pinngitsooratik pisassarisaanit amerlanerusunik ilanngaatissaqartitsineqassanngilaq.

Aalajangeragassatut siunnersuutaasoq inatsisit naapertorlugit marloqiusamik akilaraarnissamut oqilisaataavoq, tassa akilaraartussaataasup ataatsip isertitai ataatsit marloriarlugit akilaraaruserneqarnerat, tamanna aningaasatigut marloqiusamik akilararusiinerup illuatungeraa, tassani isertat ataatsit akilaraartussaataasuni marlunni marloriarlugit akilaraaruserneqartarput.

Soraarnerussutisiassanik katersivinni akilaraartussaataasunut aalajangersagassatut siunnersuutigineqartumi soraarnerussutisiassatut katersivik nunani allani soraarnerussutisianik katersiviup nammineq aningaasaatiminit iluanaarutisiaani soraarnerussutisiatigut iluanaarummut akilaraarut tamakkerlugu oqilisaatigisassavaa. Aalajangersagassatut siunnersuutigineqartumi § 1, imm. 2 naapertorlugu akilaraartussaataasup nunani allani soraarnerussutisiassatut katersanit iluanaarutisianit akilaraarutiminik, § 4 naapertorlugu akilaraaruserneqartut toqqammaviit naapertorlugit naatsorsorneqartumik annikillisaavigineqarsinnaanera nassataraa. Inuunermik sillimmasiisarfiit akilaraartussaataasut, taamattaq § 1, imm. 2 naapertorlugu akilaraartussaataasut, § 5 naapertorlugu akilaraaruserneqartut toqqammaviit naapertorlugit naatsorsorneqartumik nunani allani soraarnerussutisiassatut katersanit iluanaarutisianit akilaraarutiminik annikillisaavigineqarsinnaapput, taamaattoq aamma imm. 4-mut nassuiaatit naapertorlugit.

Aalajangersagassatut siunnersuutigineqartup § 1, imm. 1 naapertorlugu akilaraartussaataasut nunani allani akilaraarutitut akiliutinut annikillisaavigineqarsinnaannginnerat nassataraa. Soraarnerussutisianik pissarsisussaataasut ataasiakkaat asersuutigalugu soraarnerussutisianik katersivimmi pigisanik marloqiusamik akilaraaruserneqartunik, inatsisit naapertorlugit piginnittuunngillat, taamaammallu soraarnerussutisiassanik pissarsisussaataasut ataasiakkaat siunnersuummi § 3 naapertorlugu nunani allani soraarnerussutisianik katersanit iluanaarutisianit akilaraarutitut akiliutinut annikillilerivigineqarsinnaanngillat. Inuunermik sillimmasiisarfiit soraarnerussutisiassanillu aningaasaateqarfiit il.il. inatsisit naapertorlugit pigisanik nalilinnik marloqiusamik akilaraaruserneqartunik piginnittuupput, taamaammallu inuunermik sillimmasiisarfiit soraarnerussutisianillu aningaasaateqarfiit siunnersuummi §§ 4 aamma 5 naapertorlugu nunani allani soraarnerussutisianik katersanit iluanaarutisianit akilaraarutitut akiliutinut annikillisaavigineqarsinnaapput, takukkit siuliani allanneqartut. § 1, imm. 1 naapertorlugu akilaraaruserneqartussaataasut nunani allani akilaraarutitut akiliutinik annikillisaanermik atuisinnaanngitsut, nunani allani akilaraarutit soraarnerussutisianik katersivimmut soraarnerussutisianillu pissarsisussaataasunut agguarneqarsinnaannginnerat tamatuma nassataraa. Soraarnerussutisianik katersivik taamaalilluni nunani allani akilaraarutitut

akiliutiminik tamakkiisumik nammineq akileraarutinut akiligassaminut ilanngussisinnaatitaavoq.

Imm. 2-mut

Inuunermik sillimmasiisarfiit, soraarnerussutisianik aningaasaateqarfiit il.il. iluanaarutisiaminnik naatsorsuinerminni uninngasuuteqarnermut periuseq atortassavaat. Iluanaarutisiat soraarnerussutisianik aaqqissuussani piginnittunut iluanaarusiinermit toqqammaviusut, nunani allani sulianit iluanaarutisianut, nunami allami pineqartumi suliani naleqarnerulissutini akileraaruserneqartussaataasunut ilanngunneqarsinnaapput. Tamanna nunani allani pigisanut aalaakkaasunut inissisimasunut tunngatillugu kiisalu inissiaatileqatigiiffinni aktiaatinik iluanaarutinut ajunaarutinullu, naalagaaffiit allat marloqiusamik akileraarusiisarneq pillugu isumaqatigiissut naapertorlugit inissiaatileqatigiiffinni nunani allani pineqartuni angerlarsimaffeqartuni aktiaatini iluanaarutinik ajunaarutinillu, naak aktiaateqartoq Kalaallit Nunaanni angerlarsimaffeqaraluartoq akileraarusiissussaataapput. Nunap allap akileraarusigassatut pisinnaatitaaffigisaa nalilinnik pilersitsinermi pissautsit naapertorlugit pisarpoq. Tamatuma pigisanik aalaakkaanik imaluunniit Kalaallit Nunaanni inissiaatileqatigiiffimmi aktiaatit nalitunerulissutaasa nunanit allanit siusinnerusukkut akileraarusiivigineqarnerat nassatarisinnaavaa. Imassinnaavoq ukioq piginnittuulerneq aallarnerfigalugu piginnittuujunnaarnermi ukioq ataaseq sioqqullugu nunani allani pigisani aalaakkaasuni inissiaatileqatigiiffinniluunniit aktiaatinit iluanaarutisiat tiguneqanngitsut immaqa akileraaruserneqanngitsut. Taamaattoq immaqa ukiumi piginnittuujunnaarfimmi soraarnerussitisiassatut uninngasuutinit iluanaarutisianit akileraarusiisoqanngitsoq, tassanilu iluanaarutisiat tiguneqartut nunani allani akileraarutinut ilanngaatinigineqartoq.

Ajornartorsiutip tamatuma soraarnerussutisianik aningaasaateqarfiit aningaasaateqarfiillu il.il. kontomik iluanaarutisiaminnit akileraarutinut pigisanilluunniit nalilinnit annaasanik ilisiffigisinnaasaminnik peqassasut siunnersuutigineqarpoq. Matumani taamaallaat konto iluanaarutit ajunaarutilluunniit nunani allani akileraaruserneqarsinnaaffiini (nunatsinni malittarisassat immaqalu marloqiusamik akileraarusersuisarneq pillugu isumaqatigiissutit naapertorlugit), iluanaarutillu ajunaarutillu soraarnerussutisianik katersanit iluanaarutit akileraaruserneqartarnerat pillugu inatsit naapertorlugu uninngatinneqarnerat ilanngullugu akileraaruserneqarsinnaaffiini. Taamaalilluni matumani nunani allani angerlarsimaffeqartuni pigisat aalaakkaasut inissiaatileqatigiiffinnilu aktiaatinut akileraarutinut tunngasunut kontoqarsinnaaneq kisimi pineqarpoq.

Kontomi soraarnerussitisiassanik katersanit iluanaarutisiat akileraaruserneqartarnerat pillugu inatsimmi naapertuuttumik akileraarusiineq, sammisamut aalajangersimasumut inissinneqarsinnaasoq, taamaalillunilu marloqiusamik akileraarusiineq naapertorlugu anikilliliivigineqarsinnaanngitsoq pineqarpoq.

Nunani allani sammisanit iluanaarutisianit akileraarut, akileraartussaataitaasumut attuumassuserneqarsinnaasoq, soraarnerussutisiassanik katersanit iluanaarutisiat akileraaruserneqartarnerat pillugu inatsit naapertorlugu akileraartussaataitaasup akileraarummut akiligassaanit anertunerusummi, aningaasat sinneruttut inernermiissinnaasut, pineqartup soraarnerussutisiassanik katersanit iluanaarutisiat akileraaruserneqartarnerat pillugu inatsit naapertorlugu akileraarutininut allanut akiligassaanit ilanngaatigineqarsinnaavoq, inernermilu aningaasat ilanngaatigineqartut annikilliliissutaallutik. Aningaasat ilanngaatigineqarsinnaatitaasut soraarnerussutisiassanik katersanit iluanaarutisiat akileraaruserneqartarnerat pillugu inatsit naapertorlugu akileraartussaataitaasup akileraarusiussaani annertuneruppata, taakku aningaasanngorlugit tunniunneqassapput. Sammisami annaasat uninngasuutit naapertorlugit naatsorsukkat annaasaqarfiuppata akileraarutininut utertoortissat inernermit ilanngaatigineqartussat naatsorsorneqassapput.

Imm. 3-mut

Aalajangersagaq naapertorlugu imm. 1 naapertorlugu annikillilerissut, § 12 naapertorlugu akileraarutininut utertuugassat assigalugit ukiuni tulliuuttuni soraarnerussutisiassatut katersanit iluanaarutininut akileraarutissaninut ilanngaatigineqarsinnaavoq. Akileraartussaataitasut ukiuni soraarnerussutisiassanik katersanit iluanaarutisiat akileraaruserneqartarnerat pillugu inatsit naapertorlugu akileraarutissatut toqqammavigineqartut mikivallaalernerisigut tamakkiisumik annikilliliisnnaanngiffii qularnaanniarneqarput.

Imm. 4-mut

Inuunermik sillimmasiisarfiit soraarnerussutisianillu aningaasaateqarfiit akileraartussaataitaasut, akileraarusiisarneq pillugu inatsimmi annikilliliissutit nalinginnaasut pillugit malittarisassat naapertorlugit nunani allani suliffeqarfiit akileraaruserneqartarnerat pillugu inatsit naapertorlugu akileraarutininut akiliutiminnut annikillisaavigineqarsinnaapput. Aalajangersagaq naapertorlugu inuunermik sillimmasiisarfiit, siunnersuummi § 1, imm. 2 naapertorlugu aamma akileraartussaataitaasut, nunani allani soraarnerussutisianik katersanit iluanaarutininut akileraarutininut akiliutiminnut, § 5 naapertorlugu akileraarusigassatut toqqammaviit aallaavigalugit naatsorsorneqartunit annikillisaavigineqarsinnaapput. Soraarnerussutisiassaninut iluanaarutininut akileraarummik ilanngaateqarnissami, nunani allani akileraarutigineqartoq akileraarusiisarneq pillugu inatsit naapertorlugu akileraarutissaninut ilanngaataasimannginnissaa piunasaqataavoq. Taamaalilluni nunani allani akileraarutininut akiliutaasoq soraarnerussutisiassaninut iluanaarutininut akileraarusiisarneq kiisalu akileraarusiisarneq pillugu inatsit naapertorlugu ataatsikkut ilanngaatigineqarsinnaanngillat. Aalajangersakkat naapertorlugit suliffeqarfiit nunani allani akileraarutigisartik soraarnerussutisianik katersanit iluanaarutininut ilanngaatigissanerlugu imaluunniit akileraarusiisarneq pillugu inatsimmit ilanngaatigissanerlugu namminneerlutik aalajangissavaat.

§ 16-mut

Imm. 1-mut

Soraarnerussutisianik aningaasaateqarfiit il.il. sorarnerussutisianik pisassaqaqtunit ataasiakkaanit soraarnerussutisianit pineqaqtunit akileraarutininik ilanngaassillutillu akileraartarnermut oqartussanut akiliisarnissamik pisussaaffilerneqarnissaat siunnersuutigineqarpoq.

Tamatuma saniatigut soraarnerussutisianik aningaasaateqarfiit il.il. ukiup isertitaqarfiusup qaangiunnerani akileraarusigassatut toqqammaviit, tassannga akileraarutaasussaataasooq kiisalu ukiumut isertitaqarfiusooq pillugu soraarnerussutisianut aaqqissuussanut ataasiakkaanut akileraarutissanut inaarutaasumik nalunaarsukkanik ulloq 31. maj nassiussisassasut siunnersuutigineqarpoq. Soraarnerussutisiatut iluanaarutisianit akileraarusiussap ulloq 20. februaarimit ullup akilerneqarfiata tungaanut, tassa kingusinnerpaamik ulloq 31. maj, ernialersorneqassasooq siunnersuutigineqarpoq, taamaaliornikkut akiliinerup kinguartinneratigut ataavartumik iluanaarutissanit annaasap annikinneruleqqullugit.

Ullup killigitap ullormut 31. maajimut aalajangiunnissaa siunnersuutigineqarpoq, taamaaliornikkut soraarnerussutisianik aningaasaateqarfiit akileraarusiivissatut toqqammavissanik il.il. inaarutaasumik nalunaarummik nassiussinissamut naapertuuttumik piffissalernerqarput.

Soraarnerussutisianik aningaasaateqarfiit il.il. pigisanit nalilinnit iluanaarutisiat pillugit inatsit naapertorlugu, suliffeqarfiup nammineq aningaasaataanut tutsinneqarsinnaasunit suli akileraartussaataapput, tak. siunnersuummi § 1, imm. 2. Tamatuma nassatarisaanik suliffeqarfinnut taakkununnga il.il. akileraarusiivissatut toqqammaviit il.il. pillugit inaarutaasumik nalunaarusiat, ilaatigut suliffeqarfiup nammineq aningaasaataanik akileraarusiinerit, ilaatigut soraarnerussutisianik katersaqartut iluanaarutisiaannik akileraarusiinerit, aaqqissuussinernut taakkununnga tutsinneqarsinnaasut.

Akileraarusiinissamut toqqammavissamik nalunaarutiginninneq, taassuma akileraarusigassaata ilaanik kiisalu akileraarutissaq qallunaat aningaasaattut nalunaarutigineqassaaq, soorluttaaqaq akileraarutininut akiliutit danskit koruunii atorlugit akilerneqassasut.

Taaguummi »soraarnerussutisianik aningaasaateqarfiit il.il.« soraarnerussutisianik aningaasaateqarfiit § 1, imm. 1 naapertorlugu soraarnerussutisianik katersanik aaqqissuussanik neqerooruteqartut tamarmik pineqarput.

Imm. 2-mut

Soraarnerussutisianik aningaasaateqarfiit niuernermit nalinginnaasumik ernialikkanik nioqqutaanni soraarnerussutisiassanik pisussaataasup toqqortaaniit akileraarutit ulloq akiliiffissaq eqqorlugu ilanngaatigineqassasut siunnersuutigineqarpoq, tassa ukiup isertitaqarfiusup kingorna ulloq 31. maj. Akileraarutit saniatigut soraarnerussutisianik

katersiviup aamma § 16, imm. 1 naapertorlugu erniat akilersissavai, tassa ulloq 20. februaarimit ullup akileraarutininik akiliiffissap kinguartitap tungaanut taarsiutitut.

Tamatuma saniatigut soraarnerussutisianik katersiviup akileraarut ullormi akiliiffissami sullitap uninngasuutaani aningaasanik akileraarutininik akiliutissanik uninngasoqarnera apeqqutaatinnagu akilertassagaa siunnersuutigineqarpoq. Soraarnerussutisianik pissarsiassaqtitaasup soraarnerussutisianik katersiviup il.il. soraarnerussutisiassanik pisassaqtartumut akiliussigallarutissai, niuerfinni erniat nalinginnaasunut assingusumik, soraarnerussutisianik katersiviup il.il. kontomik piginnittumut akiliussigallarneq pillugu allakkatigut nalunaaruteqarneranit ullut 15-t qaangiunnerani ernialissavai.

§ 17-imut

Imm. 1-mut

Siunnersuut naapertorlugu soraarnerussutisianik katersanut ilaasut tamarmik § 1, imm. 1-imut attuumassuteqartut aalajangersakkamut ilaatinneqassapput, tamatumalu sillimmasiisarfiit il.il. aamma aalajangersakkamut ilaatinneqarnerat nassatarissavaa.

Akileraarusigassatut toqqammavimmik nalunaaruteqarneq, taassuma akileraarusigassartaa kiisalu akileraarut danskit aningaasaat atorlugu nalunaarutigineqassapput, soorluttaa akileraarutit danskit aningaasaannik akilerneqassasut.

Imm. 2-mut

Imm. 1-imi aalajangersagassatut siunnersuutigineqartoq naapertorlugu soraarnerussutisianik aningaasaateqarfiit il.il. akileraarutininik kingusinaartumik akiliinermi akileraarusersuineramik ingerlatsineq pillugu inatsimmi § 43, imm. 1 naapertorlugu ernianut akiliisinneqassapput.

Imm. 3-mut

Siunnersuut naapertorlugu soraarnerussutisianik katersanik aqqissuussat tamarmik § 1, imm. 1-imut attuumassuteqartut aalajangersakkanut ilaatinneqassapput. Aalajangersagarli akileraarusersuisarneq pillugu inatsimmi § 45 naapertorlugu soraarnerussutisianik katersanik nuussinermi atuutinnilaq, taamaammallu soraarnerussutisianik katersivik nuussisoq imm. 1 naapertorlugu inaarutaasumik nalunaarusiortillugu, soraarnerussutisianik aningaasaateqarfiit marluk akornanni nuussinerni atuunnani. Tassa soraarnerussutisianik katersiviup soraarnerussutisianik katersivimmut allamut nuussinermi inaarutaasumik naatsorsuusiorneq isumagissallugu toqqarsinnaavaa.

§ 18-imut

Taamaallaat soraarnerussutisianik pissarsisussaataitaasut akileraarusersuineq pillugu inatsimmi § 1 naapertorlugu nunamut maanga akileraartussaataitaasut, marloqiusamillu akileraarusersuisarneq pillugu isumaqatigiissut naapertorlugu nunani allani najugaqartutut

isigineqanngitsut, soraarnerussutisianik katersanit iluanaarutisianit akileraarusersuineq pillugu inatsit naapertorlugu akileraartussaataapput. Akileraarusersuineq pillugu inatsimmi § 2 naapertorlugu killilimmik akileraartussaataasut akerlianik aallaavittut soraarnerussutisianik katersanit iluanaarutisianit akileraarusersuineq pillugu inatsit naapertorlugu akileraartussaataaangillat, takuuk siunnersuumi § 1.

Akileraartussaataaneq unippat, soraarnerussutisianik katersivik akileraaruserneqartussaataasunik taakkulu akileraarutinut akilerneqartussaaffiunik inaarutaasunik naatsorsuusiussaaq. Soraarnerussutisianik katersiviup akileraarutinut akiligassat uninngatissavai, nalunaarutigissallugit atuukkunnaarnerinillu ilisimasaqalernermit ullut suliffiusut pingasut iluanni akileraararnermut ingerlatsivimmut akilissallugit. Akileraarutinut akiliinermut peqatigitillugu soraarnerussutisianik katersiviup akileraartussaataasooq akiliinermik ilisimatissavaa.

§ 18-imi siunnersuutaasut § 17, § 17 imm. 2 aamma 3 naapertorlugu ernianut aalajangersakkat akileraaruserigassatut toqqammavimmik il.il. naatsorsuinermit atatillugu atorneqassapput.

Imm. 3-mut

Soraarnerussutisianik katersaqartut tamakkiisumik akileraartussaataanerup atuukkunnaarnerani akileraarutinik utertuugassanik atuisimangitsut, utertuugassat taakku kingorna Kalaallit Nunaanni tamakkiisumik akileraartunngoqqinnermini imaluunniit kingorna allannguineri, soraarnerussutisiaqartup Kalaallit Nunaanni angerlarsimaffeqaqqilernerani atugassatut piginnassavai.

Tamatuma saniatigut sipaagaqartut nunani allami tamakkiisumik akileraartussaataanermini soraarnerussutisianik aqqissuussanik atorunnaarsitsisut, akileraarutitigut utertuugassaminnik atorsimangisaminnik sipaagaqartutut tamakkiisumik akileraartussaataasut atorunnaarsitsinerullu nalaani Kalaallit Nunaanni najugaqartunut malittarisassat malillugit utertuugassatik tigusinnaavaat, tassa soraarnerussutisianik katersanit iluanaarutisianit akileraarusersuineq pillugu inatsimmi § 20 naapertorlugu.

§ 19-imut

Imm. 1-imut

Aalajangersagassatut siunnersuutigineqartoq naapertorlugu § 1, imm. 2 naapertorlugu akileraartussaataasut taamaallaat inaarutaasunik nalunaarummik nassitsissapput. Taamaalillunilu akileraarutaagallatumik akiliivallaarummik akileraarutinik utertoortoqasinnaangilaq.

Akileraarusigassatut toqqammavimmik taassumalu akileraarusigassaartaanik nalunaaruteqarneq danskit aningaasaat atorlugu nalunnaarutigineqassapput, soorluttaa akileraarutit danskit aningaasaannik akilerneqassasut.

Imm. 2 -mut

Soraarnerussutisiatut iluanaarutisianit akileraarusiussap ulloq 20. februaarimit ullup akilerneqarfiata tungaanut, tassa kingusinnerpaamik ulloq 31. maj, ernialersorneqassasoq siunnersuutigineqarpoq, taamaaliornikkut akiliinerup kinguarteratigut ataavartumik iluanaarutissanit annaasap annikinneruleqqullugit.

Akileraarutitut akiliutit kingusinaarummik akilerneqarpata, siunnersuummi § 23 naapertorlugu ernianik akiliisitsisoqassaaq. Erniat ilanngaatigineqarsinnaanngillat.

§ 20-imut

Siunnersuut naapertorlugu soraarnerussutisiatut katersanik aaqqissuussat § 1, imm. 1-imut ilaatinneqartut aalajangersakkanut ilaatinneqassapput, tamatuma aamma soraarnerussutisianik aningaasaateqarfiit § 1, imm. 1 naapertorlugu soraarnerussutisianik aaqqissukkanik nioqqutinik neqerooruteqartut aamma aalajangersakkamut ilaanerat nassatarigaa. Aalajangersagarli akileraarusiisarneq pillugu inatsimmi § 45 naapertorlugu soraarnerussutisianik aaqqissuussinernik nuussinerni, soorarnerussutisianik katersivik nuussisoq siunnersuummi § 17, imm. 1 naapertorlugu inaarutaasumik naatsorsuisimappat atuutissanngilaq.

§ 21-imut

Nalunaarsuummik kingusinnerpaamik tunniussivissaq akileraarutinillu akiliinissaq ilagiit nalliuttuini imaluunniit arfininngornermi pippat, killigititap ullormut suliffiusumut nalinginnaasumut tullermut nuunneqarnissaa siunnersuutigineqarpoq.

§ 22-mut

Imm. 1-mut

Aalajangersagaq naapertorlugu akileraaruserinermik ingerlatsiviit soraarnerussutisianik katersivinnit nalunaarsukkat akileraarusiussassallu naatsorsorneqarnerisa nakkutiginnissaannut naapertuuttumik inuttalerneqassapput, pisullu aallaavigalugit tassani allanngugassanik isumaginnillutik.

Imm. 2-mut

Akileraarummut allannguutaasinnaasut tassungalu tunngavilersuutit nalunaarusiamik nassitsisumut nalunaarutigineqassapput, soorluttaaq pineqartoq akileraarusersuineramik

ingerlatsineq pillugu inatsit naapertorlugu Akileraartarnermut Siunnersuisooqatigiinnut nammagittaalliorsinnaanerani ilisimatinneqassasoq.

Soraarnerussutisianik aqqissuussanut akileraarutininik allannguinit, § 1, imm. 1-imi taaneqartut pineqartillugit, soraarnerussutisianik katersiviup il.il. nalunaarut akileraartussaataasumut soraarnerussutisianik katersiviup il.il. akileraarutip allanngortinneqarnera pillugu nalunaarummik tigusaqarnerminit sapaatit akunneri sisamat qaangiutsinnagit ingerlateqqissavaa.

Imm. 3-mut

Soraarnerussutisiassanik pissarsisussaataasup soraarnerussutisianik katersiviup akileraarusigassatut toqqammavimmik naatsorsugaa akileraarutissatulluunniit naatsorsugai eqqortuunngitsutut isigippagu, pineqartup apeqqut Akileraartarnermut Siunnersuisooqatigiinnut ingerlatissinnaavaa. Maalaaruteqarnissamut akileraarutininik akiliutissamik nalunaarutip tiguneqarnerata kingorna qaammatinut pingasunut killilerneqassasoq siunnersuutigineqarpoq.

Imm. 4-mut

Akileraarutininik akiliutissaq appartinneqarpat, aalajangernermit sapaatit akunneri arfinillit qaangiutsinnagit akileraarutininik akiliutigivallaagaq utertinneqassaaq. Akileraarutaanerusussat aalajangernerup nalunaarutigineqarneranit sapaatit akunneri arfinillit qaangiutsinnagit akilerneqassapput.

Imm. 5-mut

Imm. 5-imi ernianut aalajangersagassatut siunnersuutigineqartoq, Qallunaat Nunaanni pineqarttumi atuuttunut assinguvoq.

§ 23-imut

Akileraarummik akiliineq naatsorsukkanik nassitsineq peqatigalugu pissaaq. Akiliiffissanik qaangiinnermi ernianik akiliisarnissaq siunnersuutip § 23-iani takuneqarsinnaavoq. § 27, imm. 4-p annertusinissaatut siunnersuutip kingunerisaanik, akileraaruseriffiup § 22, imm. 4 napertorlugu aalajangiinnermit sapaatit akunneri arfinilinnik piffissamik akiliiffissamik qaanginnerani pillammik ernialiinnermik aalajangersakkamik eqqussisoqarnissaa siunnersuutigineqarpoq. Piffissaliunneqartup qaaniunnerani utertitsilluni akiliinnermi akileraarutininik ingerlatsineq pillugu inatsimmi § 43, imm. 1 naapertorlugu ernianik akiliisitsisoqartarnissaa siunnersuutigineqarpoq.

§ 24-imut

Aalajangersakkakut nalunaarutit piffissaq eqqorlugu tunniunneqannginneranni, akileraartarnermut ingerlatsivik akileraarusiussassatut toqqammavimmik akileraarummullu akiliutigineqartussamik missingiisinnaaneraniq periarfissinneqarpoq.

Imm. 3 naapertorlugu soraarnerussutisianik katersaqartunut akileraartussaataitaasunut nakkutilliinermi atugassatut paasissutissanik tunisinissamik piunaffiginninnissamut akilerartarnermut ingerlatsivik periarfissinneqarpoq. Akileraartarnermut ingerlatsiviup siullermik soraarnerussutisiassanik katersivimmit paasissutissanik iluatsinngitsumik pissarsiniarsimagaluarnerani akileraartarnermut ingerlatsiviup allamik periarfissaqarnissaa siunertaavoq.

§ 25-imut

Inatsisip atortinneqarnerani erseqqinnerusumik maleruagassanik aalajangersaasinnaanermik Naalakkersuisut piginnaatinneqarnissaat siunnersuutigineqarpoq.

Kalaallit soraarnerussutisiassanik katersaqartut sapinngisamik akikinnerpaamik aaqqiivigisinnaajumallugit, maleruagassat taamaattut Qallunaat Nunaanni atuuttunut sapinngisamik assingunissaat naatsorsuutigineqarpoq.

§ 26-mut

Piaaraluni sakkortuumilluunniit mianersuaalliornikkut paasissutissanik eqqunngitsunik, salloqittaatinik akileraarusiinermi nakkutilliinermut atugassanik tunniussisoqarpat nipangiussisoqarpalluunniit, pineqartoq akiliisussanngortinneqarsinnaavoq. Taamattaq siunnersuummi §§ 16-19 naapertorlugu nalunaaruteqanngitsooraanni, akileraarutinilluunniit piffissaliussap iluani akiliinngikkaanni aamma tamanna pisinnaavoq.

Allaffissornikut ilitsersuutini Inatsisartut inatsisaat naapertorlugu saqqummersinneqartuni aalajangersakkanik unioqqutitsinermi akiliisitsinissamut maleruagassat erseqqinnerusut aalajangersarneqarsinnaapput.

Akiligassat pinerlittaalisitsinermi inatsimmi maleruagassat naapertorlugu inuttut isigineqartunut akiligassiissutigineqarsinnaapput.

§ 27-imut

Unioqqutitsineq akiligassiissummit annertunerusumik kinguneqassanngitsunut naliliivigineqarpat, suliaq allaffissornikkut aalajangiivigineqarsinnaavoq.

Inatsisartut inatsisaat naapertorlugu akiligassiissutit Nunatta Karsianut nakkartinneqartassapput.

§ 28-imut

Inatsimmi uani aalajangersakkanik unioqputitsinerit pillugit sulianut atatillugu illunik misissuinerit, pinerlittaalisitsinermit inatsimmi malittarissat naapertorlugit ingerlanneqartassapput.

§ 29-imut

Finanstilsynip inuunermik sillimmasiisarfirmi sillimmatit imaluunniit soraarnerussutisianik katersivimmi soraarnerussutisiassatut katersukkat nakkutigineqalernissaanik aalajangernerani, aalajangersakkat naapertorlugit inuunermik sillimmasiisarfiup imaluunniit soraarnerussutisianik katersiviup aqutsisorigallagai ivertinneqassapput.

Aqutsisuugallartut soraarnerussutisiassatut neriorsuutigisani sillimmatiniluunniit akileraarutinut akiligassanut akiliisussaataitaassasut ilanngullugu siunnersuutigineqarpoq. Aqutsisuugallartut akileraarutinut akiligassanut akiliisussaataitaassapput, taakkumi siunnersuummi kapitali 4 naapertorlugu akileraarusigassatut toqqammavimmut naatsorsukkanik, tassunga akileraarutinut akiligassanut kiisalu ukiumi isertitaqarfiusumi akileraarummik akiliinissamut pisussaataitaapput.

§ 30-mut

Inatsisartut inatsisaata ulloq 1. januar 2018 atuutilernissaa siunnersuutigineqarpoq.